



Luckhart



John Trotter Breckett



The^s Wilkinson Esq^{re}
SCOTS HOUSE.



C. K. Pyeeman.

Quibus in quibus hinc litera V — ad quosque enarrationes
a verticibus in Effig. prof. Theol.



I C O N E S,

id est

VERAE IMAGINES

VIRORVM DOCTRINA SIMVL

ET PIETATE ILLVSTRIVM, QVORVM PRÆ-
cipuè ministerio partim bonarum literarum studia
sunt restituta, partim vera Religio in variis orbis Chri-
stiani regionibus, nostra patrùmque memoria fuit in-
staurata : additis eorundem vitæ & operæ descriptio-
nibus, quibus adiectæ sunt nonnullæ picturæ quas
EMBLEMATA vocant.

Theodoro Beza Auctore.



CENEVÆ,

APVD IOANNEM LAONIUM.

M. D. LXXX.

Nevel Baudouin



IACOBVS · 6 · DEI · GRA · REX · SCOTOR ·

IN VTRVNQVE
PARATVS.





SERENISSIMO PER DEI
GRATIAM SCOTIÆ REGI
IACOBO EIVS NOMINIS SEXTO,
THEODORVS BEZA GRATIAM AC
PACEM A DOMINO.



IRTUTEM laudari boni omnes libentissimè, nemo, nisi malus audiit inuitus. Itaque sicut Regiæ tuæ Maiestati bonis-que omnibus non iniucundum, ita solis malis displiciturum hunc meum laborem spero, quo præcipuæ virtutis, id est veræ pietatis, non amicos modò & fautores, sed etiam conciliatores, si non pro rei & personarum dignitate, (quis enim hoc præstiterit?) at certè pro viribus laudare constitui. Quisquis autem ex aduerso, non quidem institutum hoc meum reprehenderit, sed impietatis potius damnandos existimauerit, quos ego ceu pietatis magistros celebro, errore sanè suo fruitor, nisi ampliari iudicii hac de re diem sustinere malit. Sed erunt fortassis ex nostris nonnulli, qui præteritas imagines vel eam ob causam mallet, ne aduersariis, quos idololatriæ accusamus, calumniandi occasio præbeatur. Istis verò illud ipsum respondeo, quod minimè ignorant, neque picturam videlicet, neque calaturam, ceterasve artes eiusmodi, per se reprehendi, quarum

EPISTOLA.

multiplicem esse utilitatem constet. Certè si viva vox audientes magnopere afficit, nemo meritò inficitur, quum non nisi præsentibus audiamus, plurimum etiam ipsorum hominum conspectu nos commoueri, adeò quidem ut magnos viros etiam tacentes reuereamur. Quid igitur vetat quominus sicut scripturæ beneficio doctos & pios homines, quãuis mortuos, quasi nobiscum adhuc loquentes audimus, ita quoque ex veris illorum imaginibus quos studiose viuos obseruauimus, hoc consequamur ut eos ipsos adhuc intueri & amplecti videamur? Quod si qui vel in colendis viuis modum non tenet, vel mortuorum imagines temerè & contra Dei mandatum in sacris locis collocatas tandem etiam superstitiosè, atque adeò impiè venerantur, atque adeò suas mutas imagines libros esse idiotarum nugantur, quid hoc ad nos, qui nedum ut tale quicquam admittamus, Christianorum quoque templa diligenter ab his sordibus repurgamus? Nec quidem certè testari possum tantorum hominum non modò libros legentem, sed etiam expressos vultus intuentem, haud multò aliter affici, & ad sanctas cogitationes impelli, quàm si coram adhuc ipsos docentes, admonentes, increpantes his oculis aspicerem. Hanc igitur causam habui cur istas (non omnium quidem, quod iusta fortasse reprehensione non careret, sed præstantissimorum, & quidem mortuorum duntaxat, ne viuis adulatus videar) imagines partim iam nactus, partim adhuc nancisci sperans, vacuo nondum repertis spatii relicto, alteras, addita breui singulorum vitæ ac studiorum descriptione, edendas putarem. In his autem digerendis hunc sum ordinem sequutus, ut Centium & Ecclesiarum, in quibus floruerunt, seruata distinctione,

EPISTOLA.

Etione, ipsis & doctis eorum *παροστάταις*, utpote quorum ministerio nostra patrūque memoria Ecclesiæ bonæque literæ sunt instauratæ, primum hunc locum tribuerim: altero Regibus, Principibus, & ciuitatum Magistratibus, Ecclesiæ nutritiis, militariibus denique fortissimis viris seruato, qui pro tuenda vera religione sanguinem etiam profuderunt. Horum autem recensioem quum differre me plurimæ grauissimæ causæ cogant, vehementer interim eos rogo quibus hic meus labor non displicebit, ut missis saltem eorum veris Iconibus, quos hanc laudem mereri existimauerint, adiuuare meum hunc conatum non grauentur. Quod autem iis quos nunc commemo, nonnullos in ipso præsertim Calliæ vestibulo adiunxi, quorum nonnulli pietatem ipsam, non tamen certa (ut arbitror) improbitate, sed ignorantia oppugnarunt, alii religionem cum populo colere quàm suæ conscientiæ rationem habere quantam oportuit maluerunt, nullus ut spero indignabitur, qui mei cōsiliū causā ex ipsis eorū elogiis cognouerit. Subiunxi præterea EMBLEMATA quadraginta & quatuor, quæ, quòd graues & pias sententiās complectantur, eruditissimis lectoribus non ingrata fore mihi persuasi. Sunt autē, opinor, sic appellata, quod imagines eiusmodi sententiosæ opere tessellato parietibus aut vasis inferi consueuerint. Cæterum cur Regiæ tuæ Maiestati meum hunc qualemcunque laborem audeam consecrare, iustissimam, ni fallor, causam habui. Quum enim te cōstet ab ipsa pueritia, diuino quodam impulsu (adscitis etiā eruditissimis illarū doctoribus, D. Georgio Buchananano, quem mihi liceat omnino liberalioris eruditio- nis ac præsertim poëtices parentem appellare, & D. Petro


E P I S T O L A.

Junio, eximia quoque doctrina prædito) linguarum & bonarum artium studia tanta mentis contentione tantoque successu amplexum, ut, fauente Deo, veterum illorum, tum rebus fortiter gestis tum etiam eruditione clarissimorum Regum memoriam nostro seculo renouaturus videare: atque adeò illos propemodum omnes in eo superaturus, quòd te veræ pietatis, quæ illis plerisque defuit, studiosissimum re ipsa in primis ostendas: cui tandem existimauerim gratiorem fore virorum & doctrina & pietate præstantissimorum commendationem? Ad hæc & illud accedit quòd quum Christi regnum quanto maximo animi ardore fieri potest apud Scotos tuos promoueas, vsque adeò ut ad extremas vsque terras huius tuæ singularis pietatis fama permanarit, sit autem huius Christi regni pars etiam aliqua Geneuensis hæc Ecclesia, putauit me esse officii memetipsum tuis populis aggregare, & gratam communis tanti beneficii memoriâ Regiæ tuæ Maiestati qua possem ratione testificari. Præterea (quod citra inuidiam dictum sit) quum, per Dei gratiam, hæc Ecclesia partem sibi vindicet non pœnitendam beneficii in Scotia regnum, maximorum virorum D. Ioannis Cnoci Scoti & D. Christophori Gudmani Angli ministerio collati: & peculiari quodam communis non modo confessionis, verum etiam Ecclesiasticæ & traçias vinculo videri possint Ecclesiæ Scotica cum Geneuensi cõiuncta: sic quoque mutuam hanc in Christo connexionem testari, ac veluti sancire, consilio minimè, ut arbitror, reprehèdendo studui. Quid plura? quum ad Gallicæ vsque gentis ministros Geneuæ non ita pridem, Religionis causa, exulantes, Scotica-

rum


EPISTOLA.

rum Ecclesiarum beneficentia redundarit, & hanc scholam non pauci Scoti multis modis exornarint, veluti Henricus ille Scrimgerus, eruditissimus apud nos iuris civilis professor, in tempestiva nobis morte sublatu: Andreas Melvinus nostri non ita pridem, nūc autē vestri gymnasii singulare ornamento: insignis denique generis adolescens Georgius Keytus ab illustri patre Scotici regni Marefcallo, ad nos vsque studiorū causa missus: ac nunc quoque regiae familiae iuuenem Dominum Franciscum Stuardum, Illustrem Comitem à Botuel, singulare nobis in tenera etate maximarū virtutum exemplum præbentem cernamus, quānam istam non referendorū quidem, sed agnoscentorum beneficiorum occasionem prætermissem? Accipe igitur, Serenissime Rex, munus hoc meū, per exiguū quidē illud, si quidquid in eo meum est spectetur, sed pulcherrimorum exemplorum plenum, quibus utinam, frustra repugnante Satana, Scoticum tuum regnum magis ac magis florere atque redundare conspicias. Faxit, inquam, Rex ille Regum, ut quæ Regiæ tuæ Maiestati maximarum virtutum semina tam liberaliter infudit, felicissimè tecum adolescant, & quam de te expectationem in orbe toto Christiano concitasti, non modo sustineas, sed etiam longè latèque superes. Genevæ Cal. Martii, Anno vltimi temporis C I O, I O. L X X X.





ANTESIGNANI PATRVM
MEMORIA INSTAVRANDI CHRIS-
TIANISMI MARTYRES, EX DI-
VERSISSIMIS ORBIS TERRA-
RVM REGIONIBVS, ANGLIA,
BOHEMIA, ITALIA, DIVINITVS
SELECTI.



IOANNES
WICLEFVS
ANGLVS, IN A-
CADEMIA OXONI-
ENSI THEOLO-
GIE PRO-
FESSOR.

I. WICLEF.



IOANNES WICLEFVS.

V.

SIT hoc tuum in primis verum & immortale decus, Anglia, quãuis à te postea cõmaculatum, quòd Ioãnem Wiclefum edideris, primum ausum, post multa secula, Romanæ meretrici securè inebriatis Europæ regibus illudenti, bellũ palam indicere: idque tanto successu, vt iam tum vulnus gladio verbi diuini abs te vibrato inflictum acceperit, quod, vt ad tempus sanatum videri potuerit, semper tamẽ recruduit, ac tandem lethale, Dei beneficio, euasit. Supererat tanto athletæ martyrii corona, quam viuo frustra expetitam quadragesimo demum post mortem anno crematis ossibus tuis es adeptus, hoc vel vno scelere Antichristo sibi ipsi quidem perpetuam crudelitatis notam inurente, tibi vero tanto maius decus conciliante.

Floruit anno Domini, CIO. CCC. LXXII.

Obiit post varia certamina CIO. CCC. LXXXVII.

Cremata sunt eius ossa Oxonia, anno Domini CIO. CCCC. X.

A. ij.

IOANNES HVSSVS.






IOANNES HVSSVS BOHEMVS. 85
IN ACADEMIA PRAGENSI THEOLOGVS.

VIGILIS anseris hoc (enim patria Bohemorum lingua cognomētum illud sonat) minimè obstrepere, sed suauissimum, ac planè tempestiuum clāgorem! quo cœlitus potius quàm ex terra sonante, veternosi tot seculis Christiani sunt excitati, non vt, anserum Capitolinorum exemplo, Tarpeia rupes aduersus inuasores seruarietur, sed contra vt immanis prædo ex illa eadem arce, partim astu, partim vi occupata, in Christianum orbem diu grassatus, deturbaretur. Vt autem illum idem iste perfidè correptum vstularit, quid aliud tamen efficit, quàm quòd tum sibi ipsi, tum aliis suis mancipiis indelebilem perfidiæ notam inussit, tu vero, Husse, quasi ex cauea in cœlum emissus ingrata terra relicta euolasti? Quin etiam (dictu mirabile) tot illos qui & iam tum sunt auditi, & nunc adhuc audiuntur, olores tibi succincentes, cur nō meritò velut ex fecundissimis tuis phœnicis potius, quàm anseris, cineribus (quod etiam diceris iam iam moriturus prædixisse) enatos dixerimus?

Creatus est viuus, violata publica fide Constantiæ ex pseudo-synodi decreto, anno Domini
CIO. CCCC. XV. VI Iulij.



HIERONYMVS
BOHEMVS
PRAGENSIS.



HIERONYMVS BOHEMVS
PRAGENSIS.

QPORTEBAT scilicet coniuratos diuinæ veritatis hostes, duobus minimú testibus conuinci, vt nihil haberent quod obstinatissimæ improbitati, ne corá hominibus quidem, possent prætexere: & par erat fortes & constantes in eodem certamine socios, pari quoque vel potius eodem triumpho nobilitari. Sequutus es igitur, Hieronyme, Ioannem tuum, à quo ne morte quidem diutius diuidi sustinuisti. Qui verò fueris & qualem te ipsum in extremo præsertim certamine, in quo posita est victoria, præstiteris, æquum est vt ex teste minimè omnium fidei suspectæ audiamus, ex quo iudices iniquissimi fuisse qui te damnarunt coarguantur.

EX EPISTOLA POGII FLORENTINI
ad Leonardum Arctinum, Constantiæ scripta; eadem die qua
Hieronymus Pragensis crematus est, nempe IIII Calendas Iu-
nias, CIO. CCCC. XVI. altero post Ioannem Hussum anno.

QVVM multa in hunc Hieronymú congesta essent quibus arguebatur hæresis, atque ea testibus firmata: tandem placuit vt publicè singulis, quæ sibi obiiciebantur responderet. Ita in concionem deductus, quum iuberetur ad illa respódere, diutius recusauit, asserens se debere prius causam suá agere, quàm respódere maledictis aduersariorum. Ita se prius pro se dicentem audiendum esse asseuerabat, tandem ad æmulorum suorum probra in se congesta deueniendum.

SE D quú hæc cōditio sibi denegaretur, tū stans in medio concionis: quanam est hæc iniquitas, inquit, vt quú CCC. XL diebus, quibus in durissimis carceribus fui

in fordibus, in squalore, in stercore, in compedibus, in rerum omnium inopia, aduersarios atque obtrectatores meos semper audieritis, me vnā horam audire nolitis? hinc est, vt dum illis singulorum aures patuerunt, atque in tam longo tempore vobis persuaserunt me hæreticum, hostem fidei, Ecclesiasticorum persecutorem, mihi autem me defendendi nulla datur facultas, vos me prius improbum hominem iudicaueritis in mentibus vestris, quàm qui forē potueritis cōgnoscere. Atqui, inquit, homines non dii estis, non perpetui, sed mortales: labi, errare, falli, decipi, seduci potestis. Hic mūdi lumina, hic orbis terrarum sapientiores esse dicuntur: maxime vos decet elaborare nequid temerè, nequid inconsultè, neue quid præter iustitiam faciatis. Equidem ego homuncio sum, cuius de capite agitur: nec pro me hæc loquor qui mortalis existo: verum indignum mihi videtur sapiētia, aliquid tot viros aduersum me statuere præter æquitatem, non tam re, quā exemplo nociturum.

HÆC & multa præterea ornatè differebat, strepitu & murmure plurimorum sermonem eius interpellante. Tandem decretum est, vt primū ad errores, qui in eum conferebantur, responderet: deinde loquendi quæ vellet, daretur facultas. Legebantur igitur ex pulpito singula capita accusationis, deinde testimoniis cōfirmabantur: tum rogabatur an quid vellet obiicere. Incredibile dictu, quàm callidè responderet, quibus se tueretur argumentis. Nihil vnquam protulit indignum bono viro, vt si id in fide sentiebat, quod verbis profitebatur, nulla in eum nedum mortis causa inueniri iusta posset, sed ne quidem leuissimæ offensionis. Omnia esse falsa dicebat, omnia crimina conficta ab æmulis suis.

INTER cætera quum recitaretur illum sedis Apostolicæ detractorem, oppugnatorem Romani Pontificis, Cardinalium hostem, persecutorem Prælatorum & Cleri, Christianæ religionis inimicum: tum surgens
quære-

quærebunda voce, & manibus porrectis: quò nunc me vertam, inquit, patres cõscripti: quorum auxiliũ implore? quos deprecer? quos obteſter? Vosne? At iſti perſecutores mei veſtras mentes à mea ſalute abalienauerunt quum vniuerſorũ hoſtem me eſſe dixerũt, eorum præcipuè qui me ſunt iudicaturi. nèpe arbitrati ſunt, ſi etiã quæ in me finxerunt, leuia viderentur, tamen vos veſtris ſententiis oppreſſuros communem omniũ hoſtem atque oppugnatozem, qualem me iſti falſiſſimè mentiti ſunt. Ita ſi eorum verbis fidem dabitis, nihil eſt quod de mea ſalute ſperandum ſit. Multos ſalibus perſtrinxit, multos lædoriis, multos perſepe in re mœſta ridere cõegit, iocando in illorum obiurgationes.

Quum rogaretur quid ſentiret de Sacramẽto, inquit antea panem, poſtea verum CHRISTI corpus, & reliqua ſecundũ fidem. Tum quidam, aiunt te dixiſſe poſt conſecrationem remanere panem. Tum ille: apud piſtorem, inquit, panis remanet. Cuidam ex ordine prædicatorum acrius inuehẽti: Tace, inquit, hypocrita. Alij per conſcientiam ſuam contra ſe iuranti, hæc, inquit, tutiſſima eſt ad fallendũ via. Quendam præcipuum aduerſarium, nunquam niſi canem aut aſinum appellauit. Quum verò propter criminũ multitudinem ac pondus, res eo die tranſigi nequiret, in diem tertium eſt dilata. Qua die cum ſingulorum criminum argumenta recitata eſſent, ac ſubinde plurimis teſtibus adfirmarentur, tũ ſurgens ille: Quoniam, inquit, aduerſarios meos tam diligenter audiſtis, conueniens eſt vt me quoque dicentem à quibus animis audiatis. Data tandem eſt, licet multis perſtrepentibus, ei facultas dicendi.

Hic primũ à Deo exorſus, deprecatus eſt eam ſibi mentem dari, eam dicendi facultatem, quæ in commodum ac ſalutem animæ ſuæ verteretur. Deinde, ſcio, inquit, R. D. plures fuiſſe excellẽtiſſimos viros, indigna ſuis virtutibus perpeſſos, falſis oppreſſos teſtibus, ini-

quissimis iudiciis condemnatos. Incipiens autē à Socra-
te, quē iniustē à suis cōdemnatū retulit, nec, quum pos-
set, euadere voluisse, vt duorum quę asperrima homini-
bus viderentur, metū demeret, carceris scilicet & mor-
tis. Tum Platonis captiuitatē, Anaxagoræ fugam, ac Ze-
nonis tormenta: multorum præterea gentilium iniquas
damnationes, Rupiliū exiliū, Boetii simul & aliorū, quos
ipse Boetius refert, indignam mortem commemorauit.

DEINDE ad Hebræorum exempla transit. Et pri-
mum Mosen illum liberatorem populi & legumlator-
em sæpissimē à suis calumniatum esse dixit, tanquam
seductor esset aut contemptor populi. Ioseph insuper à
fratribus venditum ob inuidiam, post, ob stupri suspi-
cionem, in vincula coniectum recensuit. Præter hos E-
saïam, Daniele, & fermē Prophetas omnes tanquam
contemptores Dei, tanquā seditiosos, iniquis circum-
uentos sentētiis. Hinc etiam Susannæ iudiciū subiecit:
multorum præterea, qui quum viri sanctissimi extitif-
sent, iniustis tamen sententiis perierūt. Postēa ad Ioan-
nem Baptistam, deinde ad Saluatorem nostrum descen-
dens, falsis testimoniis condemnatos inquit omnibus
constare: deinde Stephanum à sacerdotum collegio in-
terfectum, Apostolos autem omnes mortis damnatos,
non tanquam bonos, sed vt seditiosos populorum con-
citatores, contemptores deorum, & malorum operum
effectores. Hæc difertē & magna cum omnium atten-
tione differuit.

ATQUE quum omne pondus causæ in testibus situm
esset, multis rationibus docuit nullam his testibus fidem
adhibēdam, præsertim quum non ex veritate, sed ex o-
dio ac maleuolentia & inuidia omnia dixissent. Tum
odii causas ita explicuit, vt haud procul abfuerit à per-
suadendo: ita erant verisimiles, vt (excepta fidei causa)
parua illis testimoniis fides adhibita esset. Commotæ e-
rant omnium mentes, & ad misericordiam flecteban-
tur.

tur. Addiderat enim se sponte ad concilium venisse, ad se purgandum & vitam suam, & studia exposuerat officiorum plena ac virtutum. Dixerat hunc morem priscis doctissimis viris ac sanctissimis fuisse, vt in rebus fidei sententiis discrepent, non ad pessundandam fidem, sed ad veritatem reperiendam. Ita Augustinum & Hieronymum dissensisse, nec solum diuersa sensisse, sed etiam contraria, nulla hæresis suspicione.

EXPECTABANT autem omnes, vt semel se purgaret retractando obiecta, vel erratorum veniam postularet. At ille nec se errasse asseuerans, nec se retractare aliorum falsa crimina velle ostendens, tandem descendit in laudem Ioannis Husi ad ignem damnati, virum illum bonum, iustum & sanctum appellans, & illa morte indignum: se quoque paratum quoduis supplicium adire forti animo & constanti, seque inimicis suis cedere & testibus impudenter mentientibus, qui tamen aliquando coram Deo, quem fallere nõ potuerint, essent rationem eorum quæ dixissent reddituri. Magnus erat circumstantium animi dolor: cupiebant enim virum tam egregium saluari, si bona mens adfuisset. Ille autem in sententia sua perseverans, vtrò mortem appetere videbatur, laudansque Ioannem Husum, ait, Nihil illum aduersus Ecclesiæ Dei statum sensisse, sed aduersus abusus Clericorum, aduersus superbiam, fastum ac pompam Prælatorum. Nam quum Ecclesiarum patrimonia primò deberentur pauperibus, tum hospitibus, deinde ecclesiarum fabricis, indignum illi bono videri, dispendi illa meretricibus, conuiuibus, equorum ac canum saginæ, cultui vestimentorum, & aliis rebus indignis religione Christi.

HIC autem maximi ingenii fuit. Quum interrumpetur sæpius oratio sua variis rumoribus, laceffereturque à nonnullis sententias eius carpentibus, neminem eorum intactum reliquit, pariterque omnes vlcis-

scens, vel erubescere coëgit, vel tacere. Surgente murmure silebat, turbam quandoque increpans, postea orationem persequebatur, orans atque obtestans, vt se loqui paterentur quæ non essent amplius audituri. Nunquam ad hos rumores expauit, mente firma atque intrepida.

I L L V D verò fuit admirabile memoriæ argumentum. CCC. XL. diebus fuerat in fundo turris foetidæ atque obscuræ, cuius asperitatem ipsemet quæstus est, asserens se, vt fortem & bonum virum decet, non propterea ingemiscere quòd indigna perpeffus esset, sed mirari aduersus se inhumanitatem. Quo in loco, nedum legendi, sed ne videndi quidem habuit facultatem. Mitto anxietatem mentis, qua oportuit quotidie illum agitari, quæ omnem memoriam excutere debuisset. Tamen cum tot doctissimos & sapientissimos viros in testes suarum opinionum allegaret, tot doctores ecclesiasticos in medium protulit in sententiam suam, vt satis superque fuisset si toto hoc tempore, summo in otio, summa in quiete, sapientiæ studiis operam dedisset. Vox eius suavis, aperta, resonans erat, quadam cum dignitate: gestus oratorius, vel ad indignationem exprimendam, vel ad commouendam commiserationem, quam tamen nec postulabat, nec consequi cupiebat. Stabat impavidus, intrepidus, mortem non contemnens solum, sed appetens, vt alterum Catonem dixisses. O virum dignum memoria hominum sempiterna! Non laudo, si quid aduersus instituta Ecclesiæ sentiebat: doctrinam admiror, plurimorum rerum scientiam, eloquentiam, dicendi suauitatem, argutiam respondendi. Sed vereor, ne hæc omnia in pestem suam sibi à natura fuerint concessa.

D A T V M deinde spacium penitendi biduo. Multi ad illum accessere viri eruditissimi, vt ipsum à sententia sua dimouerent, inter quos Cardinalis Florétinus eum adiit,

adiit, vt flecteret ad viam rectam. Sed quum pertinacius in erroribus perseveraret, per concilium hæresis damnatus, & igni combustus est. Iucunda fronte & alacri vultu ad exitum suum accessit: non ignem expavit, non tormenti genus, non mortis. Nullus vnquam Stoicorum fuit tam constanti animo, tamque forti, mortem perpeffus, quàm iste appetiiffe videtur. Quum venisset ad locum mortis, seipsum vestimentis exiit. Tum procumbens flexis genibus veneratus est palum, ad quem post ligatus fuit: primùm funibus madentibus, tum cathena nudus ad palum constrictus fuit: ligna deinde circumposita, pectus tenus non minuscula, sed grossa, paleis interiectis. Quum flamma adhibita fuit canere cœpit hymnum quendam, quem fumus & ignis vix interrupit. Hoc maximum constantis animi signum, quum licitor ignem post tergum (ne id videret) iniicere vellet: huc inquit, accede, & in conspectu accende ignem. Si enim illum timuiffem, nunquam ad hunc locum, quem fugiendi facultas erat, accessiffem. Hoc modo vir (præter fidem) egregius cõsumptus est. Vidi hunc exitum, singulos actus perspexi. Siue perfidia, siue pertinacia hoc egerit, certè ex Philosophiæ schola interitum viri descripsiffes.

HIERONYMVS SAVONAROLA.





HIERONYMVS SAVONAROLA,
ITALVS, FLORENTINVS, CONCIONA-
TOR, EX DOMINICANORVM OR-
DINE.

QUIS verò non miretur tam miseris temporibus
tantam in homine cucullato, & quidem sub Do-
minici, professi iam olim piorum hostis, nomine, pieta-
tem tanto cum zelo coniunctam, quanta hæc in te, Hie-
ronyme Sauonarola, extitisse plurima tua scripta testan-
tur. Sed & ipsa mors tibi laudatissimæ vitæ testimo-
nium tribuit, téque facilè ab obiectis criminibus falsif-
simis absoluit: siquidem homini tam perditè scelerato
quàm fuit Alexander ille Borgia, Romanus eius nomi-
nis Pontifex VI, vsque ad eò displicuisse, vt non nisi te
indignissimè damnato & cremato quiescere potuerit,
maximum esse videtur singularis tuæ pietatis argumen-
tum, quam meritò postea Marcus Antonius Flaminius,
excellētissimus poeta, versibus istis optimis cele-
brauit.


*Dum fera flamma tuos, Hieronyme, pascitur artus,
Religio sanctas dilaniata comas,
Fleuit, & ò, dixit, crudeles parcite flammæ,
Parcite, sunt isto viscera nostra rogo.*

*Strangulatus est ac postea crematus Florentiæ,
postulatu Pontificis Alexandri VI, maxi-
mo cum bonorum ciuium luctu, anno Domini
C10. CCCC. XCUIII.*






PRAECIPVA CHRISTIANISMI,
NOSTRA PATRVMQVE MEMORIA,
INTER GERMANOS INSTAVRATI
ORGANA.



IOANNES REVCHLINVS,
SIVE CAPNIO, GER-
MANVS PFORT-
ZENSIS.

IOANNES REUCHLINVS,
SIVE CAPNIO, GERMANVS. PFORTZENSIS.


ONTICVERAT integro penè seculo Pietas ad Constantiensis synodi perfidiam ac crudelitatem obstupefacta, quanquam aliquot subinde martyribus illam minimè interiisse frustra in medio flammarum supplicio sonorè clamitantibus, quum Pfortza, Marchionatus Badensis ciuitate, prodiens Ioannes cognomèto Reuchlinus, (quem græcè Capnionè, latinè Fumeum possis vocare) incredibili cum successu hebreæ linguæ studia iam pridem consopita, coniunctis etiam græcis literis, excitauit: nèpe vt ex ipsis deinceps fontibus veritatem haurire posteris liceret. Istis verò tam Ecclesiæ necessariis, quàm superstitioni tunc grafsanti exitalibus conatibus sese tenebriones sophistæ, (Colonienses videlicet, Hocstrato quodam duce, Mathematici, huius fumi vi, tâquã alter Cacus ex antris suis exciti) mox tanta contentione opposuerunt, vt Romam vsque, ad Leonem decimum, tunc Pontificem, bonis literis non inimicum, causæ cognitio sit delata. Hic verò quis futurum credidisset, vt, eo sedente Iudice in quem potissimùm hoc telum torquebatur, vinceret veritas? Vicit tamen, damnatisque, Pontificis ipsius iudicio, sophistis, Capnio, & quamuis non claro prorsus igne, fumo tamen edito qui superiorum temporum caliginem discuteret, sequuturæ mox limpidissimæ pietatis flammæ viam præmonstrauit. Hic enim ille est ex cuius auditorio nominatim, præter innumeros alios minus celebres, Oecolampadius, Pellicanus, Munsterus prodierunt.

Obiit in patria magnis auctus honoribus, anno Domini 1518. cuius ἑξ ἑσῶν Erasmus postea magnopere propterea Sophistis inuisus elegantissimè descripsit.

DESIDERIVS ERASMVVS.



DESYDERIVS ERASMVVS.
BATAVVS, ROTERODAMVS.

ESYDERIVM Erasmú Roterodamum quamuis
inexhausta ingenij vbertas, pari dicédi facultate,
ad summæ gloriæ fastigium nostra memoria cuexerit,
mihi tamen quædam religio fuit vel in huius sacrarij
limine collocare, vt qui suum quoddam, vt in plerisque,
ita in religionis etiam negotio, iudicium sequutus, &
superstitiones ridendo carpere contentus, res ipsas vs-
que adeò, vel per se vel ab aliis discere recusatit, vt pes-
simæ quoque causæ patrociniū susceperit. Quum ta-
mèn illi tantum bonæ literæ renascentes, quantum alij
ætatis illius nemini debeant, age, locus etiam illi in hoc
vestibulo, & quidem hoc addito elogio tribuatur.

*Ingens ingentem quem personat orbis Erasmum
Hac tibi dimidium, picta tabella refert.
At cur non totum? mirari desine, lector,
Integra nam tantum terra nec ipsa capit.*

In eundem.

Ἡ' μισοῦ τὲ πάντος πλέον εἶν' Ἀσχαῖοι ἔειπεν,
Ἰ' μισοῦ δὲ ὡς οἴμεν τὲ το λοισάμφοι.

*Obiit Basileæ IIII. Idus Iulii, anno Domini
CIC. CCCCC. XXXVI. annum
agens septuagesimum.*

MARTINVS LVTERVS,





MARTINVS LVTERVS,
GERMANVS ISLEBIVS, ANTICHRISTI
ROMANI FLAGELLVM, WIT-
TEBERGENSIS ECCLESIAE PASTOR.

Hoc vultu fuit Martinus ille Luterus, Islebij in Mansfeldensium Comitum ditione natus, ore toto diuinitus afflatam animi magnitudinem, ipsamque adeò pietatem, cum singulari zelo coniunctam testans: Euangelicæ lucis flammæ, è densissimis tenebris sensim proferendæ, præco à Deo Opt. Max. humani generis miserto excitatus, & quidem (dictu mirabile) ex media Satanæ sentina, pseudomonachorum videlicet Augustinianorum cœnobio, ad repurgandum Dei templum euocatus, eo ipso Antichristo occasionem ei præbente, quem arrepto verbi Dei flagello erat ex occupata Christi domo profligaturus: quem non Cæsares, non Reges, non fulmina ex arce Tarpeia vibrata, non vllæ innumerabilium Sophistarum phalanges, vel tantillum terruerunt: cuius denique laboribus Ecclesia instaurata, quantum à multis seculis vix cuiquam debet, plura tamen debitura, si tantum in omnibus illum moderationis ac scientiæ retinere, quantum zeli vehementioris diuinitus ipsi concessum erat, peccata hominum, & discipulorum quorûdam turbulentum ingenium permissent: cui nos carmen hoc triumphale cecinimus.

Roma orbem domuit, Romam sibi Papa subegit,
 Viribus illa suis, fraudibus iste suis.
 Quanto isto maior Luterus maior, & illa,
 Istum illamque uno qui domuit calamo?
 I nunc, Alcidem memorato Gracia mendax,
 Luteri ad calamum ferrea clava nihil.

Obiit placidè anno Domini C I D. CCC CCC.
XL VI. Februarii die XVII, annum vitæ
 agens LXIII, quum anno atatis XXXVIII,
 qui fuit annus Domini C I D. CCCCC.
V II, Ecclesiam Christi cœpisset repurgare.

D. j.

PHILIPPVS MELANCHTHON.





Y.

PHILIPPVS MELANCHTHON,
GERMANVS BRETTENSIS, THEOLO-
GIÆ ET BONARVM OMNIVM ARTIVM
DOCTOR WITTEBERGÆ.

QUIS te verò, Philippe Melanchthon, Martino Lu-
tero diuinitus succenturiatum, pro dignitate
celebrauerit, singulare nostri seculi ornamentum: utpote
summam & eruditionis in omni disciplinarum ge-
nere, & tū in dicēdo ac scribendo perspicuitatis, tum in
docendo candoris laudem omnium eruditorum con-
sensu, consequutum? pietate, vitæ innocentia, ac in pri-
mis incomparabilis modestiæ exemplo, non modò cæ-
teris, verum etiam te ipso superiorē? quē denique odit
nemo nisi omnium odio dignissimus. Scilicet hoc tuis
laudibus vnum deerat, ut ingrati discipuli nonnulli,
qui te viuum pene adorarant, mortuum incesserēt: ad-
mirabili certè Dei prouidentia, ne quos ipsi sibi com-
menti sunt teterrimos errores, ex te, communi quādiu
vixisti omnium ferè gentium doctore, didicisse viderē-
tur. At nos contra, vel ipsa crepante inuidia, venerandā
memoriam tuam sic iuuerit celebrasse.

Et tu igitur tandem tumuli sub mole repostus,

Die ô Philippe, nunc iaces:

Et quam inuidisti viuus tibi tute quietem,

Cunctis quietem dum paras,

Ipsa tibi cura & sancti peperere labores,

Charum ô bonis cunctis caput.

D. ij.

*At infunde rosas, funde isti lilia tellus,
Ut lilia inter & rosas,
Quo nil candidius fuit & nil suavius unquam,
Recubet Melanchthon molliter.
Et grauis huic ut sis caueas, iuuenisve, senexve,
Qui nemini vixit grauis.*

*Obiit Wittebergæ annos XLI Theolo-
giam bonasque artes summa cum fide & e-
ruditione & incredibili cum fructu professus,
anno Domini 1560. Aprilis die XIX,
quum annos vitæ LXIII & dies totidem
vixisset.*

GEORGIUS ANHALTINVS,






GEORGIUS ANHALTINVS
ASCANIÆ PRINCEPS.

GEORGIVM illustrissimis Germaniæ principibus, familia antiquissimę nobilitatis prognatũ, nemo Theologis miretur annumerari, quum hoc ipse viuus sanctissimo zelo affectarit. Sit igitur hoc tanti Principis singulare & rarissimi à multis seculis exẽpli decus, quod & optimi principis & diligentissimi pastoris munus obiit, vt felices illius subditi haberẽt, quem & in terris dominum agnoscerent, & vt ducem in cælum præeuntem sequerentur. Neque verò tam angustis limitibus cõtineri tot tãtæque virtutes potuerũt. Itaque & vicinæ & longius remotæ Ecclesiæ in tanti viri consiliis, quædam etiam in eius autoritate acquieuerunt, patête ipsius domo bonis piisque omnibus, ac præsertim magno illi Philippo Melanchthoni, quem turbulẽtissimis illis Germanici ciuilibus belli tempestatibus cõseruatam debemus. Singulari denique omnium virtutum exemplum pius hic Princeps suppeditauit, quod vtinam pauculos saltem inueniat imitatores, qui videlicet eo sint iudicio præditi, vt quod extructum volunt, ipsimet ab Ecclesiarum vastatoribus decepti non euertãt. Salue tu verò Anhaltina nobilissima domus, adiunctũque tibi splendidissimum istud decus perpetuis seculis tuetor.

Obiit felicissima morte annum agens vitæ duntaxat XLVI, XV Cal. Nouembris, anno Domini CIO. IO. LIII.




IOANNES BVGENHA-
GIVS, GERMANVS,
POMERANVS.





IOANNES BVGENHAGIVS,
GERMANVS, POMERANVS.

IOANNEM Bugēhagium, ex monasterii quoque cloacis erutum Luterus in pastoris munere collegam habuit, moribus quidem dissimilem, sed doctrinā & vitæ instituto penitus concordem. Nam vt ille natura vehemens & asper, ita iste mansuetus & moderatus est semper habitus, quod & ipsius scripta testantur: in quo fuit hoc quoque eximium, quod ab ambitione & auaritia prorsus alienus, quā ad altiora sæpe inuitaretur, in illa sua sorte totos annos triginta quatuor, summa tum fide tum diligentia vbique præstita, perseuerauit, placidè tandem, quum annum septuagesimum tertium ageret, viribus corporis paulatim deficientibus, inter charissimorum fratrum manus, beata sui memoria relicta, defunctus.




IVSTVS IONAS GERMANVS,
SAXO, WITTEBERGENSIS ECCLESIAE
PASTOR.



IUSTVS IONAS, GERMANVS, SAXO, WITTEBERGENSIS ECCLESIAE PASTOR.

IUSTVM Ionam, iuris humani consultum, Theologia, iuris diuini magistrum, sibi comodissimū restituendae in Saxonia Ecclesiae, futurum adiutorem asseruit: in quo munere praestando, neque doctrinam neque prudentiam ipsi defuisse, vel illud ostendit, quod primis illis turbulentissimis instaurati Euangelii temporibus nihil inigne, nisi ipso conscio, & suas etiam partes agente, in Germania gestū fuit, vicinarum quoque Ecclesiarū, ac praesertim Hallensis Saxonicae inspectore: in cuius etiam veluti sinu Martinus Luterus animam exhalauit.

Obiit autem in Ecclesia Eyssefeldensi, magni illius principis Electoris Ioannis Friderici filiorum in acerrimis illis tempestatibus constantissimus comes, annum agens vitae sexagesimum tertium, anno Domini CIO. IO. LXU.



IOANNES
FORSTERS,
GERMANVS, AVGV-
STANVS, HEBRAICÆ LIN-
GVÆ IN WITTEBER-
GENSI ACADEMIA
PROFESSOR.





IOANNES FORSTERVS,
GERMANVS, AVGVSTANVS, HEBRAI-
CÆ LINGVÆ IN WITTEBERGENSI
ACADEMIA PROFESSOR.

IOANNEM Forsterū Augusta Windelicorū, Wittebergæ Saxonum, vel Ecclesiæ toti poti⁹ genuit, Hebraicæ linguæ professorem longè doctissimum, vt lexicon eius linguæ ab ipso editum testatur: in quo sicut in ipsis rebus, sic etiam in vocibus non rarè cæcutiuisse Gramaticos hebræos contendit, qua in re vt non omnes habeat adstipulatores, sic tamen ad linguam sacram accuratiùs cognoscendam doctorum ingenia magnoperè exacuit, iisdem studiis, quibus contentus vixerat, feliciter anno Domini CIO. IO. LVI immortalus.



GASPAR CRVCIGER,
GERMANVS, LIPSIENSIS
ECCLESIASTES WIT-
TEBERGENSIS.



GASPAR CRVCIGER, GER
MANVS, LIPSIENSIS, ECCLESIASTES
WITTEBERGENSIS.

GASPARVM Crucigerum res ipsa demonstravit
fuisse Martino Lutero, in opere domini conficiendo, adiuctum: trium linguarum egregiè peritum, ingenio acré, & miræ, vt aiunt, in exscribendis illius enarrationibus celeritatis: cuius etiam iudicio Luterus in Germanica Bibliorum trāslatione fertur plurimùm vti consueuisse. Fuit præterea physices, tum geometriæ, tum veræ illius Astronomiæ, atque adeò Medicinæ quoque mirificè studiosus, adeò vt nisi Theologiæ professionem cæteris omnibus studiis sapiētissimè anteposuisset, in singulis illis excellere potuisset meritò iudicetur.

*Obiit autem in sua statione Witteberga, corporis
viribus tantum ingenium minimè adæquantibus,
florete adhuc ætate, anno vitæ videlicet con-
fecto quadragesimo quinto, anno autem à Chri-
sto nato CIO. IO. XLVIII. XVI,
Novembris.*

IOACHIMVS CAMERARIVS.



IOACHIMVS CAMERARIVS,
GERMANVS, PABEMBERGENSIS, GRÆ-
CÆ LINGVÆ ET PHILOSOPHIÆ PRO-
FESSOR LIPSIAE.

Quo plures eruditos homines Germania nostris
tēporib⁹ protulit, eò maior & illustrior est Ioachi-
mi Camerarii gloria, qui honorata familia Pabembergae
natus, quū literarum studia ceteris rebus anteposuis-
set, eò prouectus est eruditionis, vt, communi doctorū o-
mniū cōsēsu, peritiorē linguæ Græcæ neminē, in latina
verò lingua disertiores perpaucos, exactiorē autē nul-
lum scriptorem habuerit Germania, sicut plurima ipsius
monimenta testantur. Ad hanc autem in omnibus bonis
disciplinis eruditionem accesserat pietas singularis, pru-
dentia longo rerū vsu confirmata, quū etiam magno
illi Philippo Melanchthoni id ipsum esset quod Atticus
ille Ciceroni, tantum denique iuuada rei literariæ stu-
dium, vt, spretis dignitatibus omnibus, quas alioqui faci-
lè suis virtutibus consequi potuisset, in nobilissimis Aca-
demiis Wittebergēsi, Tubingensī, Heidelbergēsi docen-
do consumptis aliquot annis, Lipsiæ tādē positis sedi-
bus, in extrema senectā fortiter idem munus obiens, lu-
gētibus bonis piisque omnibus, & mox sequuturam rerū
commutationem præfagentibus, in Domino placidè
obdormiuerit: hoc quoque beneficium à Deo cōse-
quutus, vt doctissimos patrique simillimos liberos reli-
querit. Nos autē hoc epigrāmate fumus illū prosequuti.

Extinctis olim, Musa, fleuistis alūnis,


Et vitam vestra restituitis ope.

Nos contra vobis, Ioachimi in funere, Musa,

Has miseri extinctis soluimus exequias.

Namque omnes tecum, tecum, Ioachime, Camerane

Ut vixere simul, sic perire simul.




MATTHIAS PFARRERVS
ET IACOBVS STVR-
MIVS ARGENTL-
NENSES PA-
TRICII.

MAT. PFAR.

MATTHIAS PFARRERVS
ET IACOBVS STURMIVS ARGENTI-
NENSES PATRICII.

Vo illa non Argentinensis tantum reip. verum etiam totius Germaniae lumina, Matthiam Pfarrerum & Iacobum Sturmium, absit ut silentio praeteream: utrunque literis politum, ingenio magno, prudentia singulari, pietate eximia, studio in iuuanda patria indefesso. Hi sunt igitur quorum praecipue hortatu Christianissimus in urbe citra tumultum initio instauratus, & schola illa celebris, adhibito in consilium doctissimo viro Iohanne Sturmio adhuc superstite, fuit constituta: quorum denique consiliis Argentinensis resp. tum domi sapientissime gubernata, tum foris fortissime citra vim armorum, Iacobi praesertim Sturmii facundia, defensa, difficillimis asperrimisque temporibus stetit: adeo quidem ut quemadmodum olim Cicero vnus eloquentiae vi Ligarium Iulio Caesari vel inuito reconciliauit, haud paulo aliter Sturmii Caesari Carolo armato & victori occurrentis eloquentia omnem illius iram infregisse merito censetur. Itaque Pfarrerum ciuitas minimè ingrata (quod antea nemini concessum fuerat) septies consulem creauit, & quamuis penè octuogenarium mortuum, tamen non secus quam intempestiue sibi ereptum luxit: & Iacobum Sturmium aliquoties ciuitatis magistrum (qui summus est illius reip. magistratus) declaratum, ac licet Pfarrero aetate iuniorem, priorem tamen, anno vitae videlicet LXIII, qui fuit annus Domini MD. LV, mortuum, ut patriae patrem maximo cum mœrore sepeliuit. Istud tamen in Sturmio fortasse quispiam merito reprehenderit, quod in perpetuo coelibatu viuens, heredem suorum virtutum patriae videri possit inuidisse. Sed quid si veritus est vetus illud & quidem re ipsa frequenter approbatum, Heroum filii noxae?




PETRVS BVFLERVS,
GERMANVS I-
SNENSIS.



PETRVS BVFLERVS, GERMA-
NVS, ISNENSIS.

QUO rariores Petri huius Bufler i mercatoris, & quidem locupletis, virtutes fuerunt, eò digniores sunt quarum exemplum omnibus proponatur. Certarunt igitur in hoc homine cum diuitiis, honesta mercatura partis, propaganda veræ pietatis studium incredibile, charitas vera, liberalitas lógè maxima. Hic enim ille est qui Ambrosio Blaucero, domú suá perducto, Christianismi Isnæ instaurandi primus autor fuit: qui, Paulo Fagio suafore, officinam typographicá, accersitis etiá maximo sumptu doctissimis Iudæis, ad hebræos excudendos libros, nulla non modò lucri spe, sed etiam maximo dispédio, Isnæ constituit: qui quum ex vicinis oppidis non paucis selectos adolescentes, quorum opera postea Ecclesiæ vterentur, Argentinam suis stipendiis erudiédos misisset, Senatum Argétinensem sancta quadam æmulatione ad scholam illam nobilem instruendá erexit: cuius domus, vt Abrahami alterius, pauperibus semper patuit: cuius vxor vt altera Sara neque liberalitate, neque in suscipienda pauperum, præsertim agrotá tium inspectione marito cessit: qui denique in ipsa morte sui similis, bonorum suorum trientem piis vsibus consecrauit, hoc etiam à Domino consequutus, vt qui piorú hominum multorum vitam fouerat, diutissimè quoque, annos videlicet LXXVI, viueret, anno demum Domini CIO. IO. LI, anima illi perplacidè reddita cuius gloriam omnibus opibus anteposuerat viuus.



MATTHIAS ZELLIVS, GERMA-
NVS, KEYSSERSPERGENSIS
ARGENTINENSIS
ECCLESIAE
PASTOR.



MATTHIAS ZELIUS, GER-
MANVS, KEYSSERSPERGENSIS, AR-
GENTINENSIS ECCLESIAE PASTOR.

MATTHIAM quoque Zellium, Dei prouidentia ex
obscurissimis tenebris, Laurentiani videlicet tem-
pli in Argentinensi ciuitate parochum, ad illam admi-
rabilem Euangelii sui lucem euocauit: qui primus An-
tichristianae doctrinae in vrbe frequentissima & episco-
po suo addicta, palam, non sine magno vitae discrimine,
aduersatus, certare pri⁹ non destitit quàm profligatis pla-
nè superstitionibus, Ecclesia, Bucero & Hedione adiu-
toribus, anno Domini millesimo quingentesimo vice-
simo nono, autore Senatu, constitueretur: homo non do-
ctrina tantùm, sed etiam christianis virtutibus, ac præ-
sertim modestia, temperantia, & charitate in pauperes
insignis. Docuit autè in Argentinèsi Ecclesia annos vi-
ginti sex, anno vitae septuagesimo primo placidè mor-
tuus anno Domini **CIO. IO. XLVIII.**

MARTINVS BVCERVS.





MARTINVS BVCERVS, GER-
MANVS, SELESTADIENSIS, ECCLESIAE
ARGENTINENSIS PASTOR, ET DE-
MVM IN ACADEMIA CANTABRIGI-
ENSI THEOLOGIAE PROFESSOR.

MÆC illa est Martini Buceri facies grauitatis comi-
tate temperatae speculum. Cui ex Dominicanorum
cloaca Lutheri voce Wormaciae coram Caesare li-
berè loquentis excito, variisque post insidiis appetito,
ciuitas Argentinensis restitutam apud se Ecclesiam de-
bet: cuius & eruditionem singularem, & zelum pietatis
eximium cum eccellente prudentia coniunctum, omni-
bus seculis testabuntur tum doctissimæ ipsius lucubra-
tiones, & in publicis Imperii comitiis disputationes ha-
bita, tum pro Ecclesiarum pace, quamuis non satis fœli-
ci semper successu, labores suscepti. Quæris quam tan-
dem mercedem retulerit: quam nimirum mundus per-
soluere piis Dei seruis consuevit. Illum igitur eadem il-
la tēpestas quæ Germanicas Ecclesias penè pessunde-
dit, in Angliam vsque expulit: vbi ab Eduardo sexto
religiosissimo Rege humanissimè except^o, & in acade-
mia Cantabrigiensi Theologiam summo cum docto-
rum piorumque omnium concursu circiter biennium
professus, quum placida morte pridie cal. Martias anno
Domini 1551, annum ætatis agens sexagesimum pri-
mum obiisset, quinto post anno, euerso post Eduardi
Regis obitum Religionis statu, & impio apostata Regi-
naldo Polo Cardinali, Mariæ Reginae temporib⁹ omnia
suo vnus nutu administrante, eruto crematōque ipsius
G. j.

in eadem academia cadauere anno domini 1556, die
fexta Febr. martyrii palmam tulit: quarto rursus post
anno admirabili rerum vicissitudine sub Elizabetha re-
gnante, iudicio aduersus innocentem publicè rescisso,
in integrum restitutus. cui sumus verficulis istis gra-
tulati.

Natales, Bucere, tuos Germania iactat,

Natalibus felix tuis.

Quis verò & quantus fueris, tua scripta loquuntur,

Ad littus orbis ultimum.

De vita si quis rogitet, Germania dicet,

Inuita Bucerum expuli.

Ast ego sic pulsum (pia dixerit Anglia) fovi,


Tandemque texi mortuum.

Verùm mox eadem (factum ô immane) sepulcro

Flammis cremavit erutum.

Fallor ego, totus terranae fecis an expers,

Bucere sic calum tenes?




PAVLVS FAGIVS.





PAVLVS FAGIVS, GERMA-
NVS, TABERNENSIS, ECCLESIAE AR-
GENTINENSIS PASTOR, AC TAN-
DEM IN CANTABRIGIENSI ACADE-
MIA THEOLOGIAE PROFESSOR.

ABSIT vt mortuos sciungamus quos eadem fides,
eadem in vna ciuitate functio, idem exilium, idem
denique martyrium coniunxit. Hic igitur ille est Paul^o
Fagius apud Tabernas Rhenanas, Palatinatus oppidum, na-
tus: Capitonis (cui postea successit) hebraeam linguam Ar-
gentinae profitentis tam diligens, quamuis preme'te pau-
pertate, auditor, vt tandem, ipsis quoque testantibus Iu-
daeis, eius linguae peritissim^o euaserit. Isna enim ad pasto-
ris munus accito, vt olim Origeni Ambrosius quida, sic
Fagio diuinitus contigit Petrus Buserus, ex ordine illius
ciuitatis senatorio, cuius proptissima sanctissimaque li-
beralitate fretus, illum Iudaeorum a multis seculis do-
ctissimum Heliam ad se acciuit, & typographiam insti-
tuit hebraeis excudendis libris, non illis fabulosis, impiis
& ineptis, sed vtilibus & ad veram religionem accomo-
datis destinata: maxima quoque proculdubio praestitu-
rus, nisi difficultates aliae obstitissent. Tandem igitur Ar-
gentinam euocatum, ibique tum pastoris tum doctoris
munus egregie sustententem, eadem illa quae Bucerum
hunc quoque tempestas in Angliam expulit: vbi vix fa-
lutata Cantabrigia, anno Domini 1555. pridie Idus No-
uembriis, annum vitae 45. agens mortuus, eandem quin-
to post anno cum charissimo collega Bucero martyrii
palmam Marianis temporibus tulit, simul postea cum
eodem, sub Eduardo rege, ipsius memoria in integrum
restituta.




GASPARVS HEDIO, GERMA
NVS, ETLINGENSIS, AR-
GENTINENSIS EC-
CLESIAE PA-
STOR.



GASPARVS HEDIO, GERMANVS,
ETLINGENSIS, ARGENTINENSIS EC-
CLESIAE PASTOR.

GASPARVM Hedionem, honesta familia natum, & Basileæ, vix dum renata in Germania Euangelii luce, Matæologiae doctorem, ac deinceps Moguntinum Ecclesiasten creatum, ademerat nobis tēporum illorum infelicitas, nisi Dominus tum ipsius tum Ecclesiae suae miseratus, illum veritatis luce Illustratum, Argentinā, Matthiae Zellio & Martino Bucero, tunc primum Argentinæ verum christianismum instaurantibus, adiutorem futurum extrusisset: vbi quum Concionatoris munere totos annos viginti tres, summa cum fide ac diligentia perfunctus esset, editis etiam nonnullis historicis scriptis, anno Domini **CIO. IO. LII, XVII.** Octobris, magno sui desiderio cunctis relicto, feliciter in Domino obdormiuit.



WOLFGANGVS FABRI-
CIVS CAPITO, GER-
MANVS, ARGENTI-
NENSIS ECCLESIAE
PASTOR.



WOLFGANGVS FABRICIVS
CAPI TO, GERMANVS, ARGENTINEN-
SIS ECCLESIAE PASTOR.

WOLFGANGI Fabricii Capitonis nomen eruditio singularis in hebraicis praesertim literis, & eximia pietas, nunquam interire patientur: quarum testimonia pauca quidem, sed luculenta edidit, plura multo habituris posteris, nisi quae verbis docebat, agendo potius quam scribendo confirmare maluisset: in eo quidem felix, quod ex hac vita prius euocatus quam Argentinensem Ecclesiam bellorum tempestatibus exitio proximam videret, charissimis collegis Martino Bucero & Paulo Fagio, exilii in Angliam comes non fuit, sed dux potius in caelum, anno Domini MD. IO. XLII, pestis lue sublatus, praemiuit.

WOLFGANGVS MUSCVLVVS.






WOLFGANGVS MVSCVLVS,
LOTHARINGVS, DV SANVS, IN EC-
CLESIA BERNENSI THEOLOGIÆ PRO-
FESSOR.

ACTENT alii nobiles natales quos nimium saepe vi-
tiosis insignibus contaminant: nobilitatem autem suam
eximiis plurimis virtutibus quod ipsa quoque augusta
facies testari videtur, inchoavit Wolfgangus Musculus:
quem Dux, Lotharingicae ditionis oppido, Alsatiae pro-
ximo, patre tenuis admodum fortunae natum, neque
paupertas quominus honestis omnibus studiis incum-
beret, neque monachus pedicæ (quibus tunc facile fuit
homines, pietatis & honesti otii specie, illaqueare) reti-
nuerunt, quominus agnita veritate, Pauli exemplum se-
quutus, extrinam etiam disceret, qua sese, quietus in do-
mo Dei permanens, nemini grauis, sustentaret. Sed sa-
tere diutius non potuit quem Dominus ad res magnas
gerendas à tam paruis initiis destinarat. Itaque Argen-
tinæ magno illi seruo Dei Martino Bucero pietate do-
ctrinaeque sua approbata, designatus ab Augustana Ec-
clesia Urbani Regii doctissimi optimique viri successor,
tantum effecit, ut vrbs illa antea in utramque partem
claudicans, Euangelicam doctrinam aperte amplecteretur:
& ipse tum concionando, tum sacras literas laboriosissi-
mis commentariis illustrando, tum Graecorum scripta
latinè interpretando, multis denique obitibus pro tuenda
vera religione in Imperii comitiis legationibus, clarissi-
mum in Ecclesia Dei nomen merito sit adeptus. Sed quæ


Bucerum & Fagium in Angliam expulerat belli tempe-
 stas, Musculum quoque frustra, summo etiam cum vitæ
 discrimine, in confirmandis suis Augustanis omnia ex-
 pertum, vrbe excedere coegit: quæ benigne exceptum
 inclita Bernensium ciuitas sacros libros maximo cum
 ecclesiarum omnium fructu interpretatam totos annos
 quatuordecim fuit, donec videlicet annum agens vitæ
 sexagesimum sextum, placida morte, quemadmodum
 omnibus utilis, nemini grauis vixerat, III. Cal. Sept. an-
 no Domini 1563, ad dominum migraret: hoc etiã à Deo
 beneficiũ consequutus vt filium Abrahamum Musculũ
 relinqueret, fidelem Ecclesiæ Bernensis Ecclesiasten, &
 in quo renatus meritò videri possit. Nos autem illi sic
 parentauimus.

*Magnum dicere musculum pusillum
 Quum sit auribus insolens latinis,
 Magnum hunc dicere Musculum quòd ausim,
 Quamuis puluere conditum pusillo,
 Si causam rogitas, viator: audi.
 Haud. quaquam fuit iste mus pusillus,
 (Ipsum si libeat vocare murem)
 Illarum ex numero famelicarum
 Quæ felis rapidos verentur ungues:
 Sed qui ipsos potius catos rapaces,
 Quantumuis solitos potentiorum
 Iphis cum dominis domos vorare,
 Viuis perculit, & suo pauentes
 Adhuc nomine territat sepultus.
 Immo quem tremuit quoque illa rupis
 Tarpeie arcibus incubans leona,*

*Orbis magnanimos vorans monarchas.
Magnum & dicere Musculum pigebit,
Quanius puluere conditum pusillo?*



H. iiij.



HERMANNVS WIDENSIS COMES.
COLONIENSIS ARCHIEPI-
SCOPVS, SACRI ROM.
IMPERII SEP-
TEMVIR.



HERMANNVS, WIDENSIS COMES,
COLONIENSIS ARCHIEPISCOPVS,
SACRI ROM. IMPERII SEPTEMVIR.

S Magnis in rebus vel voluisse satis est, quæ tibi laus debetur, Hermanne, qui Septemuirorum Ecclesiasticorum Imperii primus, non oculos modò aperuisti ad exortam Euangelii lucem, sed etiã accitis quoque doctissimis theologis Melanchthone & Bucero, vt omnes tibi attributæ Ecclesiæ lumẽ istud tecum intuerentur pro viribus efficere studuisti: Sed erant illorum plerique nimirum tanto beneficio indigni. Tu verò haud secus quàm olim à Iuda CHRISTVS à tuo, Ioanne Groppero proditus quum esses, retulit quidem hic quoque proditor stipendium peccati mortem, Cardinalitii galeri vinculis strangulatus: tu verò non modò consciẽtiã tuã liberasti, sed teipsum quoque memorabili seculis omnibus exemplo superasti, quum vltro vi maiori cedēs, paternis bonis cõtentus, placidè Christianèque viuere, quàm licet immerito ereptam dignitatẽ tuorum subditorum sanguine tutari maluisti.

*Electus hic Archiepiscopus anno Domini C I J.
I J. X, Cæsare Carolo vim aliqui illaturo
cessit archiepiscopatu anno Domini C I J. I J.
XLVI, placidissima postea morte, Biuerni
sua Widensis ditionis oppido, feliciter mortuus
anno Domini C I J. I J. LII.*

ANDREAS GERARDVS.






ANDREAS GERARDVS, FLANDER,
HYPERIVS, THEOLOGIÆ PROFESSOR
MARPURGENSIS.

Hic ille est Andreas, Hyperius à patria cognomi-
natus, quem Hyperarú ciuitas non tátum Ecclesiæ
& academiæ Marpurgensi, in qua theologiam vir citra
controuersiam eruditissimus simul & diligentissimus, to-
tos annos viginti duos docuit : sed vniuersæ potius Ec-
clesiæ christianæ genuit, vtpote quam ne mortuus qui-
dem libris, scientissimè solidissimèque scriptis erudire
desinat: plura etiam multò posteris relicturus nisi maio-
rem vtilitatis publicæ, quàm valetudinis curam geren-
tem intempestiua mors sustulisset, quem mortuum hoc
carmine sumus prosequuti.

*Non Hyperis dedit hoc, Hyperi, tibi patria quondam,
Quod superis potius ducis cognomen ab oris:
Nec tibi fors olim tribuit temeraria nomen,
Andræ: at ipsa suo ornauit te nomine virtus.
Hoc sancti mores, teneris hoc omnis ab annis
Vita probat, superùm curæ calòque sacrata.
Ecquis enim melius, quisnam te fortius vno
Tarpeia aggressus depellere rupe tyrannum?
Certius an quisquam erranti per deuia turbæ
Commonstrauit iter superas quod ducit in artes?*

Et cæle igitur virtute, Hyperii, quem nec fera totum
Mors domuit, totum nec servant claustra sepulcri,
Quin superi meliore fouent iam parte receptum,
Altera dum tumulo quæ nunc pars clausa quiescit,
Exanimisquæ licet iam cæli ad lumen anhelat,
Emigilet fœlix: & quod tu diceris, illud
Euadas, Hyperii, tum re, tum nomine totus.

Obiit N. Carpurgi obi annos *XXII*, & amplius
theologiã professus est, anno Domini 1564. Cal.
Februarij, annum vitæ agens *LIII*




IOANNES SLEIDANVS,
BELGA.



IOANNES SLEIDANVS , BELGA.

IOANNEM, à patria Sleidanum cognominatū, Lutetiaē bonis disciplinis ex cultum excepit Argentinā, ubi quum & eruditionis & prudentiæ atque pietatis multiplex specimen indidisset, dignus est habitus cui licet peregrino res longè maximi momenti procurandę committerentur. Itaque tum in Anglia communi Protestantium, quos vocant, nomine, legationem obiit, tum etiam interfuit Tridētino conciliabulo ciuitatis Argentinensis legatus: in quo utroque munere, quamuis difficultatum pleno, talem se præstitit, ut magnam ab iis, à quibus missus erat, laudem reportarit. Sed æternum illi⁹ laborum testimonium est historia illa de reip. & religionis in Germania statu ab initio instaurati à Lutero Christianismi diligentissimè viginti quinque libris, non hortante modò, sed etiam materiam ei suppeditante clarissimo viro D. Iacobo Sturmio, verissimè simul & elegantissimè per scripta, adiecto etiam de quatuor monarchiis eruditissimo commētario: hanc ipsius gloriā, quamuis nõ absque insigni Ecclesiæ totiúsque Germanici imperii detrimēto, augente eorū culpa, qui, siue negligentia, siue præpostero metu, siue quòd illum æquare se posse desperarant, conticescere, resque tam memorabiles pati silentio perire, quàm opus ab illo cœptum perfecti maluerunt. Obiit autem Sleidanus Argentinæ epidemico morbo, anno ætatis dütaxat quinquagesimo, qui fuit annus Domini **CID. D. LVI.**




VLRICHVS HVTTENVS,
GERMANVS,
FRANCO.



VLRICHVS HVTTENVS, GERMA-
NVS, FRANCO.

VL RICHVM Huttenum generis nobilitatem, gen-
tilitio cognomēto, & virtute quoque militari te-
statam, animi vigor insignis magis etiam nobilitavit,
quum ad eruditionem non paruam, acumen quoque &
festiuum in primis ingenium ad poetice natum, (sicut
variis carminibus & aliquot etiam lepidissimis dialogis
declarauit) adiunxisset, easque dotes ad veræ pietatis
propugnationē contulisset, acrior tamen, & mordacior,
vt multò solidiorem ac viuaciorem gloriam meritò fue-
rit adepturus, nisi mors illum intempestiua, annum vi-
delicet ætatis tricesimum quintum agentē, priusquam
illa ingenii vehementia maturesceret, è viuis sustu-
lisset.



BEATVS RHENANVS,
GERMANVS, SE-
LESTADIENSIS.






BEATVS RHENANVS, GERMANVS,
SELESTADIENSIS.

BEATVM Rhenanũ, quomin⁹ vt nomine ita re ipsa quoque penitus beatè vixisse arbitremur, illud obstat quòd veram religionem sic approbarit, vt illá tamè apertè non sit professus, siue istud timiditate quadam fecit, homo vsque adè tranquillioris vitæ appetens, vt in patria nullum publicum munus vnquam subire, ac ne vxorem quidem, quanquam vnicus patris hæres, & quidem satis locuples ducere sustinuerit: siue quòd sese cuiuspiam aliquando communi consensu constituendæ in religione concordia spe pasceret: siue potius Erasmi exemplum hac etiam in re aliquatenus sequutus, cui plurimum in omnibus tribuebat, & quem Basilea studiosissimè coluerat. Vt cũque sit, multũ illi sedulo & percerudito antiquitatum obseruatori, omnes bonarum literarũ studiosi debèt, vt qui, & si nõ omnia sit assequutus, plurima tamen acutè ac diligenter animaduernerit, & aditũ ad alia cognoscenda multis ante tenebris obsitum aperuerit: quod & illi de Germanicis rebus libri, & doctissima tú Tertulliani, tum etiam Taciti, Plinii, Liuii, Senecæ, Paterculi recognitio, abundè demonstrat. Vixit igitur in patria cœlebs inculpatè, gratus omnibus, nemi ni grauis, ad sexagesimum vsque secundum annum, quo ex balneis rediēs, Argëtorati est mortuus, anno Domini **CIO. IO. XLVII**, indeque in patriam, cui instructissimã bibliothecam legarat, deportatus, ibique meritissimo & honorificentissimo cum elogio sepultus.





SEX GERMANIÆ EXIMII
MARTYRES.




HENRICVS ZVPPHA-
NIENSIS, GER-
MANVS



HENRICVS ZUPPHANIENSIS, GER-
MANVS.

HENRICVM Zupphanicsem ex academia Wi-
tebergensi, in qua doctis omnibus ac presertim
Philippo Melanchthoni charissimus aliquandiu vixe-
rat, in Dithmarsiam ad caelestem propagandam doctri-
nam anno Domini **CIO. IO. XXII.** euocatum, & à
Monachis tandem post infinita superata discrimina Al-
torffio expulsus, neque tamen propterea de pristino
zelo quanquam remittentem, excepit Meldorffium, v-
bi Dominicanorum impulsu à tumultuante plebe eodē
momento captus, omni crudelitate excarnificatus, indi-
ctaque demum causa vstulatus, sese quasi Germaniæ pri-
mitias, anno Domini **CIO. IO. XXIII,** consecrauit




WOLFGANGVS SCHV
CVS, GERMANVS.



WOLFGANGVS SCHVCVS,
GERMANVS.

VIVS altero post anno vestigia sequutus Schucus in Lotharingæ oppidulo quod S. Hippolitū vocant, Euangelium constanter tum voce, tum etiam erudito ad Antonium ducem scripto professus, quum ob eam rem periclitari ciuitatem ipsam vidisset, boni illius pastoris exemplum sequutus, vltro Nanceium ad principem venit, vbi in teterrimum carcerem coniectus, indeque crudelissimi Franciscani Monachi Bonauenturæ Renelii conuitiis oppressus, & mox ad ignem abreptus, ea constantia pyram accensam Psalmum quinquagesimum primum decantans subiit, vt mortem ipsam lacessere videretur, XIX Augusti, anno Domini CIO. IO. XXV, duobus paulò post ex iudicum numero, à quibus damnatus fuerat, subita morte sublati.




LEONARDVS CÆSAR,
GERMANVS, BA-
VARVS.





LEONARDVS CÆSAR, GERMANVS, BAVARVS.

LVDVICVM, cognomento Cæsarem, honesta familia ortum in Rabe, Bauarię oppidulo, liceat nobis Imperatorem etiam nominare, veterum Romanorum more, suos duces rebus egregiis gestis hac acclamatione honestantium: vt qui proditorię visendi moribus patris obtentu Witteberga accitus, & mox pro heretico damnatus, quo crudelius vstulatus fuit, eo gloriofiore exitu de morte ipsa, anno Domini **CIO. IO. XXVII**, **XVI** Aprilis, dignum etiam sua virtute præconem Martinum Luterum nactus, triumphauit.




GEORGIUS CARPENTE-
RIVS, GERMANVS,
BAVARVS.



GEORGIUS CARPENTERIVS, GER-
MANVS, BAVARVS.

ALTERVM eodem anno vertente, insignis alius Christi athleta Georgius Carpenterius, Monaci, quę est Bauarię metropolis, in eiusdem generis certamine triumphum egit, sed eò celebriorem, quòd & in vrbe frequentiore, & in spectatiore pugna fides ipsius magis enituit, quum & oblatam si modò veritatem euocaret vitę veniam palàm respueret, & aduersariis in ipsa morte fortiter repulsis, hoc verum (diceret) vobis fidei meę signũ esto, quòd IESV nomẽ ad extremũ vsque halitum in clamabo, quod & sanctè, quamuis veluti repetitis mortibus vstulatus, ipsis obstupescens carnificibus, re ipsa præstitit.




PETRVS FLISTEDIVS, ET
ADOLPHVS CLA-
REBACHIVS, GER-
MANI.



PETRVS FLISTEDIVS, ET ADOL-
CLAREBACHIVS, GERMANI.

ANNO insequente, nempe CIO. IO. XXVIII, mul-
tis calamitatibus, fame videlicet, eoque morbo
quem Anglicum sudorem vocant, vastatione denique
per Turcas Hungarię illata, insigni, clamantibus ad ra-
uim Coloniensibus Theologis, iram Dei non nisi Lute-
ranorum, quos vocabant, suppliciis expiatum iri, duo i-
sti eruditione, & pietate, aliisque virtutibus insignes
iuuenes, Colonię eodem penę momento, ad dicendam
causam & ad supplicium abrepti mutuõ sese cohortan-
tes, veritatem beata morte sanxerunt, tam fecundis ip-
sorum cineribus factis, vt malos ipsos consultores siue
mox consilii tum puduisse tum pœnituisse constet.





PRÆCIPVI INSTAVRATO-
RES RESTITVTI NOSTRA MEMO-
RIA IN HELVETIA, VICINISQVE RE-
GIONIBVS VERI CHRISTIANISMI.

HVLRICHVVS ZVINGLIVS.



IOANNES OECOLAMPADIUS.

8



M.L.



HVLRICHVVS ZVINGLIVS, HELVE-
TIVS TVGIENSIS, ET IOANNES OECO-
LAMPADIVS GERMANVVS, CHERV-
CVS, WINSPERGENSIS, ILLE QVI-
DEM TIGVRINÆ, HIC VERO BASI-
LIENSIS ECCLESIAE PASTOR.

PAR nobile Synaspistarum Hulrichū Zuingliū Ti-
gurinæ & Ioannem OEcolumpadiū Basiliensis ec-
clesiarum nobilissimarum instauratores ! vtrunque ex
Antichristi faucibus omnipotentis Dei manu, ad illum
verbi dei gladio iugulandum erutū: quorum secundum
Deum excellenti doctrinæ, summæ fidei, laboribus in-
credibilibus, inuictæ denique cōstantiæ, tot vbiq̄ue ani-
mæ, ac præsertim Alpinarum gentium pars longè maxi-
ma, assertionem ex antichristi tyrānide in christianam
libertatem debēt: longius etiam multò progressuris, ni-
si, sic merentibus hominū peccatis, opus Domini à qui-
busdam (proh dolor) eius ipsius architectis fuisset im-
peditum. Quos autem CHRISTI fortissimos athletas,
mutuas sibi operas tradentes, idem pietatis amor con-
iunxerat, mors eodem anno superueniens, diuersa ta-
men, ad exiguum tempus separauit. Bello siquidem ab
iis exorto qui fulgorem Euangelii ferre non poterant,
Zuinglium in castris ministerio suo fungentem, hostilis
manus cæsum cremauit, vt serui sui obitum Deus dupli-
ci decore coronaret. Quod enim sanctius aut honestius
cuiquam mortis genus contigerit, quàm si pro patria si-
mul & pro Dei gloria moriatur? OEcolumpadiū ve-
rò non ita multò post Basileæ gregem suū, peste grassan-

te vehementer afflictum, tum verbo Dei tum integerrimæ vitæ exemplis consolantem, idem morbus placidè in Christo morientem, commilitoni suo rursus in meliore illa vita cælesti adiunxit. O fœlix (iterum inquam) Dei feruorum iugum, si subigi & feri sese ab istis passus esset mundus. Nos autem gratis hominibus succinentes, agedum sic vtrique parentemus.

HVLRICHŌ ZVINGLIO.

*Zuinglius ardet gemino quum sanctus amore,
Nempe Dei in primis, deinde etiam patriæ,
Dicitur in solidum se deuouisse duobus,
Nempe Deo in primis, deinde etiam patriæ.
Quàm bene persoluit simul istis vota duobus,
Pro patria ex animis, pro pietate cinis!*


IOANNI OECOLAMPADIO.

*O Ecolampadius, serena nuper
Lampas, æde sacra Dei coruscans,
Qualis limpidiorue, puriorue
Vix ullis micuit lucerna seclis,
En mortis iacet obrutus tenebris.
At vobis malè sit, malæ tenebræ,
Lucis munere quæ breui fruentes,
Eheu, nos miseros homunciones
Nocte sic premitis tenebricosa.
Sed bene hoc cecidit, nigræ ô tenebræ,
Quòd dum ipsam peritis, malæ, lucernam,*


M. ij.

*Laternam tamen obruistis unam:
Laterna ut lateat quidem hic sepulta.
Ipsa sed magis emicet lucerna.*

*Cæsus est ac mortuus crematus Zuinglius anno
Domini 1531, die Octobris XI, anno vitæ
XLIIII. Oecolampadius autem anthrace
correptus Basileæ obiit eodem anno Cal. De-
sembri, anno ætatis XLIX.*



M. iii.




BERTHOL-
DVS HALLERVS,
HELVETIVS, ET FRANCI
SCVS KOLBIVS, GERMANVS,
ROETILENSIS, BERNENSIS EC-
CLESIAE PRIMI, PROFLI-
GATO PAPISMO, IN-
STAVRA-
TORES.



BERTHOLDVS HALLERVS, HEL-
VETIVS, ET FRANCISCVS KOLBIVS,
GERMANVS, ROETILENSIS, BER-
NENSIS ECCLESIAE PRIMI, PROFLIGA-
TO PAPIAMO, INSTAVRATORES.

QVANTVM illustri Bernensium Reipubl. christia-
nae omnes Ecclesia, tantum ipsa Berna duobus i-
stis, omni virtutum genere, ac praesertim pietate praes-
tantissimis viris, restituito, ipsorum potissimum opera,
christianismo debet. Quorum ille postquam Coloniae
gradum Theologiae primum adeptus esset, canonicus
simul ac concionator Bernae constitutus, veritate pauld
post ex ore simul & scriptis Hulrichi Zuinglii cogni-
ta, tam fortis illius propugnator fuit, vt Ioanne Eckio,
illo Romanensium sophistarum acutissimo, in Eaden-
sibus totius Helueticae gentis comitiis, publica disputa-
tione confutato, Berna anno consequente papismum e-
iuravit: hic vero quum illorum temporum infelicitate
abreptus, Basilea ex S. Martini schola, vbi iuuentute ali-
quadiu docuerat digressus, & in Sueuia, tranquillioris ad
exercenda studia vitae studiosus, monasticae vitae esset pro-
fessus, deinceps perspecta & ipse veritate, Bernam ob erudi-
tionis & pietatis famam accitus, ac Bertholdo in concionan-
di munere coniunctus fuit. Itaque postea mutuas traden-
tes operas, anno Domini 1527. indicta Magistratum
decreto publica disputatione, papismi defensores ex Dei
verbo reuicerunt, adeo vt communi consensu tum in urbe,
tum in vniuersa, quae amplissima est, illius reip. ditione, ve-
ra Euangelii restitutio sit recepta: in quo studio feliciter

uterque tñ puræ doctrinæ præceptis, cum integerrimæ
vitæ exemplo cunctis prærens ad obitum vsque perfe-
neravit, Kolbius quidem septuagenarius anno Domini
1535. mortuus: Hallerus autè anno insequente, imma-
tura planè morte, quum annum vitæ duntaxat quadra-
gesimum quartum ageret, in Domino piè placidèque
hac vita defunctus.



N.j.



IACOBVS MEIERVS,
CONSUL BASI-
LIENSIS.





IACOBVS MEIERVS, CONSVL BASILIENSIS.

QUVM plerosque ornare soleat Magistratum dignitas, hic cōtra Tribunatū simul & Consulatum, ad quas suæ illum virtutes in patria extulerunt, maximis difficillimisque gestis rebus, exornauit: bello videlicet, quod rusticorum vocant, summa prudentia cohibito: vera religione, admirabili quadam fœlicitate, in urbem, citra magnas turbas, anno Domini 1529. recepta: academia paulatim collabente in integrum restituta, ciuibus denique ad antiquam morum simplicitatem & integritatem ipso quoque habitu testandam reuocatis: quibus studiis incumbentem & iam annis non minus quàm meritis grauem quum pestis, anno Domini 1541, sustulisset, ciuitas illum haud secus quàm patriæ parentem luxit, publicoque honestissimo elogio sepultum decorauit.

AMBROSIVS BLAVRERVS.



AMBROSIVS ET THOMAS BLAV-
RERI, FRATRES, CONSTANTIENSES,
CIVITATIS CONSTANTIENSIS, IL-
LE QUIDEM PASTOR, HIC VERO
CONSVL.

Quo illud est par fratrum, quo haud satis scio an
vllum hisce temporibus extiterit plurimis diui-
nis donis cumulatius. Vterque siquidem parentibus ci-
uitatis Constantiensis nobilissimis natus, non modò eru-
ditione, pietate, prudentia, verùm etiam, facundia sin-
gulari excelluit: & hic quidem auctoritate ac consilio
patriam, quandiu libera fuit, Consul felicissimè gu-
bernauit: Ambrosius verò quasi diuinitus hoc nomen
fortitus, totusque à teneris annis promouendæ CHRIS-
TI gloriæ addictus, sicut zelo (vt tempora tunc fere-
bant) præpostero monachatum erat professus, ita, ac etiã
multò ardentius, veritatem agnitam amplexus, christia-
nismum in patria restituit: Bernæ, Vlmæ, Wormaciæ, fi-
dis pastoribus ac doctoribus succenturiatus, veritatis
hostes profligauit: Tubingæ constitutam Ecclesiam ful-
ciuit: Constantia denique (cuiuscunque tandem culpa
id factum sit) vi maiori cedente, yterque patriæ conspe-
ctu, cæterisque bonis carere, quam tantæ inconstantia
spectator & particeps esse maluit. Et quidem Thomas
in vicinam Heluetiam sese recipiens, Scipionis illius A-
fricani maioris memoriam renouauit: Ambrosius autè
in incepto persistens, honestè recusato maiorum eccle-
siarum onere, Bielis primum, quod oppidulum est Neo-
como proximū & Bernensibus. confœderatū, ac de-
mum Vitoduri, non procul Tiguro, maxima cum mo-
destiæ laude, gratis prædicandi Euangelii munere per-
functus, tandem, quum annum vitæ ageret LXVII,
placidissima morte, ingrata patria neutrius ossa seruatu-
ra, beatus ad Dominum emigravit.

HENRICVS BVLLINGERVS.





HENRICVS BVLLINGERVS, BREMGARTENSIS, HELVETIVS, ECCLESIAE TIGVRINÆ PASTOR.

NEC illa est veneranda Henrici Bullingeri canities, hominis orbe toto christiano, quam plurimis aeternum mansuris scriptis, à doctrina, pietate, & mirifico quodam ingenii ac stydi candore celeberrimi: quæ fœlicissimè exantlatos labores, annum quidè vitæ septuagesimum primū, sacri verò publici in ecclesia ministerii quinquagesimum agentem (quorum annorum septem partim in vicis Capellæ cœnobio vicinis, partim in patria, reliquos autem quadraginta tres in Ecclesiæ Tigurinæ vna cum doctissimis collegis administratione omni laude maior consumpsit) Dominus quidem ipse tãdem, quasi anno iubileo fidissimum sibi seruum manumissum, æternæ libertatis præmio, die Septembris decima septima, anno partè salutis millesimo quingentesimo septuagesimo quinto donauit: Ecclesiæ verò tum propinquæ tum remotissimæ, veluti communem parentem luxerunt, in quibus & ego quem viuum vt alterum parentem colui, his versibus celebraui mortuum.

Doctrina si interire, si Pietas mori,

Occidere si Candor potest,

Doctrina, Pietas, Candor, hoc tumulo iacent,

Henrice, tecum condita.

Mori sed absit illa posse dixerim,

Quæ viuere iubent mortuos.

Immò interire forsan illa si queant,

Subireque tumuli specum,

Tu tu illa doctis, tu pijs, tu candidis,

Et non mori certissimis,

Tenaci ab ipsa morte chartis asseras,

Ipsò approbante numine.


Fœdus beatum! mortuum illa te excitant,

Et tu mori illa non sinis.

At hunc, amici, cur steamus mortuum,

Qui vivit alijs, & sibi?

O.j.



LEO IVDÆ, HELVETIVS,
ECCLESIAE TIGVRINÆ
PASTOR.



LEO IVDÆ, HELVETIVS, EC-
CLESIAE TIGVRINÆ PASTOR.

LEONEM, cognominatum Iudæ, concionantem, vt in Theologia studio, sic in sacro ministerio magni illius Zuinglii socium audiit, & meritò adamauit Ecclesia Tigurina: cuius ea fuit in audiendo collega tum diligentia tum modestia, vt non pœnitèdam illius scriptorum partem summa fide ex ore ipsius exceptam ei debeamus. Sed præcipuum ipsius eruditionis testimonium, nec vnquam interiturû, illa est duplex Bibliorum versio, vna veteris Testamèti latina, in qua certantem cum styli simplicitate sermonis elegantiam nō immeritò admiratus est vsque adeo Vatablus, Christianorum seculi nostri hebræorum doctissimus habitus, vt eo minimè inuito Lutetię quoque, paucis immutatis, à Roberto Stephano sit excusa: altera verò integrorum Bibliorum Germanica, quæ summæ quoque fidei à doctissimis viris habetur. Hæc igitur Leonis studia, hi labores fuere, ad annum vsque Domini 1544, quo iam ingressus senectutis limen in æternam quietem, præclara sui memoria relicta, demigravit.

SIMON GRYNÆVS. 三





SIMON GRYNÆVS, GERMANVS, GRÆCARVM LITERARVM ET THEOLOGIÆ IN ACADEMIA BASILIENSI PROFESSOR.

BEATAM Basileã, loci amœnitate & vrbis amplitudine, sed multò magis bonarum literarum sede, tantoque præstantissimorum virorum paucis annis numero, quantus vel in vlllo maximo terrarú orbis regno extitit: Typographis quoque artis suæ emulatione cum illorum ingenii fœcunditate certantibus, & tú his tum illis vrbem nobilitátibus! Sed qualis ille Solis radiantis splendor cæterorum syderum lumen obscurat, talis inter cæteros extitit Simon ille Grynæus, in quo modestia singularis cum disciplinarum omniú exacta cognitione, amabilissimi mores cum grauitate, cum pietate denique zelus certauit: sibi ipsi quidẽ satis longæuus, licet vigente adhuc ætate mortuus, anno Domini 1541, utpote cui nihil amplius quod disceret superesse videretur: cæteris verò intempestiuè nimiùm creptus, quos nimirum, quò plura didicerat, eò docere plura, vir iuuantis aliorum studiis natus, potuisset. Nos autem illi hoc epicœdion cecinimus.

Te quicumque, Simon Grynæe, aspexit, amauit.

Splenduit in vultu gratia tanto tuo.

Te quicumque, Simon Grynæe, audiuit, amauit,

Facundo fluxit tantus ab ore lepos.

Amplius at cur non audire & cernere fas est?

Scilicet hoc fati vis inopina vetat.


Imo fallor ego : nam sint paucissima quanuis


Ingenii nobis scripta relictæ tui,

Te spectamus adhuc, te nos miramur in illis,

Aeternoque manes dignus amore Simon.

*Obiit Basiliæ ex peste anno Domini 1541,
anno ætatis XLV III, Cal. Augusti.*





CONRADVS
PELLICANVS,
GERMANVS, RVBEA-
QVENSIS, SACRARVM LITE-
RARVM IN ECCLESIA
TIGVRINA PRO-
FESSOR.





CONRADVS PELLICANVS, GER-
MANVS, RVBEAQVENSIS, SACRARVM
LITERARVM IN ECCLESIA TIGVRI-
NA PROFESSOR.

CONRADVM quoque Pellicanũ nobis Frãciscano-
rum cloaca Basiliensis absorberat, quum illũ Dei
manus erutum, in eadem vrbe Basiliensũ primũ, ac
deinceps Tiguri, singulare decus illius scholæ futurum
sibi consecrauit: Hebraicarũ præsertim literarum, sicut
præclara ipsius in vniuersum sacrarum literarum cor-
pus scripta testatur, vsque ad eò peritum, vt ex ipsis quò-
que Iudæorum Rabinis pauci cum eo conferri posse vi-
deantur. Ad hanc autem eruditionem accessit maxima
vitæ integritas, summâque modestia, in qua ad extre-
mam vsque senectam perseueras, nemini grauis, omni-
bus gratus, ex hac vita Tiguri, anno Domini **CIO. IO.**
LV, feliciter migravit.

PETRVS MARTYR.





PETRVS MARTYR. FLOREN-
TINVS, IN ECCLESIA TIGVRINA THEO-
LOGIÆ PROFESSOR.

PETRVM Martyrem honesta & locuplete Vermiliorum familia Florentiæ natum, & e Sauonarola veluti cineribus prodeūtem phœnicem, operæpretium est intelligere quibus anfractibus circūactū Deus Optimus Maxim⁹ in Ecclesiā suam perduxerit, & perductū feruauerit. Quis igitur credat per ipsos inferos viam in cælum patere? atqui res ita se habet, quoties ita illi visum est qui lucem ex ipsis tenebris eruit. Martyr igitur noster ab ipsa penè pueritia studio bonarum literarum ac pietatis in primis inflammatus, quum sese monasterio Fesulano, Florentiæ proximo, vbi qui sese regulares sancti Augustini canonicos vocant, cæteris monachis seueriores disciplina vti, & diligentius etiam studia literarum excolere videbantur, anno ætatis decimosexto adiunxisset, ita porrò sese inter monachos illos gessit, vt nulla occasione prætermissa, Patauii græcæ linguæ totiusque philosophiæ cognitionem, Bononiæ verò hebraicarum literarum exactam notitiam adeptus, habitisque in præcipuis totius Italiæ vrbibus concionibus sacris, omnium illius ordinis sodalium princeps esset & haberetur, maxima quidem cum eorum monachorum inuidia, quorum ipse mores non modò non ferebat, sed etiam quibuscunque poterat modis castigabat. Et hæc quidem illius ad pietatem, velut in mediis inferis mediterandam progymnasmata fuerunt, donec Neapoli Ioāne Valdesio Hispano illi occurrente, sic inter illos de purioris religionis capitibus conueniret, vt Ecclesiæ quoque Christianæ cœtum aliquem cogeret, primæ etiam vobi

litatis tum viris tum fœminis frequentatum . Id verò
quò neque Satà neque eius emissarii ferre possent, accu-
satus Romæ Martyr , sed mirabiliter amicorum opera
quos in vrbe plurimos potētissimos habuit, seruat, &
Lucam in eiusedē ordinis collegium, summa cum digni-
tate translatus, vsque ad eò constanter in incœpto cursu
perseuerauit, vt instituta in ipso monasterio, in quo Pau-
li Epistolas interpretabatur, trium linguarum profes-
sione, hebrœam quidem Emanuele Tremellio, genere
hebrœo, sed religione christiano, grœcam verò, Celso, ex
illustri comitum Martinenghorum familia, latinam de-
nique Paulo Lacisio Veronensi proficiente, prima in ea ci-
uitate instaurandi christianismi fundamenta iecerit:
mox scilicet Romæ vsulandus, nisi amicorum suafu, in-
gratè Italię valedicens, Tigurum primum, indè Basileã,
Argētina denique procurante Martino Bucero vocatus,
venisset. Discedenti comes adhæsit Bernardinus ille O-
chinus, maximi prius in Italia nominis monachus, & Ca-
pucinatorum (quos vocant) ordinis auctòr, idẽmque, quod
multis demum post annis patefecit, sceleratus hypocri-
ta. Sed huius longè dissimiles fuerunt qui Martyris exẽ-
plum ex eiusedē ordinis monasterio sequuti sunt, Paulus
Lacisus Argentinæ postea grœcas literas ad mortẽ vsque
professus : Cellus Martinengus Italicę Geneuensis ec-
clesię pastor, ibidem mortuus: Hieronymus Zanchus, &
Emanuel Tremellius, vterque, quum hæc scriberem ad-
huc Dei benignitate superstites: & ille quidem tum in
Germanicis ecclesiis Argentinensi & Heidelbergensi,
tum in Rhetia, ac nunc demum in Neostadiana scho-
la clarissimum eruditionis ac pietatis nomen adeptus:
hic verò suo merito hebrœorum etatis nostrę doctissi-
mus habitus. Ceterum vt ad Martyrem redeam, quę bel-
lorum tempestas Bucero & Fagium, eadem quoque
Martyrem Argentinam in Angliam ab Eduardo sexto
Rege euocatum transtulit: vbi qualem & quantum sese
in Oxoniensium Academia præstiterit, doctissima ipsius

scripta, ac præsertim disputatio de Cœna Domini, testi-
 ficantur. Marianis autem mox sequutis temporibus, sæ-
 uissimæ illi carnificinæ diuinitus rursus creptus Mar-
 tyr, quum Argentinæ in pristinum locum esset restitu-
 tus, Tigurum tandem, ecclesiæ rogatu, theologiam pro-
 fessurus transit, vbi quum ad quinquennium, maxima
 cum omnium attentione & admiratione, sacras literas
 esset interpretatus, flagitante Catharina Medicæa Flo-
 rentina, Caroli Francorum Regis pupilli matre, Regni-
 que Gallici gubernatrice, & Nauarrorum Regis ac pio-
 rum infinitorum hominum rogatu, vt conuentui qui
 religionis constituendæ causa Pissiaci, oppido Lutetiæ
 vicino, indictus fuerat, interesse vellet, in Galliam vsque
 venit: & veritatis causa, quamuis non eo prorsus quem
 omnes boni optabant successu, fortissimè tamen nec in-
 feliciter etiam defensa, quum Tigurum ad stationem
 suam redisset altero post anno, qui fuit à nato CHRIS-
 T O 1562, pridie Idus Nouembris, annù ipse ætatis
 agens 63, placidissima beatissimæque morte, in Bullin-
 geri & aliorum amicorum veluti sinu obdormiuit: tes-
 tes maximorum & sanctissimorum suorum laborum,
 non modò plurimos nunquam abolendos libros, sed ip-
 sam quoque Italiam, vniuersam Germaniam, Angliam,
 Heluetiam, Galliam denique relinquens: quem nos su-
 mus hoc carmine prosequuti.

*Tuscia te pepulit, Germania & Anglia fouit,
 Martyr, quem extinctum, nunc regit Heluetia.
 Dicere quæ si vera volent, te & nomine dicent,
 Hic fidus Christi (credite) Μάρτυρ erat.
 Utque istæ taceant, satis hoc tua scripta loquuntur:
 Plus satis hoc Italis exprobrat exilium.*

IOSIAS SIMLERVS.





IOSIAS SIMLERVS, HELVE-
TIVS, CAPELLENSIS, IN ECCLESIA TI-
GVRINA THEOLOGIÆ PROFESSOR.

IOSIAM Simlerú, Petri Martyris in theologiæ pro-
fessione in ecclesia Tigurina successoré, quis nó mi-
retur paucis annis, & quidém sæuissimis duobus morbis,
calculo videlicet ac podagra, conflctantem, id esse con-
sequutum, quod paucissimis hominibus vita longior &
assidua diligentia contulit? Quis enim in mathemati-
cis disciplinis, & quidem *αὐτοδίδακτος*, extiterit, non
modò qui docentem illum audiuerunt, sed etiam & li-
bri & instrumenta nobilissima ab ipso excogitata testi-
ficantur. Quantus autém in historia fuerit, ostendunt scri-
pta, præsertim quibus patriá immortalitati consecrauit.
Quam denique in Theologicis excelluerit (quæ fuit ipsi⁹
propria professio) quantúque in scribendo tum acumi-
nis, tum iudicii, veterum quoque Theologorú lectione
cõfirmati, satis supérque demõstrant Samosateniani, Ar-
riani, Nestoriani, Eutyichiani, Macedoniani, Tritheitæ
denique nostris temporibus rursus ab inferis excitati,
& diuini verbi gladio fortissimè Simleri manibus vibra-
to iugulati. Quid non igitur ab hoc ingenio potuit expe-
ctari, si paulò firmitus corporis domiciliú habuisset, & ni-
si mors illum immatura planè sustulisset? annum siqui-
dem ágens duntaxat quadragesimum quintum, die se-
cunda Iulii, anno Domini 1576, nobis est ereptus, me
quidem immaturum illius obitum sic deplorante.

*Simlere, mi Simlere, quo superstitie
Tot mortui reuixerant,
Quos ira nobis numinis, tam pauculis
Ademit annis plurimos.
Simlere, quem tremuit renatus Arrius,
Tremuit renatus Euryches,
Vastator ille Polonia, hic Germania,
Lasi flagella numinis.
Heu subita & immatura te mors auferens
Quàm multa tecum sustulit!
Lamenta amicis quanta, quot iustissimos
Secum dolores attulit!
Quos inter, ecce Beza quondam haud ultimus,
His irrigat te lacrymis:
Beza repetito vulnere isto saucius,
Communis ad tumultum patris.*

Q.j.


IOACHIMVS VADIANVS.





IOACHIMVS VADIANVS, HEL-
VETIVS, SANGALLENSIS, EIVSDEM
CIVITATIS CONSVL.

IOACHIMVM Vadianum Sangallensem, Poëtam
excellens, Mathematicum ac præsertim Geo-
graphum exactissimum, quod ipse in Pomponiũ Me-
lam commentarii & trium orbis partium epitome de-
monstrant, insignem denique medicum, adde etiam ea
tum prudentia tum integritate vite præditum, vt ei pa-
tria summum magistratum vltro detulerit, omnes sibi
disciplinæ certatim vendicant. Sed illum sibi Theolo-
gia optimo præ ceteris iure sibi asserit, vt qui tũ in Cœ-
næ Domini controuersis explicandis, tum in fanaticis
Schuuenfeldii deliriis refutandis, quibus Eutychetis &
Enthusiastarum errores renouauit, diligentissimam si-
mul & vtilissimam operam nauauerit: quarum omniũ
virtutum gloria fruens, iam senex, placidissima felicif-
simaque morte, beatam sui memoriam relinquens, è vi-
uis excessit.



PETRVS CHOLINVS, HELVETIVS,
TVGIENSIS, BONARVM LITE-
RARVM IN TIGVRINA
ECCLESIA PRO-
FESSOR.





PETRVS CHOLINVS, HELVE
TIVS, TVGIENSIS, BONARVM LITERA
RVN IN TIGVRINA ECCLESIA PRO-
FESSOR.

ABSIT, vt te indictum præteream, Choline, non tã
quòd priuato beneficio longè maximo tibi sum
obstrictus, què totos annos quatuor sub Meliore Volma-
rio præceptorem fidelissimum ac doctissimum habui:
quàm quòd tua summa tum doctrina tum pietas memo-
riam merentur sempiternam. Paucos enim etatem no-
stram habuisse tecum in trium linguarum ac greçe præ-
fertim, cognitione conferendos, Gulielmum ipsum Bu-
dæum non semel Lutetię, quum ad illum ventitares, te-
statum fuisse cõstat, Gallicę quoque linguę, quamuis ti-
bi peregrinę, vsque ad eò peritum, vt absolutissimam etiã
eius grammaticen conscripseris. Sed illud inter cætera
palmarium in te fuit, quòd ambitiosę vitę fugitans, ad
docendam iuuentutem, ac præfertim ad amplificanda
sacra studia, libros, quos apocryphos appellant, è greco
sermone in latinum summa tú fide tum eruditione in-
terpretatus, contuleris: longè plura & maiora procul
dubio nobis præstiturus, nisi te intempestiua mors ad-
huc ætate firma, anno Domini 1542, nobis eripuisset.

SEBASTIANVS MÜNSTERVS.





SEBASTIANVS MUNSTERVS,
GERMANVS, INGELHEIMEIENSIS, IN
ACADEMIA BASILIENSI THEOLO-
GIÆ PROFESSOR.

EN aliud Basiliensis Academiae, sui que adeo seculi
decus, Sebastianum Munsterum, admirabili quo-
que Dei prouidentia, ex Franciscano Christianum fa-
ctum, hebraeae & chaldaicae linguae accurata cognitione, plu-
rimisque tum in sacras literas, tum in varias Mathecos
partes editis scriptis, ac praesertim laboriosissimo illo vo-
lumine nobilem, quo duce, peregrinari terrarum or-
bem, domi etiam manendo, licet. Sit igitur perennis il-
lius viri memoria qui tot regionum, ciuitatum, familia-
rum, virorum denique nominibus, immortalitatem pro
virili conciliauit.

*Obiit ex peste anno Domini 1552, annum vi-
tae agens L XIII.*

CONRADVS GESNERVS.





CONRADVS GESNERVS, TI-
GVRINVS, IN ACADEMIA TIGVRINA
PHILOSOPHIÆ PROFESSOR.

CONRADVM Gesnerum, Tiguri honestis qui-
dē, sed tenuis fortunę parentibus natum, inter ę-
tatis nostrę clarissimos homines sua tum pietas tum eru-
ditio, probitas denique singularis meritò collocarunt,
vt plurimarum linguarum, ita omnium physices partiũ,
& intimorum naturę arcanorum vsque ad eò peritum,
támque diligentem ac laboriosum scriptorem, vt si sty-
lum excolere quàm simpliciter ex aliis optima fide col-
lecta pleraque proponere maluisset, neque mors illum
immatura sustulisset, atas hęc nostra in vnico Gesne-
ro tum Varronē alterum, tú Plinium quoque renatum
fuerit habitura: cuius vt amicissimi & sub Meliore Vol-
mario communi præceptore Biturigibus suauissimi con-
discipuli obitum istis *ἔπιμνηστικῶν* versiculis celebraui.

*Te celo mutante solum, Gesnere, volucres
Quacunque pennis aëra permeant,
Repleuere modis omnia tristibus,
Migrantem amicum, extrema supra sidera,
Omnes eum sonitu graui insequuta.*

*Te celo mutante solum, Gesnere, feroces
Gemuere in antris belluę,
Et stabulis pecudes relictis.*

Sibilis colubri te feri gemunt lugubribus,

R. j.

*Imisque quotquot sub cauernis
Occulta terrarum colunt:
Et flaccidum planta virentes,
Et pallidum flores nitentes,
Et marcidum arbores comantes.*

*Regna te per humida,
Et belluosus quâ ferit undique
Reboantia littora pontus,
Planctu sonoro deflet Amphitrite,
Et liquidis sub aquis pisces natantes mutitant.*

*Natura te omnis denique ut fidum suorum antistitem
Plorat sacrorum, muta
Futura deinceps, ni loquaris mortuus.
Hæc inter tibi turbatus, Cæsare, parentat
Beza tuus, vati vates, & amicus amico,
His incompositis innumeris numeris.*

*Obiit anno Domini millesimo quingentesimo sexa-
gesimo quinto, die decimatertia Decembris,
anno vite quadragesimo nono.*

R. II.

IOANNES CALVINVS.





IOANNES CALVINVS, PICARDVS,
NOVIODVNENSIS, ECCLESIAE
GENEVENSIS PASTOR.

ESTIMONIVM filii pro parente quum carere vix
suspensione possit, res ipsa, Calvine, testificentur
selectissimū fuisse te Dei Optimi Maximi organū, cuius
ministerio perficeretur verae religionis instauratio, ali-
quot ante annis ab aliis feliciter inchoata. Nam tu is es
cuius praecipue doctrina, diligentia, & indefatigabili
zelo Gallia quidem & Scotia restitutum apud se CHRIS-
TI regnū merito acceptū ferūt: alia verò per orbē ter-
rarum innumerabiles ecclesie plurimū se debere pro-
fitentur. Testes harum rerum sunt, partim nunquam
interitura monumenta quibus nihil in sacris explican-
dis, neque iudiciosius, neque enucleatius, neque magni-
ficentius, à quoquam verbi diuini interprete adhuc scri-
ptum fuisse verè pii doctique omnes agnoscunt: partim
furiosorum mataologorum rabies in te vnum præ cete-
ris, tum viuum tum mortuum accēsa. At tu interea Cal-
uine fruire apud CHRISTVM fidi serui præmiis: vos au-
tem ecclesie Christianae (crepate inuidia) Caluino quo-
que mortuo vos docente, pergite erudiri. Vos denique
Sophistę, exitio deuotum sceleratorum hominum ge-
nus, sanctissimo doctissimoque theologo magis ac magis
oblatrantes, vestram tum stultitiam deridendam, tum
improbritatem abominandam patefacite, tantisper dum
iustus ille iudex suū cuique redditurus adueniat. Obiit
autem Geneuę Calvinus ex phtisi vigiliis & ieiuniis im-
modicis contracta, quum illam ecclesiam, infinitis cum
difficultatibus stabilitam, totos viginti tres annos conti-

nuos vnà cum doctissimis suis collegis felicissimè guber-
nasset, anno Domini millesimo quingentesimo sexage-
simo quarto, die Maii vicesima septima, annum agens vi-
trè quinquagesimum quartum: quem mortuum, & sicuti
iusserat, nullo sepulcri apparatu elatum, non modò ci-
uitas Geneuësis vniuersa, sed etiam pii per orbem terra-
rum plurimi ceu parentem luxerunt. Inter quos & ego
sic illum mœstissimus hoc carmine ἐπιμνήσκω deplorauì.

*Romæ ruentis terror ille maximus,
Quem mortuum lugent boni, horrescunt mali,
Ipsa à quo potuit virtutem discere virtus,
Cur a deò exiguo ignotòque in cespite clausus
Calvinus lateat, rogas?
Calvinum assiduè comitata modestia viuum,
Hoc tumulo manibus condidit ipsa suis.
O te beatum cespitem tanto hospite!
O cui inuidèrè cuncta possint marmora!*

GUILLELMVS FARELLVS.





GVILLELMVS FARELLVS, DELPHINAS, GAPPENSIS, NEOCOMENSIS ECCLESIAE PASTOR.

GVILLELMVM Farellum Delphinatem, nobili familia ortum, & discendis bonis artibus Lutetiae, hortatu Iacobi Fabri Stapulensis, cuius supra meminimus, sese in Cardinalis gymnasio (quod vocant) exercentem persecutio aduersus Meldeses exorta, & pietatis propagandae studium in Heluetiam pertraxere, vbi amicitia cum doctissimis Helueticarum ecclesiarum, tunc instaurari coeptarum, pastoribus, Bertholdo Hallero Bernensi, Vricho Zuinglio Tigurino, Ioanne Oecolapadio Basiliensi, inita, mox sese ex illorum consilio, propagando Euangelio in vicino Gallici idiomatis regionum tractu dedidit, tanta quidem animi contentione, tantoque ardore, vt illum diuinitus ad hoc munus accitum res ipsa demonstraret. Hic enim ille est qui nullis difficultatibus fractus, nullis minis, couitiis, verberibus denique inflatis territus, Mobergardeses, Neocomeses, Laufanenses, Aquileienses, Geneueses denique Christo lucrificat. Fuit enim in hoc homine praeter pietatem, doctrinam, vitae innocentiam, eximiamque modestiam, singularis quaedam animi praesentia, ingenium acre, sermo vehementiae plenus, vt tonare potius quam loqui videretur: ardorque denique tantus in precando, vt audientes quasi in caelum vsque subueheret. His illum virtutibus in ecclesia Neocomesi florentem, & ne in senectute quidem de pristina diligentia quidquam remittentem, Dominus ad se tandem placida morte, annum vitae agentem septuagesimum sextum euocauit, anno partae salutis 1565, XIII. Septembris, quum charissimo suo Caluino annum vnum menses tres & dies quatuordecim superuixisset.

PETRVS VIRETVS.





PETRVS VIRETVS, SABAV-
DVS, ORBENSIS, ECCLESIAE LAVSA-
NENSIS PASTOR.

PETRVS Viretus, Orbæ natus ditionis Bernensis oppidulo Burgundis proximo, fuit & ipse constituendis in toto illo tractu ecclesiis, Farelli videlicet indiuiduus comes, quæ etiam Lutetiæ cognouerat, à Deo excitatus: homo & eruditione præstans, moribus suauissimis præditus, & oris facundia præcipuè excellens, vt merito nonnulli Calvinum, Farellum, & Viretum, vt eiusdem muneris functione, sic etiam animis coniunctissimos, lectissimam quædam præstantissimorum pastorum triadem vocarint, eruditionis quidem penes Calvinum, vehementiæ verò penes Farellum, facundiæ denique laude penes Viretum manente. Quod ego versiculis istis aliquando cecini.

Gallica mirata est Calvinum Ecclesia nuper,

Quo nemo docuit doctius.

Est quoque te nuper mirata Farelle tonantem,

Quo nemo tonuit fortius.

Et miratur adhuc fundentem mella Viretum,

Quo nemo fatur dulcius.


Scilicet aut tribus his seruabere testibus olim,


Aut interibis Gallia.

F V I T autem Viretus imbecilli per se corpusculo, quod naturæ vitium vehementer auxerunt, partim ve-

S. ij.

nenum ipsi à Geneuensis cuiusdam canonici seruo propinatum, partim vulnera in agro Paterniacensi à sacrificulo ipsum per insidias inuadente inflicta, vsque adeo graua vt iacentem pro mortuo relinqueret. Liberatus autem à totidem mortibus, quum multos annos docens ac scribens in ecclesia Lausanensi maxima cum laude consumpsisset, ac deinceps Lugdunum, Gallicarum ecclesiarum precibus accitus, durissimis ciuiliis belli tempestatibus & seuiſſimæ mox consequutæ pestis temporibus Lugdunensem ecclesiam vnà cum suis collegis sapientissimè gubernasset: tandem cogente Iesuitarum factione, primùm quidem in Occitaniam, deinde verò pi-entissimæ Nauarrorum Reginae Ioannæ rogatu in proximos Pyreneos saltus profectus, ibi tandem magno cù bonorù omnium luctu, anno Domini **CIO. IO. LXXI** ex hac vita in alteram illam meliorem sexagenarius emigravit.





IOANNES FROBENIVS, GERMA-
NVS, HAMELBVRGENSIS, NO-
BILIS TYPOGRAPHVS
BASILIENSIS.



IOANNES FROBENIVS, GER-
MANVS, HAMELBVRGENSIS, NOBILIS
TYPOGRAPHVS BASILIENSIS.

IOANNEM Frobenium, cuius diligentia, fidei, in-
dustria, tot optimos trium linguarum scriptores
magnificentissimè simul & emendatissimè excusos, ac
velut è tenebris in lucè reuocatos legimus, ecquis tan-
dè sua laude fraudari sustineat? Viuat igitur aternùm,
inuita morte, quæ repentina paralyfi correptù anno Do-
mini millesimo quingentesimo vicesimoséptimo sustu-
lit è viuis, eius hominis memoria, qui tot præclaris tan-
torum virorum monumentis quandam immortalitatis
speciem conciliauit, & in auitas virtutes vtinam
ipsius posterì perpetua serie succedant.





ILLVSTRES GALLI QVORVM
ALII BONAS LITERAS, ALII PRÆTE-
REA VERVM CHRISTIANISMVM IN
GALLIIS INSTAVRARVNT.

T. j.

FRANCISCVS I. FRANCORVM REX.





FRANCISCVS, EIVS NOMI-
NIS PRIMVS, FRANCORVM REX.

NEQVE te, Rex potentissime, pudeat (quod tamen
absque vlla fastigii regii deminutione fiat) in hu-
ius sacrorum vestibulo, nec longius progressum, consiste-
re, iis alioqui solis dicati quibus es tantopere vitius ad-
uersatus: neque tu (religiosior spectator quisquis ades)
ad huius licet aduersarii cōspectum cohorresce. Debe-
ri sanè videtur aliqua huius decoris pars ei qui tres lin-
guas bonasque disciplinas, quasi atrientes huius ædis fu-
turas, expulsa barbarie, suo loco restituit: cuius etiam
vitia fecerunt subsequutorum temporum mores, vt pe-
nè virtutes videri possint.

MARGARETA VALESIA.





MARGARETA VALESIA, FRAN-
CISCI REGIS SOROR, EADEMQVE
NAVARRÆ REGINA.

FRANCISCO Regi fratri Margaretam for-
orem adiungere fas esto, dignam licet quæ vel in
ipius sacraii penentrali collocetur: fœminam vt inge-
nii elegancia & acumine fratri parem, sic pietatis co-
gnitione & iuandæ Christi Eœclesiæ Zelo, quo fratris
iras pro viribus temperavit, & cui conferuatos pluri-
mos optimos viros debemus, laude dignam sempiterna:
quanuis ipsius gloriæ nonnullam in vltima tandem
ipius atate credulitas labem asperferit.

GVLIELMVS BVDÆVS.





GVLIELMVS BVDÆVS, GAL-
LVS, PARIISIENSIS, SVPP LICVM LIBEL-
LORVM MAGISTER.

AD E S T O in hoc vestibulo doctissime Gulielme Budæ, quasi tuo regi apparitor, quâdoquidē illius quidē auctoritati tuis cōsiliis excitatæ, tuæ verò eruditioni restitutâ Græcæ linguæ cognitionē debere se Gallia & omnes eius alumni profitentur: plenissimam certè laudem consequuturæ, si ad incomparabilem illam eruditionem & inculpatam alioqui vitam, veræ quoque religionis cognitionem maiorem adiunxisses. Luxerūt te verò & æternum lugebunt vt alterum parentem Græcæ Musæ Helicone exulantes, & tuis auspiciis Lutetia receptæ, ex quibus olim hos quoque versiculos excepisse me memini.

Ὅστις Βυδαῖον γλώσσης ὀνομάσσατο Φοῖβον
Ἀμφοτέρας, ὄφθως Φοῖβον ἔειπε μάλα.
Ἀξια δ' ἐκ εἶπεν. μείζων γὰρ κ' ἠελίοιο,
Ὅς θνητοῖσι φάσθαι καὶ καταδύς παρέχει.

Obiit anno Domini 1540, XXII Augusti,
annos natus 73.

FRANCISCVS VATABLVS.





FRANCISCVS VATABLVS,
GALLVS, EX PICARDIÆ PROVINCIA.

AT te, Vatable, quem Hebræa docentem Hebræi quidē sunt ipsi admirati, Christiani verò plurimi maximo cū fructu audierunt, quo tandem loco habebimus, qui quod aliis sacras literas interpretando imperiebas, vsque ad eò neglexeris, vt etiam eiuraris? Age tamen, summa eruditio, diligentiaque tua, locum tibi quoque in huius sacrarii vestibulo compararint, quamuis quò alios introduxisti, nūquam ipse videri possis ingressus.

IACOBVS TVSSANVS.






IACOBVS. TVSSANVS, GRÆ-
CARVM LITERARVM IN ACADEMIA
PARISIENSI REGIVS PROFESSOR.

IACOBO Tuffano singulari trium maximarum in
docendo virtutum exemplo, summæ videlicet in
docendis græcis literis fidei, perpetuæ diligentia, incul-
patæ & ab omni ambitione remotæ vitæ, perenne istud
monimentum mœrês Gallia, nullum adhuc multis post
annis parem doctorem nacta, consecrauit.

MICHAEL HOSPITALIVS.





MICHAEL HOSPITALIVS; AR- VERNVS, GALLIÆ CANCELLARIVS.


IC ille est Michael Xenius, siue Hospitalius, quem admirabilis simul & peramabilis eruditio, multis etiam omnibus illi tanquam alteri Apollini suo fauentibus, ingenitam grauitatem suauissima quadam moderatione temperans, per omnes honorum gradus, velut antiquis moribus, quamuis corruptissimo seculo, in summum togatae militiae gradum (vel ipsa fauente inuidia) prouexit: & aliquantò post, asperri-
mis Gallorum ciuiliu bellorum tempestatibus, sceleratorum quorundam factione, à Reipubl. Gallicae gubernaculis semotum fuisse maximo suo malo sensit Gallia: tandemque morte sublatum & virtus sua, & successor prorsus dispar summè desiderabilem effecerunt. Huic tamen ad iustum laudis cumulum id videtur defuisse, quòd partim ne sibi ad pios iuandos aditum praestrueret si verà religionem aperte profiteretur, partim vana quadam expectatione delusus, eo luto ex quo erutos omnes optabat, penitus extricare sese quum diu neglexisset, postea volens id praestare non potuit. Sed ecquis illius memoriam non celebrarit, qui, vt aliis consuleret, seipsum tam diu penè neglexit? Addatur autem hoc quoque fatali cuidam ipsius decori, quòd, vt ex antiquissimo numismate apparuit, summum illum omnium Philosophorum principem Aristotelem sic ore toto retulit, vt alterius ex altero imago expressa videri posset: sorte tamen in eo dispari, quod (vt de pietate taceam) quae deambulans Aristoteles in umbra porticus disseruit, Hospitalius no-


ster reipfa exercuit. Sic itaque nos illius aliquando cum
Aristotelea comparatam imaginem descripsimus.

*Talis Aristoteles oculos, atque ora ferebas,
Sculptoris docta nunc rediit in manu.
Pars autem illa tui melior, melioribus olim
Expressa in tabulis, nec peritura manet.
Sed quid opus sculptisve fuit scriptisve tabellis?
En vivo in Xenio vivis Aristoteles.*

Deinde sic illi parentauimus.

*Presidio natum patriæ, patriæque salutem
Vitæ anteponentem suæ,
Quæ malesana sibi, tibi summè ingrata, Michael,
Acciret ut sibi aduenam,
Gallia te clavo amouit, tibi, naufrag a mille
Parentat, ecce, cladibus.*





IVLIVS CÆSAR
SCALIGER.



IULIVS CÆSAR SCALIGER.

IULIVM Cæsarem Scaligerum, ex illa vetustissima nobilissimaque Scaligerorum familia, Verona totiusque illius tractus Domina superstitem, absit ut indictum prætereamus : aorum nobilitatem armorum virtute parvam, postquam potentiorum vi & iniuriis cessisset, incomparabilis ingenii opibus facile pensantem: criticum grammaticum acerrimum, poetam excellentem, philosophum eruditissimum, alterum in medicina Aesculapium, & quidem (dictu penè incredibile) hæc omnia quum ætatis iuuenilis parte in armis consumpta, serius sese literarum studiis dedidisset, tum ingenii extra omnem aleam positi præstantia, tum indefatigabili labore, quamuis aduersante valetudine, consequutum : atque ad eò (ne quid ipsius felicitati deesset) doctissimorum liberorum, Syluii ac Iosephi, huius quidem certè summè admirabili tum eruditione tum iudicio præditi, parentem : cui denique non Agenni modo ciuitas, vbi domiciliū illi medicinam facienti sua virtus posuit, sed Aquitania penè ipsa (piis ipsius domo tanquam hospitio utentibus, eoque vicissim sua illos auctoritate pro viribus, quantumuis asperis temporibus, adiuuante) veræ pietatis instaurationem magna ex parte debet. Quiescite igitur in CHRISTO pii manes: qui faxit ut penes Scaligerorum familiam sicut olim armorum, ita nunc eruditionis & pietatis gloria quam diutissimè permaneat.

MELIOR VOLMARIUS.





MELIOR VOLMARIUS, ROT-
VILLENIS, IVRIS CIVILIS ET GRÆ
CARVM LITERARVM IN ACADEMIA
TVBINGENSI PROFESSOR.

MELIOREM Volmarium (sic enim eius nomen, quū
antea Melchior vocaretur, vir doctissimus, & eius
in academia Tubingēsi collega, Ioachimus Camerarius
probitatē hominis admiratus, emolliit) genuit Rotuilla
ciuitas Heluetiis cōfederata, puerū aluit Berna, bonis li-
teris imbuit Lutetia, eundēmq̃ mox græca latināque
facundia excellentem est admirata, vt & Aurelia, & Bi-
turigum ciuitas: vbi, Margareta Valesia Nauarorum
Reginæ ac Biturigū Ducissæ stipendiis, vtramque lin-
guam proficens, simulque Andrææ Alciati, iurisconsul-
torū etatis nostræ facile Principis iudicio, legum doctor
creatus, domum ipsius bonis ac piis quibusque frequen-
tantibus, inter quos Ioannē quoque Caluinum non pu-
duit pro græcæ linguæ præceptore Volmarium agnosce-
re, quum priuatam quoque scholam ingenuis & selecte
indolis pueris aliquot aperuisset, hoc est consequutus
vt nemo erudiendæ iuuentuti magis idoneus, nemo plu-
res bonæ frugis discipulos aluisse videretur: maiores
multò fructus inde collectura Gallia, nisi partim seuities
aduersus pios recrudescens, partim Vlrichi ducis Wir-
tēbergenis cum inuitantis auctoritas, illum Tubingam
anno Domini millesimo quingētesimo tricesimoquinto
euocasset. Ibi verò annos amplius viginti ius ciuile
& Græcos etiam authores maxima cum laude interpre-
tatus, tandēmq̃ rude donatus, quum suam. Margareta

vxoris patriam, familiam transtulisset, vitam finit, postquam aliquot menses ex paralyti decubisset, eodem etiam die vxore ex animi ægritudine defuncta, vt simul elati eodẽ tumultu cõderentur quos sanctus amor totos 27 minimũ annos cõiũxerat. Fuit autẽ vir iste omnib⁹ tum corporis tũ animi dotibus excellens, ac præsertim eximia in pauperes munificentiã insignis, & ab omni ambitione tã remotus, vt, quanuis Græcè & latinè scribendo excelleret, nihil tamen præternicam perelegãtem præfationem grammaticæ græcæ Demetrii Chalcodylæ præpositam ediderit: quem ego à pueritia vnicum præceptorem nactus, & viuum ceu parentem alterum semper colui, & mortuum vnà cum ipsius vxore sic deplorauit.

*Coniugii exemplum rarum certũque beati,
Spectate cuncti coniuges.
Una dies nobis Meliorem sustulit, vna
Et Margaritam sustulit.
Sic vno quos vita thoro coniunxerat, vno
Mors vna tumulto condidit:
Vna ambos donec reddat lux vnus olim
Beatitatis compotes.*

IN EOSDEM.

*Mi Melior, quo nec melior nec doctior vllus:
Nostrum beavit seculum,
Tu ne iaces, mutique taces sub more sepulcri?
Et Beza stat, Beza loquitur?*

Stat

*Stat certè & loquitur: sed cui nec vivere dulce,
Nec dulce posthac sit loqui:
Verùm dulce mori fuerit, tecúmque sepulcri
Uno latère sub specu.
Nanque iacent tecum Charites, iacet ipsa venustas,
Et omnis Aonidum chorus.*

IN EOSDEM.

*Quum tumulo lateat Melior Volmarius isto,
Cui Margarita adest comes,
Est illi cur inuideas, Mausole, diúque
Celebrata pyramidum strues.
Nánque nihil melius Meliore, nec India quicquam
Fert Margarita carius.*

*Obiit Isnae anno Domini millesimo quingentesimo
sexagesimoprimo, anno etatis sexagesimo-
quarto.*


IACOBVS FABER.





IACOBVS FABER, GALLVS,
STAPVLENSIS, SORBONICVS THEO-
LOGVS.

VERE admirabilem dei prouidentia. Quis enim hominum cuncti vnus opera barbariem, nobilissima totius orbis Academia tot iam annos securè incubantem, detrudi posse existimasset? Præstitit hoc tamen non minima ex parte primus ætate nostra Iacobus hic Faber, neque genere insignis, neque patria celebrandus, (Stapulis nimirum ignobili Picardiæ prouinciæ portu) sed eruditione, pietate, & animi generositate nobilissimus, licet, quod magis mireris, in ipsa fœdissima barbarie educatus. Hic ille est igitur qui tum voce, tum scriptis eruditissimis, pro sophistica veram Peripateticorum logicen, & quatuor mathematicarum disciplinarum studia in Academia Parisiensi restituit: ac deinceps noui Testamenti vulgatæ translationis emendationem, & purioris religionis instaurationem fortiter aggressus, tantam barbarorum quorundam mataëologorum tunc Sorbonicum collegium dehonestantium, indignationem incurrit, ut voluntaria secessione vix illorum manus cruentas effugerit. Seruauit illum tamen tum innocentia, tum vel maximè illius heroinæ Margaritæ Valesiæ Nauarrorum Reginae apud fratrem Franciscum Regem intercessio, in cuius postea ciuitate Aquitanica Neraco, ad extremam senectutem, summa cum pietatis & incredibilis modestiæ laude, quietam vitam transegit: hoc certam à Deo consequutus, ut sicut olim ex Isocratis schola optimi quique oratores, sic ex Stapulensis auditorio præstantissimi viri plurimi prodierint.




IOANNES
MERCERVS, GALLVS,
OCCITANVS, HEBRAI-
CARVM LITERARVM IN
ACADEMIA PARISI-
ENSI REGIVS PRO-
FESSOR.





IOANNES MERCERVS. GAL-
LVS, OCCITANVS, HEBRAICARVM
LITERARVM IN ACADEMIA PARI-
SIENSI PROFESSOR.

IOANNES Mercerus apud Occitanas honesto lo-
co natus, quum vtramque linguam adhuc adole-
scēs didicisset, & eousque in iuris ciuilibus cognitione pro-
fecisset, vt Harmenopuli *θεόκριτος* quod vocāt, è græco la-
tinū faceret, mutato cōsilio, simulatque Vatablū Hebræa
Lutetiæ docentem audiuiisset, tanto animi ardore stu-
dium illius linguæ est amplexatus, vt illo è viuis sublato,
dignus vnus videretur qui tanto viro in illius profes-
sione succederet. Hic verò quantum sese præstiterit, ad-
iuncto ad quatuor linguarum exactam cognitionem,
summamque diligentiam, iudicio longè acerrimo, do-
ctissimæ ipsius prælectiones partim iam editæ, partim
deinceps edendæ satis superque testantur. Accedebant
autem ad hanc eruditionem summum pietatis studiū,
candidum ingenium, modestia singularis, vita prorsus
inculpabilis, ad eò vt feruente ciuilibus ob religionem
bellis Gallia, quanuis sacros libros non modò Gramma-
ticè, sed etiam Christianè explicaret, saluum tamen il-
lum & inuiolabilem amabilez ipsius mores fortiter in
suo munere perseuerantem præstiterint, & ex eius v-
nius penè schola prodiisse constet, quicumque in Galliis
hodie paulò felicius hebraissant. Repetitis verò bellis
Venetias ornatissimū quendam virum sequutus, ibique
Hebræorum doctissimis admirationi habitus, quum ad
stationem suam reuertens per Occitaniam iter faceret
intempestiua planè morte sublatus, maximum sui desi-
deriam doctis piisque omnibus reliquit.



ROBERTVS STEPHANVS PA-
RISIENSIS, REGIVS TY-
POGRAPHVS.



ROBERTVS STEPHANVS, PA-
RISIENSIS, REGIVS TYPOGRAPHVS.

SI diuinum meritò cenſetur illud charaſterum
inuentum quorum ope abſentes compellamus,
mortui etiam ipſi loquuntur, viſ illa denique temporis
omnia cōſumentis infringitur : cui potius quàm eidem
Optimo Maximo Deo compendium illud ſcribendi pe-
nè incredibile acceptū feremus, quod Typographicen
appellant? Sicut igitur vituperatione maxima digni ſūt
qui tanto Dei munere, vel ad bona deprauāda, vel ad ea
publicanda quæ potius nunquam extiſſe oportuit, a-
butuntur : ita ſummam laudem merentur qui ſuam o-
peram, in arte tam laudabili tāmque neceſſaria, ſtrenuè
ſimul & ſyncerè conferunt. Eiuſmodi fanè fuit Venetiis,
patrū memoria, diligēs ſimul & eruditus ille Aldus Ma-
nutius Romanus, ad eò quidem vt ſummum in hac ar-
te gradum aſſequutus videretur. Eius veſtigia Baſileæ
præfertim & Ioannes Frobenius & alii aliquot ſequuti
ſunt, quibus res literaria plurimum debet. Sed quanto
illi cæteros antecelluerunt, tanto maiorem tibi, Rober-
te Stephane, ſuperiores omnes longè latèque ſupergreſ-
ſo gloriam tribuendam eſſe vel ipſa ſtemens inuidia cō-
fitetur. Nam vt alii tecum nonnulli de librorū quorun-
dam excuſorum elegancia & venuſtate certent, nemo
tamen vel in operoſiſſimis libris tecum in emendatio-
nis fide ac diligentia fuerit comparandus. Tibi linguam
Hebræam magnopere illuſtratam : tibi Græcorum cha-
raſterum ſummam eleganciam : tibi partim in lucem
reuocatos, partim fœliciffimè reſtitutos, tū Græcos tum
Latinos ſcriptores plurimos : tibi denique infinita qua-
dam induſtria & inexhauſtis laboribus ex omnium claſſi-
corum auctorum penu depromptum latinæ linguæ The-
ſaurum debemus. Sed hæc tua præcipua laus eſt, quòd
non inanis gloriæ, non lucri cupidus, officinam tuam ſa-

cris præfertim excudendis Bibliis consecrafti : quo in opere toties recidendo, emendando, modisq̄ue omnibus illustrando, te ipsum quoque superasti. Nemo igitur tibi suscepta cū Matæologis certamina, nemo stramineū illud simulachrum exprobrat, in quod illi qui te viuum vstulare non potuerunt, omnem suam rabiem effuderunt : sed hinc potius omnes quæ tua in illis oppugnandis animi magnitudo, quæ in propugnâda veritate constantia fuerit, animaduerant: quum cæteris rebus omnibus conscientia tranquillitate anteposita, solum etiam vltro, ingrata relicta patria, verteris, in pristino instituto iuuandæ rei literariæ ac præfertim Ecclesiæ perseuerâs, donec annum agens vitæ LVI, anno Domini 1559, ad meliorem vitam die Septembris septima demigrares, ad cuius tumulum hos versiculos cecinimus.

Τὰς ποτ' Ἰουδαίης τε καὶ Ἑλλάδος, Αὐτοῖσιν τε
 (Φεῦ, φεῦ) τὰς Μούσας δεῖν ἀπελαυνομένης,
 Δόκετὶ μέτσει Στέφανος ξενίσσατο δῖος,
 Ὁ Στέφανος, πάντων χαλκογράφων σέφανος.
 Εἰσόκε μισομάλων ἐδελοντῆς ἀλήθεσιν ἀνδρῶν
 Εἶξας, πολυετῆσιν πολέμησε χρόνον,
 ὦχετο πατρίδα' ἠὲ φύζων, ἀχάριστον εὐῶσαν,
 Γάλας τ' ἀλλοδαπῆς γῆμας ἀμείψεν ἐλύ'
 Καὶ κεῖ χαλκοβατῆ κόρυς δόμον ἐννεά δέιμας,
 Εἰς μακάρων τελέως ὄλβιος ἦκε δόμας.
 Αὐτὰρ ὄπισθα μεθύου πτόμα ξείνοιο λαβοῦσα,
 Πλυῖασαί τ' ἰδίους δάκρυσιν Ἀονίδες,
 Ἐννεά τ' ἀμφὶ νέκυν ξείνον ἤματα κωκύσασα,
 Τῇ δεκάτῃ χλοερῶ δάψαν ἐνὶ πεδίῳ.
 Ὡς ἀμάραντον ἀεὶ καὶ πάντα ἐς ἤματα ζῶντα,
 Χαλκογραφῶν δάλλειν τὸν Στέφανον σέφανος.

Y. 13j.


CLEMENS MAROTVS.





CLEMENS MAROTVS, CA-
DVRCENSIS, GALLICVS POETA.

CLEMENTEM Marotú citrà vllá linguarú vel artiú cognitioné, rara & excelléte quadam ingenii felicitate Gallos omnes poëtas priores superantem, idcirco placuit tantis viris adiungere, quòd religionis causa bis exul in Pfalterii triéte gallicis rythmis exprimédo utilissimam, æternáque memoria dignam operam Ecclesiis nauarit, quanuis (vt qui in aula, pessima pietatis & honestatis magistra, vitam ferè omnem consumpsisset) mores parum Christianos ne in extrema quidem ætate emendarit: Taurini, Pedemontani præfecti Regii fauore tutus, circiter annum vitæ sexagesimum mortuus.



IACOBVS PAVANAS, BO-
LONIENSIS.

I. PAVAN.




IACOBVS PAVANAS, BOLO- NIENSIS.

AGE nunc ad ipsos veros verbi diuini ministros, eosdémque Martyres accedamus. Gulielmus Briçonetus, nobili in primis familia Parisiis ortus, & Meldarum Episcopus, quæ ciuitas vnus diei itinerè ab vrbe distat, quum cœpisset in Galliis quoque CHRISTI Euāgelium allatis Luteri libris illucescere, primus ausus est, concionandi munere in sua diocēsi monachis mendicantibus interdieto, anno CHRISTI 1523, tum ipsemet, nouo prorsus exemplo, veritatem annuntiare, tum per adscitos ex Iacobi Fabri Stapulensis schola doctos quosdam Theologos promulgandam curare: tanti operis laudem proculdubio cæteris prærepturus, nisi partim crucis statim oblatae terrore percussus, partim à nonnullis quibus nimium tribuebat dementatus, turpi palindia gloriam hanc omnem ipse sibi inuidisset. Sed ô factū bene! Tantū enim abfuit vt aberrantem pastorem oves sequerentur, vt contrā Iacobus quidem Pauanas, Bolognia, Picardiae ciuitate celebri, ortus, eorum vnus quorum opera vsus ille initio fuerat, crudeliter Lutetiae anno Domini 1525 vstulatus, protomartyris ibi nom en ac palmā retulerit: ex grege verò ipso alii cōstantia veri sui pastoris confirmati, nullis minis, nullaque suppliciorum acerbitate territi, quanuis quatuordecim martyribus anno Domini 1546, die Octobris sexto, vno eodémque igne crudelissimè crematis, ad hoc vsque tem-

pus fortissimè in veræ fidei professione perseverarint: alii verò vi tempestatis huc & illuc disiecti prima Me-
tensis, Aureliensis, Sylvanectensis, Albiniacensis Ecclesia-
rum fundamenta iecerint: eò admirabiliore Dei virtute quòd mechanicos omnes illos, pannorum videlicet
textores, fuisse constat, tam bonarum artium & peregrina-
narum linguarum profus imperitos, quàm in sacrorum
librorum lectione ad miraculum vsque exercitatos. Sic
quò magis videtur interiisse veritas eò gloriosius viuit.

Zz.ij.




IOANNES CLERICVS, GALLVS,
MELDENSIS, ECCLESIAE
METENSIS PRIMVS IN-
STAVRATOR.





IOANNES CLERICVS, GAL-
LVS, MELDENSIS, ECCLESIAE METEN-
SIS PRIMVS INSTAVRATOR.

VIVS Ioannis Clerici artificium fuit lanam pe-
ttere, in quo dictum illud CHRISTI Domini no-
stri reipsa fuit confirmatum, gratiam agentis patri quòd
veram illam sapientiã, potentibus, & doctis celatam, vi-
libus & abiectis patefecisset. Hic igitur animosã fidei
plenus, quam partim ex Episcopi Briçoneti concioni-
bus, partim ex gallicè utcunque tum versis Bibliis, & a-
liis pauculis libellis diligèter lectis didicerat, apud suos
Meldenses, quòd affixa in summo templo papisticis in-
dulgentiis scheda, Papam Antichristum vocasset, virgis
cæsus, quum sese Metas anno Domini 1523 recepisset,
& inter suos idem artificium exercentes prima futuræ
insignis Ecclesiæ fundamenta, Apostoli apud Corin-
thios exemplum sequutus, iecisset: tandem peculiari
quodam, ut exitus docuit, diuini Spiritus afflatu im-
pulsus, noctu extra urbem euersis in sacello quodã, quo
tota ciuitas Metensium erat postiidie concursura, ido-
lis, manè apud urbis portam deprehensus, captus, & cõ-
dem penè momẽto damnatus: quo crudeliore pœna est
affectus, (altero videlicet pugno truncatus, naso canden-
tibus forcipibus abrepto, iisdẽmque brachio utroque,
ipsisque mammis crudelissimè perustis) tãdem flammis
subiectis vstulatus, eo gloriosiore victoriam tulit, quã
inter hæc tormenta ipsi crudelitati insultas, & illud Da-
uidis altissima voce recitans, Idola gentium sunt argen-
tum & aurum opus manum hominum, tanta constan-
tia tũ aduersariis territis, tum piis magnopere confir-
matis, feliciter ad Dominum migraret.




LVDOVICVS BERQVINVS,
ATTREBAS.

L. BERQVIN



LVDOVICVS BERQVINVS
ATTREBAS.

IN Ludouico Berquino Attrebate, quem verè possumus *ὁμοῖον* simul & *ἕξοχον* appellare, Gallia feratiss alterum esset Luterum nacta, si qualem iste Saxonum ducem, talem hic Franciscum primum eius nominis Galliarum Regem esset expertus. Nec enim ei vel doctrinæ, vel promouendæ veritatis studium defuit: adfuit autem animi tâta generositas, vt maximè omnium tunc metuèdos crabrones in ipsis eorum cauis, Bedam videlicet & à Quercu (de quibus scripserat procul illos cõfigens Erasmus, Lutetiæ Betam sapere & Quercum concionari) Mataologorum eius seculi principes, in ipso eorum sterquilinio sit ausus non modò utcunque lacessere, sed impietatis etiam accusatos non vnus anni certamine tum voce tum scriptis strenuè exercere. Sed tunc quidem, vt postea sãpe, (CHRISTO nimirum non nisi sub cruce in Galliis triumphaturo) damnata in Berquino veritate, quum delecti iudices exurenda ipsius scripta ipsomet cernente & præterea perpetuis carceribus, excepta Regis venia, ipsum coërcendũ pronuntiasent: at ego, inquit ille, mortem subire quàm veritatis damnationem vel tacitus approbare malim. Sequuta igitur vt in contumacem seueriore sententia, strangulatus, ac deinceps crematus Berquinus, qua constantia scribere & loqui consueuerat, eadem mortẽ perpeffus, verè de aduersariis qui victores videbantur, iudicum sententia veluti cælitus rescissa, triumphauit: frugibus nocte post interitum illius proxima (qui fuit vndecimus dies Nouembris anno Domini 1529) in tota Gallia frigore perustis, & grauissima tum fame tum etiam peste consequuta.




IOANNES CADVRCVS, OC-
CITANVS, LIMOXIENSIS.



IOANNES CADURCVS, OC-
CITANVS, LIMOXIENSIS.

IOANNEM Cadurcum Limoxiis, non ignobili Oc-
citanix oppido, natum, sicut iura humana docen-
tem admirata est Tholosa, sic ius diuinum asserentem
est abominata: vsque ad eò grassata superstitione, vt quò
vtriusque iuris vnus & idem sit & auctor & præcipuus
finis, nullos tamè Euangelica veritas infestiores & per-
tinaciorès iam pridè hostes habuerit, quàm eos qui se ius
suum cuique tribuere gloriantur. Cadurcum igitur, quò
legum humanarum explicadarum peritia esset aliquan-
diu tutata, tandem anno Domini 1532, in aliquot pio-
rù hominù cœtu, Bacchanalia, quæ in Epiphaniæ festo
celebrari pseudecclesiæ Romanæ more consueuerunt,
ausum liberius & redarguere & emendare, senatus Tho-
losanus simul penè in carceres abreptum, & vitæ veniã,
si modò palinodiam in schola publica vel leuissimè testa-
retur, recusantem, damnatum, minimè tamen inultum
cremauit: siquidem ex pyra, quasi ex pulpito, habita di-
uinissima concione, veritatem quam suo ipsius sanguine
fanciebat, sic asseruit, vt quum in eam longè frequentis-
simam Academiam ex omnibus Gallix partibus con-
fluere maximus studiosorum numerus cõsueuerit, non
modò Tholosæ, verum etiam in vniuersa Gallia purum
verbi Dei semen sparsisse meritò videatur.




ALEXANDER CANVS, GAL-
LVS, EBROI-
CENSIS.



ALEXANDER CANVS. GAL
LVS, EBROICENSIS.

ALEXANDRVM Canum, ex Dominicano Christia-
num factum, sicut amplius cognoscendæ verita-
tis desiderium in Sabaudiam ad Gulielmum Farellum
audiendum pertraxit: ita eiusdem propagandæ incre-
dibile studium in Galliam reduxit. Lugdunum igitur
veniens, ibique piorum aliquot fratrum rogatu, quum a
liquot conciones priuatim habuisset, mox in vincula cõ
iectus, damnatus, & Lutetiã, quò prouocarat, abductus,
qua animi fortitudine veritatem Euangelii promulgare
cœperat, anno Domini 1534 gloriosissimi martyrii pa-
mam tulit. Et hæc quidem instauratæ Lugdunensis Ec-
clesiæ felicia primordia fuerunt.




IOANNES MASSO, GALLVS, AN-
DEGAVENSIS, EIVSDEM
ECCLESIE PASTOR.





IOANNES MASSO, GALLVS,
ANDEGAVENSIS, EIVSDEM ECCLĒ-
SIÆ PASTOR.

VIBVS te fatis dignis celebrauero laudibus Ioannes Masso, cui in ipsa adolescentia, annum videlicet vicesimumsecundum agenti, diuinitus datum est, amplis spretis opibus, & paternis tum precibus tum minis inflexibili, opus illud ingens, & nullis humanis viribus præstandum aggredi simul & conficere? Quantum enim illud fuit, in media Lutetia, id est, intra ipsam piorum vstrinam atque in ipso superstitionis penetrali, erecto Christi vexillo, signum vniuersæ Galliæ regno abolendæ falsæ religionis dare? Sed & tibi peculiariter Andegauenses tui, itidémque Trecenses constabilitum apud se CHRISTI regnum debent. Quibus maximis sanctissimisque laboribus ne martyrii corona deesset, ecce te domum, vel ad tuam stationem potius paulò ante crudelissimam illam carnificinam Lutetia reuersum, & in hortulo securè meditandum, sceleratus latro Monforellus, generis sui nobilitate infinitis sceleribus contaminata, interfecit, paulò post eius ipsius ministris, cuius auctoritatem quasi imperato sceleris prætexuit, iustas paulò post pœnas daturus. Quid igitur egisti scelerate? fores nimirum æternæ vitæ illi aperuisti, quem voluisti perditum, vt in exitium tuis sceleribus dignum teipsum vtrò præcipitem dares. Cæsus est autem vir iste præstantissimus annum agens vitæ tricimum nonum, ab hoc grassatore Lutetia dispositis equis ad patrandas piorum cædes excurrente, anno Domini **CIO. IO. LXXII**: mense Septembri, anno Domini **CIO. IO. LV**, Ecclesiæ Parisiensis post aliquot secula instauratæ primus pastor institutus.



IOANNES BORDELLVS,
MATTHÆVS VERMELLIVS,
PETRVS BURDO.






IOANNES BORDELLVS,
MATTHÆVS VERMELLIVS,
PETRVS BVRDO.

QVÆ regio in terris (inquit ille apud poëtam) nostri non plena laboris? At hoc liceat Gallis Martyribus sine fictione vsurpare, quorum sanguine Oceanus ipse Americanus rubuit. Huius scele ris auctor fuit Nicolaus quidam Villagagno, ex Rhodiorú equitum ordine, homo tum vasti corporis mole, tum ingenii feritate Polyphemum illum Cyclopem planè referens: qui quum Gasparis Colignii, magni Franciæ Thalassiarchæ, apud regem Henricum secundum gratiosissimi intercessionibus binas instructas naues & aliquid pecuniæ obtinuisset, & cum iis ad Brasiliæ litrus, fluuiique, quem Ienarum vocat, ostiû, gradibus trans æquinoctialé tribus ab antarctico polo distas appulisset: simulato vrbs ibi condendæ, & veræ religionis, cui fauere Amiralium norat, constitundæ studio, missis etiam ad Geneuensem Ecclesiam literis obnixè petens vt ad se vnà cum ministris duobus aliquot fratres pii, seminarium Ecclesiæ futuri, transmittentur, facilè scilicet quod petebat, non paucis sese vtrò tãtæ rei nouitate incensis offerétibus, impetrauit. Mittuntur igitur ministri duo, Petrus Richerius & Gulielmus Carterius, spectatæ vtérque tum doctrinæ tum pietatis, quibus sese non pauci ex diuersis Galliæ partibus vnà cum vxoribus & liberis adiunxerunt, & eos quidem post difficilem multorum mensium nauigationem tandem appullos initio Villagagno quàm benignissimè excipit: Geneuensibus per literas gratias agit ingentes: Amiralio quiduis in posterum pollicetur: Ecclesiam pastorum

consilio instituit : denique magna quadam spe complet
omniū animos, ad eò vt in Gallia de frequentissima pio-
rum colonia eò deducenda deliberaretur. Sed ecce Vil-
lagagno Henricum Regem istarum rerū nuntiis offen-
sum intelligēs, quod diu texerat apertè prodit, & quid-
quid rectè constitutum erat paulatim euertens, alios mi-
serabili seruitute premit, aliis dira minitatur, palam de-
nique sæuam & horribilem tyrannidem exercet. Sece-
dunt itaque nonnulli, & opportunitatem cuiusdā Brit-
tonicæ nauis nacti, reditum in Galliam parant, quò vix
tamen, inaudita fame tolerata, coria etiam ipsa mande-
re coacti, semianimes peruenerunt. Erāt autē ii omni-
no sedecim, ex quorum numero quatuor de reditu de-
sperantes vix octodecim miliaribus confectis in conti-
nentem, ac deinceps ad Villagagnonem regressi, tantū
abest vt immanem illum Cyclopem rationibus aut pre-
cibus vllis ad misericordiam flectere potuerint, vt con-
trà compedibus constrictos, & in teterrimum carcerem
coniectos fidei suæ rationem ab illis exegerit. Respon-
dit constanter suo & sociorum nomine Ioannes Bordel-
lus, quæ confessio in gallica Martyrum historia legitur.
Quid plura? tres ex illis in veritatis confessione perse-
uerantes, quarto nonnihil vacillante, Oceano mergen-
dos curat, quorum beatam memoriam hoc loco cele-
brandam putauit. Et hæc quidem anno Domini 1558.
vertente contigerunt, quum in Americam Villagagno
die 15. Iulij, anno 1555. appulisset, vnde ipse postea
desperatis rebus, in Galliam reuersus, & scriptis ineptis-
simis veritatem aggressus oppugnare, inglorius & pro
infano habitus, miseram tandem vitam, igne sacro illū
inuadente, finiuit.

Bb. j.



ANNAS BVRGIVS, GALLVS, AR-
VERNVS IN SVPREMÆ CV-
RÆ PARISIENSIS CON-
SILIARIVS.

A. BVRGIVS.



ANNAS BVRGIVS, GALLVS,
ARVERNVS, IN SVPREMA CVRIA PA-
RISIENSI CONSILIARIVS.

¶ Ic ille est Annas Burgius, cuius patruus sub Fran-
cisco primo Rege Cancellariatu, summo togato
munere, functus est: qui ius ciuile primùm maxima cū
eruditionis laude in academia Aureliensi professus, ac
deinceps vltro in Parisiense curiã adscitus, ibique inte-
gerrimi diligentissimique iudicis famam adeptus, tandē
que occultis adhuc piorū cœtibus adiunctus, quum Hé-
rico, eius nominis secundo, Rege pro tribunali sedente
totóque audiente Senatu, sententiam de pœnis in eos
quos hereticos vocabant statuendis, rogatus, liberrimē
de vera religione, iustaque conuocanda synodo, decima
Iunii anno Domini millesimo quingentesimo quinqu-
gesimonono disseruisset, Rege mox per Cardinalem Lo-
tharingum eò vsque commoto, vt neglecto maiorū mo-
re, illum mox in carceres trahi iuberet, tandem post du-
rissimam capituiuitatem, ad varia iudicum subsellia per-
tractus, edita preclara Christianæ fidei confessione, vi-
cesima prima Decembris, eodē anno vertente, hæreseos
damnatus, primùm quidem strāgulatus ac deinceps cre-
matus, piam animam Christo reddidit: Rege quidē ipso
(alioqui per se non malo) tribus post illum in carcerem
coniectum hebdomadibus, in medio nuptiarum sororis
apparatu, in ludicro hastatorum certamine, eius ipsius
manu à quo prehēdi Burgium iusserat, lethaliter vulne-
rato, & vndecim post diebus mortuo: Senatu verò sese
(paucorum quorundam culpa) ab eo die quo Burgium
damnauit, longē maxima libertatis & auctoritatis anti-
quæ parte (vt plerique existimarunt) vltro abdicante.

AUGUSTINVS MARLORATVS.







AVGVSTINVS MARLORATVS,
LOTHARINGVS, ROTOMAGENSIS EC
CLESIAE PASTOR.

AVGVSTINVM Marloratú in pseudAugustiniano
rum mendicantium cloacam vix octennem, agna
torú astu ipsius bonis inhiantíu abreptú, singularis que
dam numinis providentia ex illo cœno mirabiliter e
rutum, in Ecclesiam Christianam, magnum eius futurú
ornamentum, traduxit. Linguarum enim & purioris
Theologiae studiis deditum tandem puduit pigris alen
dis ventribus, ipsius eruditione ac labore ad turpe lu
crum abutentibus, operam suam diutius commodare.
Itaque postquam Biturigibus, Pictavis, & Andegavis E
uangelium, quantum quidem cucullato licebat, promul
gasset, Lausanam, Bernensis Reip. academiam, venit:
vbi quietem studiis suis opportunam & sui exercendi fa
cultatem nactus, Viuiacensis videlicet Ecclesiae haud pro
cul extremo lacu Lemano designatus, vix credibile est
quantum & legendo & scribendo profecerit, id quod
preclari ipsius tum in Genesin tum in Esaiam, tum in
omnes noui Testamenti libros commentarii, perpetuo
quodam nexu ex optimis quibusque recentioribus in
terpretibus mirabiliter contexti, demonstrant. Inde
verò Rotomagú accitus, Ecclesiam illam populosissimá
tunc primum post multa secula renascentē, tá sanctè si
mul ac prudenter erudit, vt sua illum probitas tutú ab
omnibus quantumuis sæuientibus aduersariis præstite
rit. Deinceps autē postquam Pissiacenae disputationi in
terfuisset, exorto paulò post ciuili bello, ipsaque Roto
Bb. ij.

magēti ciuitate post durissimā obsidionem expugnata,
captus, quanuis in tanta crudelissimorum aduersariorū
urba nullus ipsum accusaret, imò etiā ex aduersa-
riis plurimi saluum cuperēt, nihilominus tamen, vt ni-
hil ad extremam seuitiam decisset, Anna Monmoratio
Cōnestabili, & Francisco Duce Guisio sic iubētibus, vnā
cum tribus aliis præcipuæ dignitatis ciuibus suspendio
innocentem vitam finiens, æternam hereditatem adiit,
X X X. Octobris, anno Domini CIO .IO .L XII, annos
natus L V I.





ΠΟΛΥΑΝΔΡΙ-
ΟΝ ΚΕΝΟΤΑΦΙΟΝ
FORTISSIMIS VAL-
DENSIBVS OMNIS ÆTATIS TVM
VIRIS TVM FOEMI-
NIS MARTY-
RIBVS.



VALDENSES ab Alpium anfractibus, in quos sese iam pridem receperunt, appellatos, liceat mihi veteris Christianæ purioris Ecclesiæ semen vocare, ut pote quos constet verè admirabili Dei providentia, neque illis infinitis tempestatibus, quibus est per tot secula Christianus orbis concussus, & Occidens tandem à pseud-Episcopo Romano miserè oppressus, neque aduersus illos propriè excitatis horribilibus persecutionibus eò potuisse adduci, ut idolomania & Romanæ tyrannidi assentirentur. Eorum igitur alii sunt pauperes Lugdunenses vocati, quibus Ioannes quidam Lugdunensis mercator præfuisse existimatur, addito etiam illi cognomento à Valdo, quem perperam nonnulli Valdensium fratrum, quasi sectæ cuiusdam, auctorem faciunt, quum ipse potius, quod inter Valdenses celebris esset ac haberetur, cognomentum inde acceperit: alii in alpinis saltibus constiterunt: alii sunt Albigenenses vocati, quod in eas Occitanæ Galliæ partes secessissent: alii traiecta Italia in Apulia & Calabria sedes posuerunt: alii denique in Morauiam vsque secesserunt: qui omnes (exceptis Albigenensibus longissimo tandem bello partim attritis partim expulsis) frustra repugnante Satana etiamnum hodie tum doctrina tum innocentissimæ vitæ exemplis florentes Ecclesias habent. Ac de cæteris quidem fortassis aliàs, quum nunc sit à nobis de solis Alpinis sermo institutus. Eorum igitur alii Sabaudia Ducis sub sunt, alii Galliæ Regi. Utrosque incredibile est dictu quibus & quot modis perdere certatim, instigante Pontifice Romano, Princeps illi studuerint, tutante tamen eos, tum aduersus prædones paupertate, tum aduersus infinitas calumnias, testatissima vitæ innocentia. Obso-


leuerat tamen inter eos paulatim doctrinæ puritas, sed pietatis studium minimè refrixerat. Itaque quum de puriore Christianismo in Heluetia vicinisque regionibus annuntiato cognouissent, duos ex suis pastoribus quos Barbas (id est patruos) vocant, Bernam ad Bertholdum Hallerum, Basilæam ad Oecolampadium, Argentinam ad Bucerum & Capitonem, Neocomum denique duos alios ad Gulielmū Farellum miserunt, consilium de instaurandis ipsorum Ecclesiis petituros. Horum vnus MARTINVS GONINVS, Ecclesiæ Angro-nianæ pastor, Gratianopoli in reditu cum literis deprehensus, & veritatem constanter professus, nocte intempesta submersus (qui enim malè agunt lucem fugiunt) martyrii palmam tulit. Id verò tantum abest vt Valdenses perterrefecerit, vt contrà auctis animis, non suas modò & Calabrensiū fratrum Ecclesias, priorum temporū veluti rubigine quadam obsitas, repurgarint, sed etiam (seculis omnibus memorabili in omnes Gallias Ecclesias beneficio) quanuis inopes, & vndique turbulentissimis illis temporibus Satana ipsos adoriente, primam illam Gallicam ex hebræis Bibliorum interpretationem, auctore quidem Petro Roberto hebrææ linguæ peritissimo, adiutore verò Ioanne Caluino absolutam, suis sumptibus Neocomi, anno Domini 1535, excudendam curarint: vt quòd hodie Biblia gallicè leguntur, (quâquam paulatim postea exactiore cura cum hebræis collata) Valdensium Ecclesiis acceptum meritò feratur. Hæc igitur ferre quum Antichristiani non possent, eò vsque tandem illos homicida ille spiritus impulit, vt, auctore Ioanne Miniero senatus Aquensis Præsidente, senatusconsulto iniquissimo factò, & Rege Francisco Cardinalis Turnonii calumniis circumuento, mense Aprili, anno CIO. IO. XLV, peditum equitūmq̃ue copiis aduersus innocentissimos & incermes homi-

nes eductis, nullo neque ætatis, neque sexus discrimine promiscuè in quosuis sæuierint, atque adedò nõ adificiis, nõ arboribus ipsis pepercerint: addito interdìcto sub capitis pœna, si quis miserè vagatibus & famelicis vel tantillú opis præberet: sic igitur ea strages est edita, qua nullo vnquam immaniore ne inter barbaros quidem extitisse constat. Seruauit tamen Dominus suorum reliquias, vsque adedò fœcundas, vt nunc rursus & religionis puritate & omnium Christianarum virtutum exemplis insignes Ecclesias habeat, Deo quoque variis pœnis Minierum illum & alios nõ paucos, quibus homines pepercerant, horribiliter vltio. Nec ab eo tempore aliud præter minas sunt experti, donec vnus eorum ministris Georgius Varalius Taurini interceptus, ibidem pulcerrima edita cõfessione, anno Domini 1558, die Decẽbris penultima cremaretur. Restituta verò Duci Philiberto Emanuelli Sabaudia, & si pontifice Romano Ducem alioqui ad Valdenses turbandos minime propensum, assiduis clamoribus cogente, bello sunt appetiti, eoque feruente, vici S. Germani pastor crudelissimè fuit Pignerolis vstulatus: tamè ipsis quidem pacem tolerabilibus conditionibus, manente præsertim integro Euangelii ministerio, consequutis, Duce verò datam ipsis fidem sanctè obseruante, felix illius motus fuisse finis merito videtur.





CHRISTIANISMI IN ANGLIA
RESTITVTI INSTAVRATORES ET
ASSERTORES CONSTANTISSIMI.



ΠΟΛΥΑΝΔΡΙ-
ΟΝ ΚΕΝΟΤΑΦΙΟΝ
FORTISSIMIS ANGLIS,
OMNIVM ORDINVM, OMNISQ.
ÆTATIS, TVM VIRIS TVM
FOEMINIS, CHRISTI
MARTYRIBVS.



VVM à Ioannis vsque Wicleſi temporibus, veritatis ſemen ſubinde, ſanguine martyrum aliquorum tum virorum tum fœminarum, rigatũ emerſiſſet: ſub Eduardo, beatæ memoriæ rege, quàm diligentiffimè excultum, Mariæ tandem temporibus, quo ardentius, præeunte Cardinali apoſtata Reginaldo Polo, illud radicitus extirpare reſtituti pſeud-Epiſcopi ſunt conati, tantò fœcundius, quaſi certatim ad martyrium concurrentibus omnium ordinũ hominibus effloruit: quorũ aliquos ſufficiat nominatſe. Huius igitur pulcherrimi triũphi quaſi choragus fuit IOANNES ROGERIVS, qui Cantabrigiæ bonis literis imbutus, indè que Tyndallũ ac Couerdallum, (vtrũmque pietate & eruditione inſignè, ac illum quidem in primis Anglica bibliorum verſione celebrè, & martyrio tandem, anno Domini 1530, per Louaniẽſes theologos Wiluordi coronatum) in Brabantiam profugientes ſequutus, vxore ibi ducta, Witebergã venit, ibique Germanicæ linguæ vsque ad eò peritus euasit, vt etiam Euãgelii ministerio ſit deſunctus: donec, Eduardo Rege Chriſtianiſmum in Anglia inſtaurante, ipſe quoque in patriam reuerſus, auctore magno illo Nicolao Ridlæo Epiſcopo Londinenſi, profeſſor Theologiæ atque ad eò concionator in æde S. Pauli deſignaretur. Succedente verò poſt Eduardum fratrem Chriſtianum Maria Chriſtianiſmo inimiciſſima, & ſeueriſſimis ediçtis Euangelicum miniſterium inhiibẽte, perſtitit nihilominus in ſuo munere Rogerius, donec in carcerẽ tractus, qua cõſtantia Chriſti veritatem annuntiarat, eãdem illam moriens, veluti ianua martyrii cæteris patefacta, Londini IIII. Februarii, anno Domini CIO. IO. LVII, ſanciuit. Hunc in eadẽ cauſa, pari que proſus cõſtantia munere concionandi, tum in oppido quod Northamptonum vocant, tum in ipſa vrbe Londinenſi, fortiſſimè deſunctus, vir eruditiffimus LAURENTIVS SVNDERSIVS, ſequutus quarto poſt Rogeriũ die, VIII

videlicet Februarii Couentriam Londino ductus, pulcherrimum de morte triumphum tulit: vt eiusdē mensis die 22, ROLANDVS TÆLORVS, Hadleienſis Eccleſiæ in Suffolciæ prouincia miniſter: itemque biduo poſt GEORGIVS MARCHÆVS Eccleſiæ Lōgthoniens ſis paſtor, vtérque ſuum gregem, ille quidem Hadleia vrbis preſentē pio ſuo paſtori illachrymātem, iſte verò grauiffimis ex carcere literis ſcriptis, in quo totos ferè octo mēſes excruciatuſ eſt, ad conſtantiā cohortatuſ. Sed quinque præterea martyrum inter cæteros admirabilia certamina fuerunt, IOANNIS videlicet BRADFORTI in Eccleſia Londinenſi miniſtri (cuius aduerſuſ pſeud-Epiſcopoſ acerrimæ diſputationeſ extant) Londini X. Iulii, anno Domini CIO. IO. LV, vnà cum octodecim annorum adoleſcente IOANNE LIEFA cremati: ROBERTI SAMVELIS Eccleſiæ Bartholtenſis in Suffolciæ prouincia paſtoris, poſtquam crudeliſſima quæque, ac præfertim horribilem famē in carcere Norduicenſi, decernente pſeud-Epiſcopo Nordmiēſi perpeſſuſ eſſet, tandem ibidem II. Septembris eodem anno CIO. IO. LV. combuſti: IOANNIS PHILPOTI equeſtris familiae & Vintonienſis Eccleſiæ, viuēte Eduardo Rege, Archidiaconi, cuius quæ quantaque fuerit tum eruditio, tum pietas, ex eo conſtat quòd illi fauēte nobilitate, nemo neque ſæpiuſ repetitiſ diſputationibuſ fuerit acriuſ oppugnatuſ, neque ſolidiuſ, tū ex ipſo Dei verbo, tū ex patrū ſcriptiſ aduerſariuſ refutauit. Itaque fuit & ipſe viuus Lōdini anno Domini CIO. IO. LVI, annū agens duntaxat XLIII, crematuſ. Idem annuſ duorum præterea diuerſæ conditioniſ, THOMÆ videlicet VIDLEI & GEORGII EGLI, martyrio celebriſ fuit: quorū ille Kyrbeiēſis Eccleſiæ parochuſ, quum aduerſuſ Mariana edicta munere ſuo fungi non deſiſteret, captuſ & à Bonero Londinenſi pſeud-Epiſcopo tandem etiam blāditiarum genere illectuſ, ſubſcripſit quidem contrariſ erroribuſ, ſed eòdem penè momento quum

quum repetitam à scriba schedam abiurationis discerp-
piffet, ab Episcopo crudeliter verberat⁹, & vicesima die
Ianuarii, anno Domini 1556, Londini crudeliter cre-
matus, tum quæ sit ipsorum etiã electorum imbecillitas,
tum quæ in illis quoque collapsis rursùm erigendis, Dei
Opt. Max. benignitas simul ostendit: alter verò Eglus
nomine, artificio tutor, admirabili zelo ductus, quòd Ec-
clesias pastoribus destitutas videret, percurrere illas
ipse, & prout egregiis Dei donis pollebat, sigillatim etiã
quoscunque poterat consolari & confirmare prius non
destitit quàm palàm proscriptus, amplisque præmiis ei
propositis qui deprehensum sifteret, captus tandem &
quasi violatæ Maiestatis Regiæ cõuictus, femivivus exé-
teratus & membratim discerptus martyrii palmam fer-
ret. Liceat denique mihi superioribus exemplis duplex
aliud adiungere: vnum adolescentis & genere & virtu-
te nobilis GVLIELMI HVNTERI, quem pro Christi
nomine anno Domini 1555. cremandum, & psalmum
octuagesimum quartum concinentem pater & mater
cohortantes sunt ad rogum vsque comitati, vetere illo
Machabeorum fratrum exemplo renouato, hoc tamen
excepto, quod illa quidẽ fuit suis liberis in ipsa quoque
morte socia, istis verò, quauis libenter filio commori-
turis, pepercisse in pœnam lentiolem videtur aduerfa-
riorum clementia: quos tamen superstites filio manere
Deus voluit, vt spectatius & diuturnius extaret tantæ
virtutis exemplum: alterum IOANNIS HVLLERII
Ecclesiæ Padamensis in Cantabrigiensi ditione pastoris,
eodem anno martyrii palmam consequuti, cuius literas
quæ extant sub mortem ynà cum precibus adiunctis
conscriptæ vtinam omnes ii legant & meditentur qui
gloriæ Dci zelum humana prudentia temperandum es-
se somniant. Sed tempus est vt ad celebriores etiã alios
accedamus.

Dd. j.

THOMAS CRAMMERVS.






THOMAS CRAMMERVS, AN-
GLVS, CANTVARIENSIS ARCHIEPI-
SCOPVS, ANGLIÆ PRIMAS.

Quæ Ter felix quinquertium, veterum Martyrum Epi-
scoporum obsoletam memoriam renouans! O
beatam quoque tantis viris Angliam, nisi gentis decus
immanitas quorundam penè totam aboleuisset! Horum
primus age commemoretur Thomas ille Crammerus,
Cantuariensis sub Eduardo sexto Rege Archiepiscopus,
veræ religionis instaurator atque propugnator for-
tissimus: quem quum Mariæ Reginae, Marii illius crude-
litate verè referentibus aut etiâ superantibus tempori-
bus abreptum, & miserrima biennii captiuitate aliquate-
nus fractû, pseud-Episcopi accusatores simul & iudices
ad ignis pœnâ dånassent, At tu (inquit) dextra quæ dam-
natæ schædæ, metu mortis, subscripsisti, pœnas huius
facinoris luito: moxque receptis animis, vtróque con-
scèsa pyra, dextram intrepidus altissimè sublatam, flam-
misque iniectam, tantisper dum penè tota, illæso maxi-
ma ex parte reliquo corpore, cremaretur, immotam
mediis in flammis tenuit: minus certè memorabili futu-
ra tanti viri constantia, nisi ex admissa culpa creuisset.
Liceat autem hîc mihi Basilii magni verba in Barleami,
fortissimi in eadè causa sub Diocletiano Martyris, haud
dissimile factum commemorare. Flamma (inquit ille)
& Martyris dextra inter se commissæ luctabantur, sed
penes dextram nouo quodam luctationis arte stetit vi-
ctoria, flamma quidem per mediam manum sese effun-

Dd.ij.

dente, dextra verò semper rigidè ad luctam intensa. O manú ignibus ipsis in certamine obstinatiores! ô manú igni cedere indocilè! ô ignem manu vinci edoctum! Ferrum igitur resolutum ignis tyrannidi succubit, ac ignis potètiæ cedit, à quo sese quoque superari lapidum durities quantunvis renitens fatetur : sed vis tamen illa flammæ quantunvis sese intendens, rigidam Martyris dextram minimè inflexit, vt meritò propterea Martyr apud Dominum clamare potuerit, Corripuisti manum dextram meam, tuoque me consilio deduxisti, & gloriose me assumpsisti. Et hic quidem fuit Crammeri sexagesimum octauum annum agentis triúphus Londini actus, vicesima prima Martii, anno Domini millesimo quingentesimo quinquagesimo sexto.

Dd.ij.




HVGO
LATIMERVS,
WOLCESTRENSIS EPI-
SCOPVS, ET NICOLAVS RI-
DLEVS, LONDINEN-
SIS EPISCO-
PVS.





HUGO LATIMERVS, WOL-
CESTRENSIS EPISCOPVS, ET NICO-
LAUS RIDLEVS, LONDINENSIS EPIS-
COPVS.

PRÆIERANT Crammero, eo ipso loco & ob can-
dem causam crudelissimè vstulati duo constantif-
simi martyres Episcopi, Hugo Latimerus octuagenario
maior, ex Cantabrigiensi academia ad Episcopatum
meritò ascitus, & Nicolaus Ridleus, Londinensis Episco-
pus, tum genere tum omni virtute nobilis: ille quidem
planè ceu Polycarpus alter, siue supplicii causam & ge-
nus, siue atatem, & sermones in morte habitos specte-
mus: hic verò cum Ignatio planè comparandus, si præ-
fertim eius scriptum de Cœna Domini, breue quidem
illud sed Apostolico planè spiritu dictatum expendatur:
nisi fortè Reginaldum Polum Cardinalem, & Step-
hanum Gardinerum Vintoniensem pseud-Episcopum, & Bo-
nerum itidè pseud-Episcopum Londinensem, minus
crudeles bestias fuisse arbitremur, quàm quæ Ignatium
vorarunt.



IOANNES HOPPERVS, GLOCE-
STRENSIS EPISCOPVS, ET
ROBERTVS FERRORVS,
SANCTI DAVIDIS
EPISCOPVS.





IOANNES HOPPERVS, GLO-
CESTRENSIS EPISCOPVS, ET ROBER-
TVS FERRORVS, SANCTI DAVIDIS
EPISCOPVS.

AT illi tuæ diuini prorsus animi fortitudini comme-
morandæ, Ioannes Hoppere, quæ tandem voces
suffecerint? quem ob veram religionem sub Eduardo
Rege fortiter & verbis & inculpatæ vitæ exemplis asser-
tam, Marianis temporibus arreptum, non carcerum
squalor, non sæuissimæ pœnæ grauitas, non procerum
& amicorum malè sibi & tibi consulentium preces & la-
crymæ, non iamiam pyrâ conscensuro propositû ob ocu-
los Reginæ diploma, quo tum vita tum maximi hono-
res abiurato concedebantur, vel tantillum commo-
uerunt, quominus, vt fortissimus ille Gordius Basilio
magno tantopere celebratus, ignem vltro subires, ibi-
que (dictu penè incredibile) tribus horæ quadrantibus
immutus in mediis flammis perstans, intestinis etiam
ipsis in ignem effusis, alteroque decedente in flammis
brachio, confirmatis tâta constantiæ exéplo Glocestren-
sibus tuis, quos antea fidus Episcopus syncera doctrina
paueras, ipsa denique sese victam fatente hostium imma-
nitate, Christo tuo adiungereris. Sunt autem hæc acta
Glocestriæ decima quarta Februarii, anno Domini mil-
lesimo quingentesimo quinquagesimo quinto. Húc verò
vt in functione pari, sic in fide, inuictaque constantia so-
cius, Robertus Ferrorus, sancti Dauidis Episcopus, duo-
decimo post die sequutus est, Carmardis, Diocesis suæ
ciuitate, nec minus crudeliter vstulatus, nec minus
fortiter Christum professus.





RESTITVTI IN SCOTIA
CHRISTIANISMI INSTAVRATORES
PRÆCIPVI.

Ec. ij.

IOANNES CNOXVS.






IOANNES CNOXVS, SCOTVS,
GIFFORDIENSIS.

ET SI distincta fuerunt semper Angliæ & Scotiæ regna suis tū finibus tum regibus, dixisse tantum liceat fuisse nostra patrūque memoria tum aduersus Christum initio confociata, tum ad Christum rursus mutuis operis adiuncta. Sicut autem illius aduersus veritatem conspirationis auctor quidem præcipuus fuit Romanus ille pontifex, administri verò Cardinales & pseud-Episcopi, totus ille denique pseudoclerus, ab illo haud fecus quàm à suo numine dependens: sic ad ius illud suum recuperandum CHRISTVS fidos homines admirabili virtute instructos vtrobique excitauit. Ac de Anglis quidē dictum esto, à quibus ad Scotos transcūtibis primus occurrit magnus ille IOANNES CNOXVS, quem si Scotorum, in verò Dei cultu instaurando, velut Apostolum quendam dixero, dixisse me quod res est existimabo, & sequēs vera ipsius vitæ narratio testabitur. Cnoxus igitur (vt manifestè appareat totum hoc admirabile Domini opus esse) ad Ioannis illius Maioris, celeberrimi inter Sophistas nominis, veluti pedes in Sanctandree oppido educatus, atque adeò sacerdos factus, apertaque celebri schola, quum iā videretur illo suo præceptore nihilo inferior Sophista futurus, lucem tamē in tenebris & sibi & aliis accēdit. Si quidem Hieronymi & Augustini libros ibi nactus, ex eorū scriptis, non fastidire modò, sed etiam redarguere multa vsque adeò liberè cœpit, Edimburgum præsertim regiam ciuitatem euocatus, vt Hamestonum vnicum tūc piorum asylum perfergere cogeretur. Ibi verò tandem

liberrima edita cōfessione, prēmium illud à Dauide Be-
tono Archiepiscopo Sanctandreamo, & quidem Cardina-
li, Scotiæ primate tulit, quale ab hoc hominum genere
piis perfolui solet, hærescos damnatus absēs, sacerdotio
exutus, per insidias etiam, appositis percussoribus, truci
dandus, nisi Dei prouidentia commendatum illum Lan-
gudrio præcipuæ nobilitatis viro conseruasset. Sequuti
sunt postea tumultus in Scotia maximi, cæso ab ini-
micis Cardinali, arce Sanctandreama à Gallis expugnata,
intercepto quoque Cnoxo, qui contra pseudepiscopo-
rum expectationem liberatus, Veruicum urbem in An-
glia & Scotiæ finibus sitam quum venisset, & in certa-
mē cū illius ciuitatis pseud-Episcopo descēdisset, utro-
que ad supremum Angliæ senatum reiecto, (tum autem
Eduardus regnare cœperat) tantum effecit ut victo-
ria penes veritatem stante, damnaretur quidem falsæ
religionis pseudepiscopus, ipsum verò tum pietas tum
diligentia magnopere commendaret. Inde Nouocastrū
ac deinceps Londinum ad Regem accito quum Episco-
patus quidam offerretur, tantum abest ut illum recepe-
rit, ut etiam in totam illam verè Satanicam potestatem
grauiter sit inuectus, ut quæ diuino iure nullo nitatur, ac
ne ex veteribus quidem canonibus administraretur: qua
in re, & si non obtinuit (quod si & in Anglia & alibi factū
esset, id est si causa illa Tyrannidis omnis Ecclesiastica
præcipua & primaria esset sublata, longè alia facies Eccle-
siarum esset) cōsciētiam tamē suam singulari cū christia-
næ modestiæ exemplo liberauit. Excepit hæc tempora
tempestas illa horribilis quæ Cnoxum, inter ceteros Ge-
neuam vsque expulit, vbi aliquot annos vnà cum reli-
quis Anglis exulibus maxima cum omnium virtutū lau-
de versatus, tandem consiliis omnibus cum Ioanne Cal-
uino communicatis, in patriam anno Domini 1559. re-
uersus, incredibile est quanta diuini planè spiritus virtu-

te fretus Euangeliũ annuntiarit, vsque adeò vicissim ip-
sius pietati ac diligẽtiã fauente numine, vt velut ipsius
cõspectum ne idolis quidẽ ferẽtibz profligata Idolola-
tria, non verã tãtũ doctrinã, sed etiam verã & ad diui-
ni verbi normam exactã disciplinã passim tum verbis tũ
re ipsa statuerit. Neque verò fuerunt breuis alicuius tẽ-
poris illi labores, Satana modis omnibus hoc opus impe-
diente, sed tredecim totos annos Edimburgi athleta
Christi fortissimẽ depugnauit: donec corporis imbe-
cillitate victus, anno Domini 1572, V. Idus Nouẽbris,
haud secus quàm olim Eradium Augustinus, ita Cnoxus
legitimis Ecclesiã suffragiis sibi, non in vlla gradus pseu-
d-Episcopatus tyrãnide, cui meritò fuit inimicissimus,
sed in Euangelico ministerio vnã cum reliquis colle-
gis & presbyteris æquo prorsus iure administrando, Ioan-
nem Laufonium, speẽtatissimã tum doctrinã tum in-
tegritatis hominem, successorem designatũ, maxima cũ
gratulatione amplexus, Ecclesiã valediceret: vita ad vi-
gesimum quartum vsque diem Decembris domi in le-
ctulo tam piẽ & sanctẽ producta, vt integerrima quin-
quaginta septem annorum vita beatissimo exitu veluti
coronata, meritò ambigatur meliũsne vixerit an beatius
vitam finierit, singulare quidem certe felicissimã tum
vitã, tum mortis exemplum cunctis reliquerit.



PATRICIVS HA-
MELTO, SCO-
TVS.



PATRICIVS HAMELTO,
SCOTVS.

SEVIT quidem Cnoxus verbi diuini semen in Scotia quam latissimè, sed solo iam antea eade nonnullorum martyrum subactò, inter quos primum locú tenet PATRICIVS HAMELTO, vt qui Hameltonú familia Regiú quoque sanguinem attingente natus, quú literarum studio feruens in Germaniam quoque venisset, tantúmque ibi in bonarum artium ac linguarum cognitione profecisset, vt Marpurgi, nobili Lantgrauiorum Hassiæ Academia, maxima cum eruditionis laude, sit illas aliquandiu professus, postea in patriam rediens, CHRISTI cruce cunctis vitæ cõmodis anteposita, anno Domini 1530, à Dauide Betono Archiepiscopo Sanctandreamo, egregiam operam Romanæ bestię nauante, hærefeos damnatus, regium Hameltonum genus à suis gentilibus postea contaminatum, pretiosissima illa martyrii coronã nobilitauit.




ADAMVS VALLA-
CVS, SCO-
TVS.



ADAMVS VALLACVS, SCOTVS

S Ex 10 post Patriciũ anno, quinque martyres velut ex illius cineribus exorti, ex variis ordinibus, eiusdẽ Cardinalis opera cremati sunt Edimburgi, duo videlicet Dominicani monachi, sacerdos vnus, Canonicus quidã, vnus denique ex nobilitate, omne quodam felici futurum vt tandem in Scotia Christus omnium ordinum homines ad se adscisceret. Sed insigne fuit in primis Adami Vallaci martyrium, in eadem vrbe anno Domini 1559. mensis Iulii die decima septima, publicè in magno confessu auditi, damnati, cremati, tantò maiore cum fructu, quantò plures illum liberè Christum asserentẽ, & aduersarios solis conuitiis & minis pugnantes verbo diuino refellentem, constantissimè denique morientem audierunt, oculisque suis conspexerunt.




ALEXANDER ALESIVS,
SCOTVS, LIPSIAE THEO-
LOGIE PRO-
FESSOR.

A. ALESIVS.




ALEXANDER ALESIVS, SCOTVS,
LIPSIAE THEOLOGIAE PROFESSOR.

ALIVD eximium Scotiae decus in patria futurus erat Alexander Alesius, nisi Deus illum prius ex hac vita euocasset, quam Scotia, receptis oculis, Euangelii lumen penitus amplecteretur. Expulsus igitur Scotia, venit in Angliam, ubi Thomae Cromellii, maxima tum auctoritate apud Henricum VIII. Regem pollentis, benevolentia fretus, tum priuatim, tum etiam in publico omnium Episcoporum tum fortè à Rege, Romani pontificis propter nouas nuptias inimico, conuocatorum confessu, fortissimè, quàmuis non eo prorsus quem boni optabant successu, veritatem asseruit. Sed quod Scotia & Anglia neglexerant arripuit auidissimè Saxonia, vt quae exceptum Alesium ad mortem vsque fouerit, doctis omnibus charum, magno illi praesertim Philippo Melanchthoni tam probatum, vt illum sibi praeceteris ad pacandam Norimbergensem Ecclesiam Osiandri delirii turbatam collegam adscisceret, solidè videlicet ac syncerè veritatem aduersus sophistas tueri consuetum, quod ipse quoque scripta, pauca quidem illa, sed eruditionis & iudicii plena, demonstrant.





EVANGELII APVD BELGAS
RESTITVTI INSTAVRATORES PRÆ-
CIPVI.



ΠΟΛΥΑΝΔΡΙ-
ΟΝ ΚΕΝΟΤΑΦΙΟΝ
FORTISSIMIS BELGIS
OMNIVM ORDINVM, OMNISQ
ÆTATIS, TVM VIRIS TVM
FOEMINIS, CHRISTI
MARTYRIBVS.



NVS QVAM certè nostra patrùmque memoria Satã maiore nixu veritatem oppugnauit, nec fortius etiam est repulsus, quàm in Belgica regione, sicut teterimorum hæreticorum, ita constantissimorum martyrũ tum virorum tum fœminarum feracissima. Initium autem putioris in illis regionibus instaurandi Christianismi à duobus ordinis Augustiniani fratribus cœpisse creditur Bruxellis, HENRICO VOEZIO & IOANNE ESCHIO, utròque ibidem anno Domini 1523. cremato. Antuerpiæ verò anno consequente NICOLAUS quidam, Melfensis parochus (qui locus vno miliari ab vrbe distat) apertè Christum annuntians, eoque nomine Antuerpiam pertractus, ibique submersus, prima illius Ecclesiæ fundamenta sanguine suo feliciter aspersit. Eodem tempore in Hollandia IOANNES PISTORIVS Wordensis, antea sacrificus, quum Christum incredibili successu toto biennio annuntiaffet, Hagæ tãdè à Louaniensibus mataeologis hæreseos damnatus anno Domini 1525, Septembris die 15, carmen illud insigne TE DEVM LAVDAMVS, quod Ambrosio & Augustino tribuitur, alta voce canens, succinentibus etiam illi duobus captiuis quos in carcere Christo lucrificerat, martyrii palmam tulit. Et iam quò crudelius omni pœnarum genere, tum in viros tũ in fœminas, quas ex edicto solenni viuas defodiebant, vndique sæuiebatur, eò copiosius sanguis martyrum fœtificauerat, inter quos Duaciensis parochus qui-

Gg.i.

dam PETRVS, & EGIDIVS TILMANVS Bruxellē
sis magnopere memorantur, quum Tornacenses, missis
Argentoratum nuntiis, quempiam ad se mitti postula-
rūt, cuius consilio & authoritate apud ipsos Ecclesia cō-
stitueretur. Tū autem in Ecclesiæ Gallicæ ministerio PE-
TRVS BRVLIVS Lotharingus, spectatæ pietatis ac e-
ruditionis homo, Iānni Caluino: primo illius pastori suc-
cesserat, quem vt maximè idoneum, Martini Buceri,
& ipsius collegarum suffragiis delectum, Tornacenses,
anno Domini 1544, mense Septembri exceperunt,
eiusque consilio tum pastores, tum etiā presbyteros &
Diaconos, ritè & ex diuini verbi præscripto constitue-
runt. Hoc exemplum plerisque populis ac præsertim
Insulanis, Valentianēsis, Duacēsis, Atrebatensibus
sequutis, quū eo quoque profectus Brulius feliciter om-
nia disposuisset, ac Tornacum regressus, Antuerpien-
ses visere ac deinceps Argentinam ad suum gregem
redire decreuisset, comperto ipsius reditu aduersa-
rii, clausis vrbis portis, vndique illum peruestigant.
Fratres igitur illum haud aliter quàm olim Pau-
lum Damasceni per vrbis mœnia fune demittunt, ex
quo dum ille sese explicare conatur, ecce lapis in-
gens in illum decidens femur ipsi confringit: ex cu-
ius vulneris dolore quum vociferaretur, à vigilibus
captus, & in carcerem coniectus, verum illud Apostoli-
cum dictum esse confirmavit, vinciri quidē seruos Dei,
sed minimè propterea vincitum esse Dei verbum. In car-
cere siquidem totos penè menses quatuor captiuus, non
modò fortiter Christi veritatem aduersus mataëologos
asseruit, verum etiam grauissimis plurimis literis tum
Ecclesias Belgicas, tum etiam priuatim alios confir-
mauit, donec XIX Februarii, anno Domini. CIO. IO.
XLV, quum Calendis Nouembris anno superiore Ca-
ptus esset, quò crudelius, lenta videlicet flamma, fuit
vstulatus, eò certiore inuictæ constantiē laudem tulit:
Martyribus postea penè infinitis ex illius rogo exortis.








CHRISTIANISMI APVD POLO-
NOS RESTITVTI INSTAVRATORES
PRÆCIPVI.

Gg.ii.




IOANNES A LASCO,
POLONVS.



IOANNES A LASCO POLO- NVS.

IOANNEM à Lasco, Polonũ, nobilissima Lascorũ familia prognatum, heroica specie infirmitatem animi generositatem præ se ferentem, multò magis pietas cũ insigni zelo coniuncta nobilitauit: quem, vt Christo liberè seruiret, patria vtrò relicta peregrinis variarum gentium eandem ob causam exulantibus adiunctum Germania vidit & Anglia: vnde quoque Marianis tẽporibus expulsos, & per inhospitas maris insulas oberrãtes illos iuuare, tum doctrina scriptis etiam testata, tum vitæ exemplo prius non destitit, quàm sedes illis aliquas nactus, & à patria paulatim respiscẽte reuocatus ad suos tandem rediret. Ibi verò paulò post, promotum quantum potuit Christianismo, vitam hanc caducam cum altera illa sempiterna commutauit, morte quous, si atatẽ spectes, satis matura, tamen quod ad Ecclesias attinet valdè intẽpestiua: sed in eo demùm ipsi valde opportuna, quòd Arrianismi, Tritheismi, & aliarum plurimarũ hæreson tẽpestates iam imminẽtes effugit. Nec tamen defuerũt qui veritatem aduersus illa teterrima monstra fortiter assererent: veluti Melius, Carolinus, Hellopæus, Thre-tius, Laicius & alii, plenius, vt spero, à nobis aliquando commemorandi.





RENASCENTIS IN ITALIA PV
RIORIS CHRISTIANISMI INSTAV-
RATORES PRÆCIPVI.

Hh. j.




FANINVS, ITALVS, FAVENTINVS.

F. ITALVS.

FANINVS, ITALVS, FAVEN- TINVS. *Geogr. Spec. Ital. Reform. p. 245.*

SICUT olim Christus in domum vsque Neronis illius truculentissimæ belluæ, Apostolo teste, penetravit: ita nostra quoque memoria in Italiam, alterius quæ illi successit nihilominus immanis bestię sedem, imo Romam ipsam vsque illius penetrabile, peruenit: inde tandem etiam eum oris sui flatu depulsum, in stagnũ illud ignis & sulphurus præcipitem daturus. Præclaram autem hac in re operam nauarunt non illi tantum quos supra commemorauimus, P. Martyr, Lacisus, Tremellius, Zanchus, Martinenghus, alique plurimi qui sponte exulantes, Rhæticas, Helueticas, Sabaudicas, Germanicas, Anglicas denique Ecclesias auxerunt, sed aliquot etiam insignes alii qui ad sanguinem vsque pro Christo constanter decertarunt. Eorum vnus ac ferè primus fuit Faninus quidam, Fauentia, vrbe ob artis figulinæ opera in Romania (quam hodie vocat) celebri, natus: qui dum ceteri ciues terreis fingendis vasis occupantur, operi diuino in animis hominum sculpendo intētus, eoque nomine captus, postquam vxoris & amicorum precibus eò vsque cessisset, vt veritatem eiuraret, mox facti pœnitentia ductus, non in patria modò, sed etiam vltro citroque factum suum detestatus, Euangelium quacũque potuit occasione promulgauit. Captus igitur denud in Ferrariæ vicinia, indeque Ferrariam perductus, quum totũ penè bienniũ ex carcere liberrimè maximoque cũ fructu veram religionem & verbis, & non paucis etiã Italicè scriptis libris esset professus, Julio illo tertio Pontifice, homine perditissimo, qui Paulo tertio successit, mandante, Ferrariæ tertia ante diluculum hora stragularus, eodemque die circa meridiem crematus, martyrii palmam, quàm ipse sibi videri poterat inuidisse, recuperatam circiter annum 1552 tulit.

Hh. ij.




POMPONIVS ALGERVS,
ITALVS, NO-
LANVS.



POMPONIVS ALGERVS. ITALVS, NOLANVS.

QUæ ciuitas olim Paulinum illum inter veteres celeberrimum Episcopum habuit, eadem Pomponium Algerum ciuem, nostris temporibus, illo fortassis etiã excellẽtiorem tulit: qui quum annum ætatis duntaxat agens vicesimum quartum & in Patauina Academia studiorum causa versans, veram religionem priuatim inter nonnullos, diuinæ cuiusdam virtutis plenus, prædicare cœpisset, mox ad eius vrbis gubernatorem Venetum delatus, indeque Venetias primùm, ac deinceps Romanam ipsam, postulante Paulo III. pontifice, Christoque veluti per mediam Italiam suum triumphantem athletam circumvehente perductus, ita sese modestè simul ac fortiter gessit, vt nemo fortassis ex omnibus temporum nostrorum Martyribus, solidius aut neruosius de promptis tum verbo Dei, tum ex ipso, quod vocant, Decreto, testimoniis, pseud-Ecclesiam illam Romanam in aliquot capitibus conuicerit: vera religione post verba, sanguine quoque suo, quò crudelius fuit vstulatus, eò gloriosius in ipsorum non tam cocco quàm Christianorum martyrum sanguine rubentium Cardinalium conspectu, constantissimè anno Domini millesimo quingentesimo quinquagesimo quinto sancita.



IOANNES LVDOVICVS
PASCALIS, PEDE-
MONTANVS.



IOANNES LVDOVICVS PAS CALIS, PEDEMONTANVS.

PASCALIS hic noster primis annis Sabauda suo principi Niceę militans, ibique primũ de puriore Christianismo aliquid audiens, de celesti militia cogitare cœpit. Itaque quum Geneuã primũ, ac deinceps Lausanam venisset, ita utrobique sese tractando diuini verbi gladio, & fidei obseruandis ducibus exercuit, vt tandem etiam dignus qui ordines duceret haberetur. Rogantibus igitur Italicam Geneuensẽ Ecclesiam Valdensibus duorum Calabriae oppidorum, Gardiæ videlicet & S. Sexti incolis, vt idoneum ad se quempiã pastorem mitterent, delectus omnium suffragiis Pascalis, quãuis eo ipso tempore virginem sibi despõdisset, utroque tamen Christum rebus omnibus antepõnente, rectã simul & ad Euangelium & ad martyriũ contendit. Mox enim excito rumore Geneua quendam aduenisse, à Salvatore Spinella illarum vrbium Domino cum aliis accersitus, vtrò ad eum Fiscaulam, Calabriae vicum, veniens, indeque post octo menses in carcere consumptos, Cosentiam, tertioque post mense Neapõlim ac Romam tandem ipsam perductus, vix credibile est qua constantia, quamuis omni crudelitatis genere in carceribus vexatus, scriptis plurimis sanctissimisque literis, non solum modò gregem pauerit, sed etiam vxorem aliosque procul absentes amicos sit consolatus. In qua constantia perseuerans, tandem anno Domini 1560, die Septẽbris 10, quartoque postquã eò appulerat mense, è regione ipsius arcis quæ nũc S. Angeli vocatur, crematus, gloriosissima pro Christo morte, miseram hanc vitam cum illa beatissima commutauit.






OLYMPIA FVLVIA, MORA-
TA, ITALA, FERRARIENSIS.

ABSIT à me verò, Olympia, vt te præteream, quam & excellens illa & supra fœminæ sexum eminentium in græcis tum in latinis eruditio, siue soluta oratione quidpiam scriberes, siue versus pangeres: & mores integerrimi: pietatis denique tantum studium, vt peregrinum hominem Germanum, pium alioqui & planè te dignum coniugem, quem in eas regiones vbi CHRISTVS purius ac liberius colitur sequereris, ambientibus certatim Italis anteposueris, immortalitati consecrarût: cuius denique constantiam bellica nulla rabies, quû capto direptoque Schuinfurto, coniugis charissimi patria, rebus omnibus amissis, vnicâque subucula tecto corpusculo, per Germaniam oberrares, ne tantillum quidem inflexit, quominus CHRISTO penitus adhæreres: à quo rursus præter omnem expectationem restitutum maritum nacta, Heydelbergam tandem veniens, diuturno morbo corpusculum opprimente, cum alacritate in verum illum Olympum, Olympia, ad quem toto vitæ cursu contenderas, annum agens duntaxat XXIX, subsequuturo mox Andrea Gronthero marito, demigrasti.





CHRISTIANISMI APVD HIS-
PANOS RENASCENTIS INSTAVRA-
TORES PRECIPVI.



ΠΟΛΥΑΝΔΡΙ-
ΟΝ ΚΕΝΟΤΑΦΙΟΝ
FORTISSIMIS OMNIUM
ORDINVM, OMNISQ. ÆTATIS,
TVM VIRIS TVM FOEMINIS,
HISPANIS, CHRISTI
MARTYRIBVS.



ET illi quidem duo à nobis commemorati extra Hi-
spaniam pro CHRISTI nomine cæsi sunt. Hi verò
de quibus sum dicturus, velut in ipso inferorum adyto,
nèpe Inquisitionis illius Hispanicæ penetrati, de Satana
& morte gloriosissimè triumpharunt. Huius autem verè
diuini operis quatuor præcipui administri fuerunt: Val-
dolidi quidem AVGVSTINVS CACALLA, quem in
Germania Carolus quintus concionatorem habuerat,
tãdem anno Domini 1559 mense Maio, ibidem crema-
tus: Sybillæ verò, quam nunc Siuiliam vocant, IOAN-
NES EGIDIVS, VARQVIAS, & CONSTANTINVS
PONTIVS, omnes ex matæologis acerrimis constantes
facti veritatis doctores, ac tandem etiam martyres, EGI-
DIO quidem post mortem cremato, VARQVIA in ip-
so Inquisitorú certamine mortuo, CONSTANTINO
denique, viro trium linguarum egregiè perito, & quo
confessore, què vocant, diu fuerat vsus Carolus quintus,
Siuiliæ damnato & cremato. Horum autem sanctissimú
studium plurimùm adiuuerat IOANNES PIERIVS, &
ipse Hispanus, qui quú Geneuã venisset, vbi Hispanicã
etiã Ecclesiã coëgit, plurimos hispanica lingua sacros li-
bros edédos, & Siuiliã vsque transportandos curauit: ho-
mo, eximia tum doctrina, tú in primis probitate insignis.

qui postea Bleſis, celebri ad Ligerim ciuitate, ac demum apud Renatá Ferrariésẽm Ducissam ministerio functus, Lutetiæ tandẽ facultatibus suis omnibus ad hispanica excudenda Biblia legatis, ex calcudo decessit. His igitur illi libris adiuti, incredibile est quantopere paucis annis Euágelium promouerint, donec, sic statuente Domino suos probare, deprehenso, & in carceres cum iis qui supererant libris pertracto IULIANO FERDINANDO, à quo Geneua fuerát asportati, viro corpore quidem tú exiguo, vt vulgo propterea PARVVS vocaretur, sed animo verè ingenti prædito, horribilis illa tépeſtas Valdolidi quidem non paucis, Siuiliæ verò circiter octingentis captis excitaretur: quorum plerique partim in carceribus mortui sunt, fideculis omníque tormentorum genere excruciat, partim *variis diebus* publicè magno, sicut illic solent, apparatu *damnati* & cremati, nonnullis imbecillioribus exceptis, & præter bonorum amissionẽ, quibus boni patres illi præcipuè inhiant, graui quoque ignominia notatis. Inter martyres autẽ, præter illos quos commemorauit, isti præcipuè constantia singulari Christum ad extremum vsque *halitum* professi celebrantur, quorum etiam nominibus, veluti pretiosissimis quibusdã gemmis, hunc libellum exornandum putauit.

Viri pro Christi nomine cremati in vrbe Valdolidi, Mense Maio, anno Domini 1559.

Franciscus Biuerus, Doctõris Cacallæ frater, antea sacrificus.

Antonius Percusius, itidem antea sacrificus Valentia.

Christophorus Delcampius, Zamorencis.

Christophorus Padilla, itidem Zamorencis.

Antonius Hesuëllus, Torenfis.
Franciscus Errenius, Pegnarandensis.

*Fæminæ ibidem eodem anno & die eandem ob
causam crematæ.*

Leonora Biuera pientissima mulieris, Cacallæ &
Francisci Biuerorum matris, cadauer.
Constantia & Leonora Biuera, eorundem forores.
Catharina Romana.
Isabella à Strada,
Ioanna Velasqua, Pedrozenses.
Catharina Ortega, Valdolidensis.

*Siuilia verò itidem cremat ianno Domini 1559.
die Septembris 14.*

Ioannes Poncius ex antiquissima & nobilissima comitū
Baïlensium familia.
Ioannes Confaluus, Siuiliensis concionator,
Ferdinandus Santiuanus, ludimagister.
Morzilius S. Isidori monachus.
Iulianus Ferdinandus, cognomente Paruus.
Christophorus Lofadas, medicus.
Christophorus Auellamus, itidem S. Isidori monachus.

Fæminæ nobiles eodem anno & die crematæ.

Isabella Vaënia, cuius domus pijs omnibus patebat, id-
circo etiam, eodem Inquisitorum decreto, fun-
ditus euerfa.

Maria Viroëza.


Cornelia.

Maria Bohorchia.

Francisca Chaueza, ex sanctæ Isabellæ monasterio.

Et de his quidem hætenus, tantisperdum ii quibus hic
meus libellus placuerit, meum hunc conatum adiuue-
rint.

Kk.j.



IOANNES ENSINAS, SIVE
DRYANDER, HI-
SPANVS.



IOANNES ENSINAS, SIVE
DRYANDER, HISPANVS.

IOANNES Dryander in ipsa vrbe Roma bestiam illam singulari magnitudine animi aliquoties in priuatis cœtibus detegere & redarguere aggressus, quû Ioannem Diazium, quẽ CHRISTO lucrificerat, & fratrem Franciscum Dryandrum, à quibus in Germaniam euocabatur, inuisere statuisset, ab aliis quibusdam Hispanis proditum, pontifex ipse Cardinalibus suis stipatus quum videre & audire voluisset, sustinere diutius sanctã ipsius libertatem non potuit. Itaque ad vim conuersus innocentissimum hominem cremandum anno Domini 1545. curauit, paulò ante videlicet quàm Alphonfus Diazius adiũcto ipsi carnifice, ad fratrem Ioannem Diazium interficiẽdum Roma in Germaniam ablegaretur. At tu Domine vsquequo?

IOANNES DIASIVS.






IOANNES DIASIVS, HISPANVS, CRVENTINVS.


Hic ille est Ioannes Diasius Cruentia: regni Tole-
tani ciuitate natus, qui à Ioanne Dryandro cog-
nitione CHRISTI imbutus, & Geneuæ confirmatus,
quum Argentinæ substitisset, ita sese gessit vt eū quan-
uis exterum, & quidem Hispanum, nihilominus Argen-
tinenſis respublica Martino Bucero ad comitia Rati-
ſponæ, religionis cōponendæ causa, anno Domini 1546
ineunte, indicta, legato adiungeret: vnde quum Neubur-
gum superioris palatinatus vrbem, ad Danubium, venif-
ſet, procurante Petro Maluenda pontificiarum partium
acerrimo simul & crudeliſſimo propugnatore, carnificis
ab Alfonso Diasio Ioannis fratre, Romanæ curiæ aduo-
cato, & ad hoc ipsum teterrimum facinus comparato,
Neuburgum perducti manu, impacta in ſeminudi & ex-
lectulo ad ſalutandum fratrem prodeuntis caput, ſecu-
ri proſtratus, Abelis à Caino interfecti exemplum reno-
uauit: tam immani ſcelere, quanuis Auguſtæ Vindelico-
rum captis homicidis, non modò non vindicato, ſed e-
tiam Romæ digno cui gratia referretur habito, vt quo
ſpiritu ducantur Romani pontifices, amplius ambigi
non poſſit.

EMBLEMA I.




*Principium in tereti quæris quicunque figura,
Principium inuenies hîc ubi finis erit.
Sic Christum vero quisquis reuereris amore,
Quæ vitam hora tibi finiet, incipiet.*

EMBLEMA II.



*Cernis ut hæc medium cingat teres undique punctum
Linea, & hinc spatium distet & inde pari?
Scilicet illa refert quod nos tegit undique calum,
Tellurem hoc punctum quod tenet ima notat.
Cur igitur doleas, quorsum dic, quæso, labores,
Tu patria pepulit quem pietatis amor?
Calum si versus tendis, quocunque recedes,
Hinc spatium calum cernis & inde pari.*

EMBLEMA III.




*Stare cubum in tereti cernis quicunque figura,
Hinc vita verum discito cautus iter.
Mores illa docet teretes, hic figere iussa
Te iubet immotos in statione gradus.*

EMBLEMA III.



*Aurea mendaci vates non unicus ore
Vellera phrixæ commemoravit ovis.
Noste, Christe, agnum canimus. Nam diuite gestas
Tu verè veras vellere solus opes.*

EMBLEMA V.



*Scilicet incudem insanit qui frangere duri
Conetur ictu mallei.
Et non insanit Christo qui perdere sacra
Se posse speret agmina?*

EMBLEMA VI



*Phenicemo, si vera ferunt, mors ipsa refingit,
Huic sit ut vnus aui vitaque morsque robus.
Ite ô carnifices, Sanctorum sancta cremate
Corpora. quos vultus perdere flamma parit.*

EMBLEMA VII.




*Nil spectasse dapes, nil deglutisse iuuabit,
Hac nisi ventriculi cuncta calore coquas.
Sic cœtus spectasse pios, diuinaque verba
Audisse attenta nil licet aure iuuat,
Hæc nisi percipiatque fides, imòque reposta
Pectore, diuino freta calore coquat.*

EMBLEMA VIII.



*Cernis ut in caelum fuerat quæ machina torta,
Fit iaculatori mors properata suo?
In sanctos quicumque Dei ruis impie, seruos,
Conatus merces hæc manet una tuos.*

EMBLEMA IX.




*Pinge globum tenui quem libratum undique filo
Sustineat summi numinis alta manus,
Talis es vrbs Christi de nomine dicta beato,
Qua nil firmitus est, mobiliusque nihil.*

EMBLEMA X.




*Qualis eques rapido nemorosa per ania cursu
Corruit, effreni precipitatus equo,
Corpore tu quemcunque Deus vel mente beaur,
Talis es, ipsius te nisi frena regant.*

EMBLEMA XI.



*Quidquid edis quodcumque bibis, moriatur oportet,
Ut inde vita suppetat:
Et nos à Christi quòd vitam morte petamus,
Philosophe rides impie?*

EMBLEMA XII.



*Ceu rutilus idem qui dissiat ignibus aether,
Fœcundas grauido pectore fundit aquas,
Vita fide sic Christus erit tibi viua receptus,
Spretus at hic idem mors tibi Christus erit.*

EMBLEMA XIII.



*Soluuntur compacta licet bene doli a, firmis
Constricta ni sint circulis.
Sic legum pœnis que non firmata tenetur,
Corruat oportet ciuitas.*

EMBLEMA XIII.




*Sectantes velut umbra fugit, fugientibus instat,
Addita corporibus scilicet umbra comes,
Sic fugit immerita captantes præmia laudis,
Demissis contra gloria iuncta comes.
Et tamen haud falso trutinata examine, quidnam
Laus hæc omnis erit? scilicet umbra leuis.*

EMBLEMA XV.




*Inuste partis opibus si fortè beatos
Putas avaros, falleris.
Exotis autè lymphis quis posse beari
Hydropicos existimet ?*

EMBLEMA XVI.




*Libera cœu volucris , caueæ mox carcere clauſa,
Libera conſraçto carcere ruruſuſ abiu:
Liber homo natus, mortis dein clauſuſ in antro,
Ruruſuſ abiu Chriſto liber ad aſtra duce.*

EMBLEMA XVII.



*Tota viden' ventis expandens vela secundis,
Ut perit optato litore mersa ratis?
Hæc tu mente notes cui fors aspirat amica,
Hæc eadem ne te que vehit vnda ruat.*

EMBLEMA XVIII.



*Obiectis ventos foribus, clausisque fenestris,
Estque etiam tota mos prohibere domo.
Ast aures, oculique, hæ sunt utrinque decebat
Quas Satanae clausas opposuisse fores.*

EMBLEMA XIX.



*Adstricti glacie niti qui fluminis audet,
Haud raro glacie dissiliente perit.
Hoc sapite exemplo istius quos commoda vite
Innumeris fallunt lubrica cuncta modis.*

EMBLEMA XX.



*Quod duro lima est ferro, mæsique flagellum,
Auro quod ignis estrudi,
Hoc tibi, si sapias, crux est, licet aspera: quisquis
Cælum Deo petis duce.*

EMBLEMA XXI.



*Qualis quæ fuluo circumdata cernitur auro
Gemma nitens ,radio splendidiore micat :
Talis formoso splendens in corpore virtus ,
Nescio quod prodit conspicienda decus.*

EMBLEMA XXII.



*Luna velut toto collustrans lumine terras,
Frustra allatantes despicit alta canes :
Sic quisquis Christum allatrat Christiue ministros,
Index stultitiæ spernitor usque suæ.*

EMBLEMA XXIII.




*Quis sapere hunc credat sese qui posse vetandis
Ventorum credat flatibus esse parem?
Stultior at quanto est sese qui posse loquentis
Obstruere insanus numinis ora putet?*

EMBLEMA XXIII.



*Tranquilli immotique prius velut æquoris undas
Unica ventorum vis agitata ciet,
Sic mundum meretrix Romana. Hanc tollite, Reges,
Pacatus subito (credite) mundus erit.*

EMBLEMA XXV.



*Cæsareos cineres quæ moles clauserat olim,
Arx est Romano nunc sacra Pontifici
Quàm benè qui mortis nunc est mortalibus auctor,
Mortis sacratas obtinet iste domos.*

EMBLEMA XXVI.




*Cernis ut hic calum fædo qui conspuit ore,
Non calum, immo suos conspuit ipse sinus?
Et tu calorum Domini contemptor, in illum
Non quot verba iacis, tot tibi probra vomis?*

EMBLEMA XXVII.



*Ludicra ridemus fabricantes tecta puellos,
Seu stipulis fartum si meditantur opus:
Quid melius plerique agitis, vanissima vita
Quos huius miseris noxia cura premit?*

EMBLEMA XXVIII.




*Hi colubris colubri, cristas tollente Ceraſte,
Conferti pariter, ſinuosa volumina quorum
Dextra ſecat, gladium cali qua librat ab arce,
Quos ſignent rogitas? ſatis & re & nomine notos,
Quos Satan, armauit iuſti quem numinis ira
Terrarum exitio, funeſto exciuit ab orco.
Aſt hominum tandem ſortem miſeratus acerbam
Exerto verbi Chriſtus nunc diſſecat enſe.*

EMBLEMA XXIX.



*Adde alas: aures, & caudam, & cornua ceruo
Tollito: depictum sic tibi tempus erit.
Tempore nanque nihil currit velocius vno,
Nec semel elapsum quo reuocetur habet.*

EMBLEMA XXX.



*Æra graui cunctos veluti campana sonore,
Ipsa licet penitus sint sibi surda, cient:
Sic es recta docens alios, peruersa sequute,
Quique aliis sapiens, non sapit ipse tibi.*

EMBLEMA XXXI.



*Ceu vacuum facilis vas est implere laboris,
Quod mero est plenum velle replere furor :
Sic cuius diuina animum sapientia cœpit,
Et vite inuasit quem melioris amor .
Aut vacuum humanis, homo, mentem sensibus adfer:
Stultitiæ plenus vel remaneto tuæ.*

EMBLEMA XXXII.



*Viperei exedunt ceu matris viscera foetus,
Sic quos ipsa suo fouit alumna sinu,
Roditur heu! nimium sanctorum Ecclesia multis,
At non euentu nec ratione pari.
Vipera nam salua infelix prole interit, illis
Hæc contra extinctis non peritura manet.*

EMBLEMA XXXIII.




*Incauto quicumque rosas collegerit ungue,
Vix unquam illa se legerit ungue rosas:
Hoc sapite exemplo locupletes, plurima nanque
Hisce latent vestris spicula mixta rosis.*

EMBLEMA XXXIII.



*Stercora quod porcis, asinis quod carduus, hoc est
Barbaries nostris asinis porcisque Magistris.*

EMBLEMA XXXV.




*En Satan accensis hinc inde ut torribus vrgens.,
 Sic tandem absumi spumantem hunc stultus ahenum
 Posse putat, lapsus complet quem cælitus humor.
 Sic liceat nobis sanctorum effingere sortem,
 Quos Satanas variis hinc inde laboribus instans
 Exercet, frustra seseque suosque fatigans.
 Ecquis enim tutus nisi quos fidusque potensque
 Tutatur cæli Christus qui considet arce?
 Perge Satan. Nam quo torres ardentius omnes
 Accendes, tanto mage despumaris ahenum,
 Purior ut tandem fundo esca appareat imo.*

EMBLEMA XXXVI.



*Niliacus qualis serpens fugientibus instat,
Instantes fugiens quanlibet ante ferox:
Sic vetus ille draco, seuus mortalibus hostis,
Te reprimente fugit, te fugiente premit.*

EMBLEMA XXXVII.




*Nil mirum est statuas vos commendare libenter,
Ipsi quum sitis, Pontifices, statua.*

EMBLEMA XXXVIII.




*Belidas fingunt pertusa in dolia vates
Mox effundendas fundere semper aquas.
Nomine mutato, narratur fabula de te,
Ebrie, quæ meas qui sine fine bibis.
Quin etiam hoc in te quadrat turba ebria, quòd sint
Corpora quæ fuerant, dolia facta tibi.*

EMBLEMA XXXIX.




*Quenam sic lacero vestita incedis amictu?
Religio, summi vera Patris scaboles.
Cur vestis tam vilis? opes contemno caducas.
Quis liber hic? Patris lex veneranda mei.
Cur nudum pectus? decet hoc candoris amicam.
Cur innixa cruci? Crux mihi sola quies.
Cur alata? homines doceo super astra volare.
Cur radians? mentis discutio tenebras.
Quid docet hoc frenum? mentis cohibere furores.
Cur tibi mors premitur? mors quia mortis ego.*

EMBLEMA XL.




*Fraternis luna ut radiis aduersa refulgens,
Pleno coruscat lumine.
Sic Christi oppositos spectans Ecclesia vultus,
Splendore lucet integro.*

EMBLEMA XLI.



*Lunam interveniens ceu tera corpus opacum
Atra inficit caligine.
Sic interueniens hominum sapientia, purum
Ecclesia infuscat inbar.*

EMBLEMA XLII.



*Luna velut fratri propius coniuncta, perisse
Stultis videtur funditus,
Quæ tamen admoti spectat quâ lumina Solis,
Longè refulget clarior.
Sic perisse pii vulgo qui morte videntur,
Absit perisse dixerim,
Ipso qui potius Christo propiore potiti,
Quod quaesierunt obtinent.*

EMBLEMA XLIII.




*Insanum hunc quicumque vides seseque suosque
Rate perforata mergere,
Ah, quàm verà vides! nam quod pictū aspicias, horum
Viua est imago temporum.*

EMBLEMA XLIIII.



*Vidi ego carnificis metuentem verbera seui,
 Qui medias sese Ligeris proiecit in vndas,
 Et quamvis sudore madens, expersque natandi
 Fluminis euasit pede calcans ima profundi,
 Quem mox non vna pœnas pro cæde luentem
 Vidimus impositum torreri viscera flammis.
 Hæc age dispicito rectæ qui tramite vitæ
 Deserto, magis atque magis periturus oberras:
 Nam quò tardior est, grauior fit numinis ira.*





NOMINA VIRORVM ET
FOEMINARVM ILLVSTRIVM, QVO-
RVM MEMORIA IN HOC LIBELLO
CELEBRATVR.

A

ADAMVS Vallacus, Sco-
tus, Ff ij.

Adolphus Clarebachius, Ger-
manus, L iij.

Alexander Alesius, Scotus, Ff
iij.

Alexander Canus, Gallus, Aa
ij.

Ambrosius Blaurerus, Germa-
nus, N iij.

Andreas Gerardus, Hyperius,
Belga, I j.

Annas Burgius, Gallus, Bb ij.

Augustinus Marloratus, Lotha-
ringus, Bb iij.

B.

Beatus Rhenanus, Germanus,
R j.

Bertholdus Hallerus, Heluetius,
M iij.

C.

Caspar Cruciger, Germanus, E
iij.

Caspar Hedio, Germanus, G iij.

Clemens Marotus, Gallus, Y iij.

Conradus Gesnerus, Heluetius,
R j.

Conradus Pellicanus, Germanus,
P j.

E.

Erasmus Roterodamus, Belga,
C ij.

F.

Faninus, Italus, Hh ij.

Franciscus primus, Gallorū Rex,
Gallus T ij.

Franciscus Kolbins, Germanus,
M iij.

Frāciscus Vatablus, Gallus, V j.

G

Georgius Anhaltinus, Ascaniæ
Princeps, Germanus, D iij.

Georgius Carpenterius, Germa-
nus, L ij.

Gulielmus Budæus, Gallus, T
iij.

Gulielmus Favellus, Gallus, S j.

H

Henricus Bullingerus, Hel-
Qq. ij

INDEX.

- netius, N* iiij.
Henricus Zuphanienfis, Germanus, K ij.
Hermanus Archiepifcopus Coloniensis, Germanus, H iiij.
Hieronymus Pragēfis, Bohemus, A iiij.
Hieronymus Saüonarola, Italus, B iiij.
Hugo Latimerus, Anglus, Dd iiij.

I.

Iacobus Faber, Gallus, X j.
Iacobus Meierus, Heluetius, N ij.
Iacobus Pauanas, Gallus, Z iiij.
Iacobus Sturmīus, Germanus, F. ij.
Iacobus Tuffanus, Gallus, V ij.
Ioachimus Camerarius, Germanus, F j.
Ioachimus Vadianus, Heluetius, Q ij.
Ioannes Cadurcus, Gallus, Aa j.
Ioannes Caluinus, Gallus, R iiij.
Ioannes Clericus, Gallus, Z iiij.
Ioannes Cnoxus, Scotus, Ee ij.
Ioannes Diasius, Hispanus, Klz iiij.
Ioannes Ensinas, Hispanus, Klz j.
Ioannes Forfterus, Germanus, E iiij.
Ioannes Frobenius, Germanus, S iiij.
Ioannes Hopperus, Anglus, Ee j.
Ioannes Huffus, Bohemus, A ij.
Ioannes Lafcus, Polonus, Gg iiij.
Ioannes Maffo, Gallus, Aa ij.
Ioannes Mercerus, Gallus, Y j.
Ioannes OEcolumpadius, Germanus, M j.
Ioannes Pafcalis, Italus, Hh iiij.
Ioannes Pomeranus, Germanus, E j.
Ioannes Reuchlinus, Germanus, C ij.
Ioannes Sleidanus, Belga, I iiij.
Ioannes Wiclefus, Anglus, A ij.
Iofias Simlerus, Heluetius, P iiij.
Iulius Cæfar Scaliger, Italus, X j.
Iuftus Ionas, Germanus, E ij.

L.

Leo Iudæ, Heluetius, O ij.
Leonardus Cæfar, Germanus, L j.
Ludouicus Berquinus, Belga, Z iiij.

M.

Margareta Valefta, Nauarrorum Regina, Galla, T iiij.
Martinus Bucerus, Germanus, G j.
Martinus Luterus, Germanus, C iiij.
Martyres Galli in America, Aa ij.

INDEX.

Aa ij.
Martyres Angli insignes, Cc
 iiij.

Martyres primi Belgæ, Gg j.
Martyres primi Hispani, Ii ij.
Martyres insignes Valdenses,
 Cc j.

Matthias Pfarrerus, Germanus,
 X ij.

Matthias Zellius, Germanus,
 F iiij.

Melior Volmarius, Germanus,
 X ij.

Michael Hospitalius, Gallus,
 V ij.

N.

Nicolaus Ridleus, Anglus, Dd
 iiij.

O.

Olympia Morata, Itala, Ii j.

P.

Patricius Hamelto, Scotus Ff. j.

Paulus Fagius, Germanus, G ij.

Petrus Buserus, Germanus, F ij.

Petrus Cholinus, Heluetius, X
 ij.

Petrus Flistedijs, Germanus, L
 ij.

Petrus Martyr, Italus, P ij.

Petrus Viretus, Sabardus, S ij.

Philippus Melancthon, Germanus, D ij.

Pomponius Algerus, Italus, Hb
 ij.

R.

Robertus Ferronus, Anglus, Ee j.

Robertus Stephanus, Gallus, Y ij.

S.

Sebastianus Munsterus, Germanus, X
 iiij.

Simon Gryneus, Germanus, O ij.

T.

Thomas Blaverus, Germanus,
 Q. iiij.

Thomas Crammerus, Anglus,
 Dd ij.

V.

Vlrichus Huttenus, Germanus,
 I iiij.

Vlrichus Zuinglius, Heluetius,
 M. j.

Volfgangus Capito, Germanus,
 H j.

Volfgangus Musculus, Lotharingus, V ij.

Volfgangus Schucus, Germanus,
 K iiij.

Errata typographica sic emendato.

- A ij, in extremo lege, C I O . I O . X X V I I
A. iij, lin. 3. lege, anferis (hoc enim, &c.
B. iij, lin. 8. lege, quantam hanc
C. iij, in Græco epigrammate lege
A πεγειος & λογαρια ιδρος.
D. iij, lin. 18. lege, ei debemus. Singu-
lare
E. iij, lin. 6. lege, diuinitus adiunctum,
G. iij, lin. 26. lege, 1550
I. iij, lin. 18. lege, per scripta,
L. ij, lin. 8. lege, eiuraret
N. iij, lin. 8. lege, post felicissimè
P. ij, altera pagina, li. 27. lege, superstes
Q. ij, lin. 11. dele, sibi
S. iij, lin. 7. lege, reuocatos debemus
X. ij, lin. vltima, lege, quum Iſnam
Aa. iij, lin. 15. lege, viginti tribus
Bb. ij, lin. 22. dele quidem
Cc. ij, lin. 5. lege, Sic igitur
Ee. iij, altera pag. lin. 24. lege, obtinuit
quod & lin. 25. lege, (id est ſi, & Ec-
clesiaſtica, & lin. 26. lege, ſublata) &
lin. 27. lege, eſſet,
Ee. iij, lin. 6. lege, ſtabilierit
Ii. iij, lin. 1. lege, Illi quidem, & altera
pagina, lin. 4. lege, calculo, & lin. 8.
lege, tam Ii. iij, lin. 19. lege, cogno-
niento
Ll. ij, verſu 1. lege, Phœnicem, Ll. iij,
verſu 5. lege, Hæc
Oo ij, altera pagina, verſu 2. lege
Quodque
Oo iij, l. 2, lege ſpumans hoc ſtultus
Pp iij, altera pagina, verſu, 1, lege,
terræ



SPECIAL

17 C

3477

